

22008/B

Exv. e
18

Nummer des Betts.

Zimmer.

Vor- und Zunamen:

Stand und Gewerbe.

A

OBSERVATIONES

M E D I C A E

V A R I I A R G V M E N T I .

PRAEMITTITVR

METHODVS EXAMINANDI

AEGROS.

EDIDIT

IOSEPHVS EYEREL.

S Y L L O G E 1.

VIENNAE ET LIPSIAE,

APVD GEORG PHILIPP WVCHERER.

MDCCLXXXVI.

624r B

R


71534



Celsiana dictio: non item amor veritatis, candorque animi, quo tandem omne redit de hoc labore iudicium. Visa scripsi, quamvis prolixius, et inconcinne: et horum quoque minima pars ad me pertinet. Morbi enim ipsi aegrorum pars, medendi methodus Praeceptoris, reliqua, consignatio et sparsae adnotationes mei, hominis tenuissimi, tenuis labor. Id quoque lubentissime profiteor, quotidianas tantummodo morborum formas descriptas esse lippis et tonsoribus notas, quamvis fortasse aliqua excusatio exinde accedat, quod ex iisdem vulgatissimis morbis homines quotidie pereant. Haec me praefatum fuisse ignosce, et si Tibi verbosius dicta videantur, memineris,
me

*me cum Marco Tullio Cicerone, si
res parvas magnis comparare liceat,
oratiunculam pro domo scriptitasse.*

Vale!



METHODUS EXAMINANDI AEGROS.

Exactam omnium earum rerum scientiam, quae in aegro homine morbum praecessere, aut in praesenti praeter naturam contingunt, ad cognoscendos curandosque morbos plurimum conferre et antiquitus et nostro etiam aevo a magnis in arte medica viris traditum est. Accuratam fidamque morbi historiam tanti fecerat magnum illud italarorum quondam medicorum decus *Baglivius*, ut

A

eam

eam *Medicinam primam* *) recte dixerit. At mirabatur quoque vir sagacissimus Medicos plerosque has morborum praenotiones in artis ignominiam et aegrorum suorum perniciem negligere: nam in peragendis observationibus methodum atque ordinem non adhibere, sed prout faciunt homines in tenebris, omnia confuse palpare et pertentare, donec casu rectam viam inveniunt; vel prout homines in eremo, qui a fortuito rerum concursu consilia capiunt, ordine interrupto ac praepostero, easdem observationes hinc inde petere, atque adnotare.

Ut autem pura et exacta habeatur morbi historia prout ex ipsa natura rei profluit, et ab aegro ipso describitur, accuratum aegri instituendum est examen, quo tam praeterita, quam
prae-

*) Baglivius de praxi medica L. II.

praesentia innotescant, et futura quoque, divinatione quadam a cognitis ad incognita traducta, facilius appareant. In quo genere examinandi duo omnino vitanda sunt, ne medicus symptomatum multitudine obruatur, aut in confusa aegri narratione conquiescat.

Quod ergo uno obtutu pervideri non potest, id per partes, unam post alteram inspiciendo, fieri oportet. Ordo itaque per locos quosdam communes condendus est, quibus hoc examen aegri ad certa quaedam capita revocetur: quae quidem methodus et facilis esse debet, ne potius impedimento, quam adjumento sit: dein completa, ut omnia, quae in aegro praeter naturam contingunt, sub ea comprehendantur, ne aliquod symptoma medici attentionem effugere queat. Via, qua anatomicorum more incedimus, adjectis excretionibus et quali-

tatibus laesis, omnium simplicissima videtur.

Ut autem, quaecunque aeger de morbo suo narraverit, aut ad quaesita responderit, non vagam et aequivocam significationem habeant, singula propriis, vocabulis breviter et adaequate notanda sunt, verbo: idioma vulgi in idioma artis traducere debet medicus.

Tanta certe examinis ad has leges exacti necessitas est, ut celeberrimus *Vogel* *) recte afferat, vel ex sola methodo examinandi, et Magistrum artis, et ignorantem agnoscere.

Priusquam propius ad nostram examinandi methodum accedo, generaliora quaedam praemittenda esse existimo,

*) Medicinisches Handbuch, Th. I.

existimo, quae in omni examine probe notanda sunt.

I. Examinari aeger debet accurate, et ordinate.

II. Hinc exercitatione multa opus est, et methodo quadam, quam sibi medicus familiarem reddiderit.

III. Male faciunt, qui raptim, aut omnino non interrogant, solis urinis, aut pulsibus confisi.

IV. Examen fiat terminis aegro notis. Non fiat suggestive. Aeger narret libere, et non interruptus inani quaestione.

V. Medicus interroget aegrum non statim, ubi aegrum accesserit, aut aegro adhuc commoto, praecipue si ignotus aegro sit.

VI. Ani-

VI. Animum aegrotantis antea componat medicus. Gravis regula apud infantes, pueros, nobiles, de sua salute anxios.

VII. Institui examen debet non quovis morbi tempore, sed quo aeger melius habet, in intermissione aut remissione febris; neque statim post evacuationem aliquam sanguinis, alvi, aut statim post emesin.

VIII. Audiat aegrotum, utut confusa sit ejus narratio; et quae ad rem faciunt, ea retineat.

IX. Bene attendat, ne aeger imponat medico, dum non quae sentit aeger, sed quae ipse de morbo suo opinatur, ac si illa sentiret, exponit. Male narrant aegritudines suas eruditi; illi praecipue qui librorum medicorum
rum

rum lectioni sese dederunt, Medicaſtri. Indocile enim hoc genus hominum, et immorigerum ſanis medicorum conſiliis. Melius narrant indocti, exponunt enim et facta, et ſuas affectiones praeternaturales, non ſolliciti, quae pars corporis, et quonam modo affecta ſit.

X. Saepe in unica viſitatione in longo morbo examen aegri abſolvi non poteſt; reſumi erga hiſtoria debet, atque expleri.

XI. Praeſtat hiſtoriam in multa praecipue praxi mox conſignari in tabulis.

Methodus examinandi aegros.

I. Aetas.

II. Sexus conditio.

III. Patria: commorationis locus.

IV. Vitae genus.

V. Status sanitatis praecedentis.

VI. Epocha morbi.

VII. Status praesens.

Caput.

thorax.

abdomen.

alvus.

urina.

pulsus.

calor.

color.

cutis.

sanguis e vena missus.

VIII. Remediorum usus.

Aetas.

Aetas.

De morbis praecipue infantilibus, variolis nempe et morbillis, sollicitos nos esse oportet. Si enim aeger iis nondum sit defunctus, et variolarum aut morbillorum epidemia incesserit, iusta omnino horum morborum suspicio oritur. In Infantibus praeter ea dentitionis, et qui in haec plerumque tempora incidit, rachitici morbi, ratio habenda est.

Sexus conditio.

Varium et mutabile semper foemina. Harum mutationum memor sit medicus in mulierum morbis indagandis. An catamenia ex ordine fluant, an parca, copiosa, et bonae indolis, an gravida aut puerpera, an primipara, aut multarum prolium mater: universim de singulis momentis, quae in graviditate aut puerperio notanda veniunt, peculiaris quaestio insti-

instituenda est. Terminus tandem foecunditatis — profluvii genitalis cessatio.

Patria: commorationis locus.

Cum in contiguis saepe regionibus varius atmosphaerae habitus sit, et diversa inde morborum popularium facies, non inutilis certe hujus momenti scientia: praesertim si de indole epidemiae ibi regnantis, aut ex medicorum relationibus, aut aliunde certius quid constiterit. Commorationis locum medici attentione haud indignum esse in populosis urbibus quotidie experimur. Suburbia enim in plagis depressioribus, ad littora magnorum fluviorum totam saepe viciniam inundantium sita, febres intermittentes a magno febrium domitore cortice peruviano vix coercendas, et ipsum scorbutum, quem maritimarum solummodo regionum incolam esse, multi

multi existimant, frequentius exhibent. Pari modo multum saepe ad praesentem morbum contulerit, an aeger in suprema contignatione, an in subterraneo humidoque loco habitet.

Vitae genus.

Humana corpora varium vitae genus variis quoque morbis opportuna facit. Aliter enim vir exercitatus, aliter longa desidia emollitus adfici-
tur: quisque suos morbos habet intra. Huc opificia pertinent fere infinita, quae tum ob multifariam materiam, quam homines tractant, effinguntque, tum ob certos membrorum motus, flexusque varios id tandem efficiunt, ut aut domestica oriantur vitia, aut foris etiam adveniens morbus in hoc illudve viscus prae omnibus aliis incumbat. Medicus certe, qui et communia et propria praesentis

tis aegri intueri voluerit, saepe hac solâ re de natura mali admonetur.

Status sanitatis praecedens.

Alios ex aliis longa saepe ferie morbos oriri, quis nescit? Febres intermittentes, aut nulla aut inepta medicatione pertinacissimas in visceribus obstructions, et multiplex ex hac causa mala corporibus inferunt. Quandoque idem morbi irritamentum per annos hominem infestat, at ex alia in aliam continuo partem migrans varia semper scena ludit, ut hebetior medicus symptomatum varietate delusus diversissimos morbos existimet, cum tamen re ipsa unum idemque malum sub diversa specie exstiterit. Eadem arthritidis materia ob partis vexatae nobilitatem, viciniam cum aliis, sensilitatem etc. varios tumultus excitat. Id quoque, si praegressam sanitatem nove-

rimus

rimus, quodam modo praevidere possumus, an corpus adversa valetudine fractum novo huic morbo ferendo par sit.

Epocha morbi.

Insolens est, (paucos morbos si excipias) hominem repente morbo corripere. Plerumque ante adversam valetudinem notae quaedam oriuntur, quibus praecedentibus morborum timor subest. Harum omnium notarum commune est, ut cum *Celfo* loquar *), aliter se corpus habere, non in pejus tantum; sed etiam in melius: nempe protinus timeri morbus debet, si graviora membra sunt, si corpus supra consuetudinem incaluit, si gravior somnus pressit, si tumultuosa somnia fuerunt; si saepius expergiscitur ali-

quis

*) L. II. c. 2.

quis, quam assueverit; si gravior somnus preffit, deinde iterum soporatur; si marcet animus, si loqui et movere piget; si dolor praecordiorum aut totius pectoris, aut qui in plurimis evenit, capitis. Si membra inhorrescunt, si spiritus gravior est, si frequentes oscitationes, si genua quasi fatigata sunt, totumve corpus lassitudinem sentit, ex quibus saepe plura, nunquam non aliqua febrim antecedunt. Has notas sedulo colligere oportet, cum morbi partem constituent, et non raro, si longo tempore manifesto morbi initio praeluserint, de morbi ipsius diuturnitate recte timeas.

Morbi autem initium inde ducimus, cum quis manifestius febre laboraverit, aut evidentiora symptomata accesserint. Id quoque nosse juvat, an aegri toto morbi tempore obambulando munia sua perfecerint.

Illis

Illis enim, qui firmioris compagis sunt, et de rebus suis parum anxii, si decumbere debuerint, id ex vi morbi factum esse colligitur.

Omnia nunc tum febribus communia, tum alia evidentiora morbi symptomata aeger a morbi initio ad novissima usque tempora medico narret, quamvis perturbate, et in concinne fiat: sua enim ipsius, quod aegri hominis est, sensa, non ordinatam morbi historiam, quod artis est officium, aegri exponant.

Oportet quoque id ab aegro rescire, an forte errore aliquo diaetae commisso praesentem morbum invaverit. At raro id aut curant aegri, aut falso iudicio id quod morbo proxime anteceffit, illius causam esse accusant.

Cogni-

Cognitis his morbi praenotionibus status praesens examinandus est, in quo ita versari oportet medicum, ut per partes eat, singulisque symptomatibus inhaereat reflexione semper ad praecedentes dies habita, quo non tantum aegrorum memoriae, morbo praesertim longiori, auxiliatur, sed accuratam etiam morbi cognitionem acquirit. Id denique in omni examine summopere cavendum est, ne suggerendo id fiat; aegri enim saepe longioris examinis pertaesi, aut loquaciores, ita faciles se praebent in respondendo, ut vitia, quorum medicus mentionem fecerat, mox sua esse profiteantur.

In singulari autem hoc examine anatomicorum ordo servandus est.

CAPUT.

Caput.

Cephalalgia.

Gravitas.

Temulentia.

Vertigo.

Animi praesentia, tarditas, stupor.

Os.

Amarum, pituitosum, glutinosum.

Ructus, Vomituritio, Vomitus: materia vomitu rejecta.

Lingua.

Alba, flava, livida.

Humida: sicca, arida, fissa.

Sordida, hirsuta, villosa, glutinosa.

Tremula, impotens (porrigi nescia.)

Tumida, gracilis.

T H O R A X.

Respiratio.

Facilis, difficilis.

Aequalis, inaequalis.

Velox, tarda.

Fortis, debilis.

Calida, frigida, foetens.

Oppressio thoracis.

Continua, per vices.

Aucta inspiratione, tussi.

Locus oppressionis.

Dolor.

Conditio doloris

acutus, gravis, pulsans, ten-
sivus.

Circumscriptio.

punctorius, diffusus.

fixus, vagus.

Augmen-

Augmentum.

tussi.

inpiratione.

attactu externo.

decubitu.

Tussis.

Ratione sputorum.

ficca.

humida.

inanis : tussicula.

Ratione irritamenti.

gutturalis.

pectoralis.

abdominalis.

Sputa.

Facilitas

facilia, difficilia.

Quantitas.

copiosa, pauca, suppressa.

B 2

Color.

Color.

alba, flava, crocea, viridescentia.

Consistentia.

tenuia, aquosa, tenacia, glutinosa.

Materia.

sanguinea, biliosa, mucosa, puriformia, purulenta.

Decubitus.

Facilis, difficilis (in latus affectum, aut in utrumque latus).

*Praecordia.***Mollities.**

mollia, tensa.

Aequalitas.

aequalia, inaequalia.

sublimia.

introducenda.

Dolor.

dolentia, indolentia.

Alvus.

Alvus.

Quantitas.

copiosa, parca.

Consistentia.

liquida, pultacea, figurata.

Facilitas.

tarda, soluta, diarrhaeica,
 tenesmoidea, colliquativa
 spontanea infcio aegro:
 enemate sollicitata.

Materia.

mucosa, biliosa, cruenta,
 verminosa.

Urina.

Quantitas.

copiosa, parca.

Color.

naturali coloratior, rubra,
 flammea, flava, tingens.

Consistentia.

tenuis.

aquosa.

crassa.

crassa.

jumentosa.

Contenta.

nebulosa.

femihypostatica.

hypostatica.

mucosa.

lateritia.

alba, flava, crocea.

cinnaberina.

Pulsus.

Celeritas.

celer, tardus.

Robur.

fortis, debilis.

Mollities.

mollis, durus, vibrans.

Rythmus.

aequalis, inaequalis, inter-
mittens, remittens.

Calor.

Calor.

Intensitas.

naturalis major.

urens.

Color corporis.

Pallidus, flavescent, lividus.

Oculi flavi.

Genae rubentes.

Flavedo aut livido circa nares et labia.

Cutis.

Perspirabilitas.

ficca, humida.

Sudor :

copiosus, colliquans.

universalis, partialis.

tenuis, viscidus.

acidus, olidus, fetidus.

flavus.

gutta-

guttatim profluens.
 frigidus, calidus.

Exanthemata :

maculae.
 pustulae.

Sanguis e vena missus.

Cruor.

densus, dissolutus.

Serum.

copiosum, parcum.
 flavesens, viridescens.

Crusta phlogistica.

Tenax, scissilis.

diffusa: contracta, fimbriata.

Remediorum usus.

Non graves solummodo morbi, si
 ad vim illorum medentis quoque im-
 peritia accesserit, aegros citius in-
 terimunt, sed leviores etiam tumul-
 tuosa mox in initio medendi methodo

a suo tramite deflectunt, et in aegri perniciem celerrime moventur. Hinc nosse oportet, quibus aeger remediis sit usus, nisi malum solis naturae medicatricis viribus commiserit, et quodnam inde nocumentum aut emolumentum subsecutum sit. Nostrates, cum venae sectionem inter remedia haud numerent, de illa peculiariter examinandi sunt.

Praemissa hac brevi Medicinae clinicae terminologia, quasdam in praecipua hujus examinis momenta observationes addam, ut clarius appareat, quam attente in aegrorum examine versari debeamus.

I. Maximi momenti res est respirationis libertas, five morbi cognitionem, five praesagia spectes. Veteres eam tanti aestimarunt, ut praesentibus etiam pessimis signis, dummodo spirandi libertas

tas

tas adesset, de aegris suis non desperarent. Ante omnia ergo de libertate respirationis quaestio instituenda est. At non sola aegri confessione contenti sumus: nam quibus encephalon adfectum est, ii respirationis difficultatem et thoracis oppressionem non sentiunt. At si profunde et lente inspirare jubeas, an libera, an impedita sit respiratio ex motu thoracis turbato facile cognoscitur. Saepe enim aegri thoracem omnino non attollunt, aut costas ex uno tantum latere diducunt, aut superiorem modo thoracis regionem movent inferiori immota, aut costas potius introducunt, aut intervenienti tussi spiritus suffocatur. Hinc celeberrimus Tissot *) discipulos suos de ea re ad-

*) Vater de praesagiis vitae et mortis. Iterum edidit, auxit Tissot. Papiæ, 1783. 8.

admonuit: „Non sufficit vero,
 „præsertim in malignis, inter-
 „rogare aegrum de respiratione,
 „sæpe enim in his morbis sine
 „aegri sensu laeditur; si vero
 „ad pectoris motum attente re-
 „spicit medicus, protinus judi-
 „cabit an læsa, an integra sit
 „haec functio: illius vero læ-
 „sione percepta inquiret, num
 „a virium defectu, a pulmo-
 „num vitio, a frequentiori pul-
 „su, aut abdomine aegrotante
 „oriatur: hae sunt enim causae,
 „quae frequentius in acutis re-
 „spirationem turbant.“ Nun-
 quam ergo hoc profundae inspi-
 rationis experimentum omitti
 debet.

II. Tussis quoque irritamentum me-
 dici attentionem meretur. Nam
 rudiores etiam homines exacte
 notant locum, ubi tussis inchoat:
 ut

ut exinde dignoscere saepe possis, quaenam potissimum viscera adfecta sint.

III. Praecordiorum et abdominis examen sollicitè instituendum est. Fit hoc capite aegri suffulto, genubus modice flexis, musculis abdominalibus laxatis, et abdomine utraque manu contrectato. Occultae saepius hoc modo viscerum abdominalium, hepatis praesertim, inflammationes deteguntur. Praeclare in hanc rem Celeberrimus Tissot l.c. „Praecordia dicuntur haec regio, quae incipiens paulo supra basin cartilaginis Xiphoideae, fere ad umbilicum descendit, et utrinque latius extenditur, sicque concludit scrobiculum cordis, totam regionem epigastricam, et maximam hypocondriorum partem: inde intelligitur,

„gitur, quot et quam momento-
 „sae partes in praecordiis la-
 „teant. Hic in vicinia stat
 „ipsum cor, et pars infima pul-
 „monum: hic adhaeret pars dia-
 „phragmatis musculosa, adfunt
 „maxima pars hepatis, et ven-
 „tricus totus, et praesertim
 „in centro cardia pars adeo sen-
 „sibilis; hic transeunt maxima
 „corporis vasa, adfunt arteriae
 „cœliacae, adfunt etiam in par-
 „te posteriori et pancreas, et
 „non parva coli pars. Non mi-
 „rum ergo, si quoties laedun-
 „tur praecordia, pars sane no-
 „bilissima, periculum inde saepe
 „adesse indicetur; et saepe
 „quaerantur de scrobiculo aegri,
 „nunc sensum tantum ingratum,
 „nunc dolorem acutum, nunc
 „sensum strictionis, nunc tumo-
 „rem accusantes: sed sedes est
 „praesertim inquietudinis et an-
 „xietatis,

„xietatis, quae frequentius fe-
 „det in regione epigastrica,
 „quam in ipso pulmone, et quo-
 „ties male afficitur, mox quo-
 „que ipsa adfficitur respiratio,
 „mox turbatur motus cordis,
 „et ipsum cerebrum. Non mi-
 „rum ergo, si ad statum hujus
 „partis tam attente respexerint
 „veteres, et praesertim Hippo-
 „crates: et sane, quoties in acu-
 „tis, praesertim putridis et ma-
 „lignis optime se habent prae-
 „cordia, utilissimum est signum;
 „ubi vero jam laeduntur, peri-
 „culum sane grave imminet, et
 „in causas illius laesionis sedu-
 „lo indagandum est.“

IV. Quemadmodum ex alvi dejec-
 tionibus de saburra aut quocun-
 que alio stimulo primas vias
 infestante, aut de vi vitae su-
 persite iudicium ferimus; ita
 quoque

quoque ex urinis febris saepe praesentis indolem, aut affinitatem cum aliis morbis dignoscimus. Hinc medicus nunquam in morbis acutis harum excretionum inspectionem negligat.

V. In pulsu examinando ad manifestas qualitates, sensu facile dignoscendas, attendere oportet: Celeritas, robur, etc. Deinde in utroque carpo pulsus examinandus: saepe enim in viscerum inflammationibus pulsus in latere adfecto fictitie debilis est, qui tamen venae sectionibus iteratis elatior fit.

VI. Calor manu pectori diutius admota exploratur. In morbis inflammatoriis calor manu applicata potius decrescere videtur,
cum

cum in putridis febribus manum ingrato ardoris sensu urat.

VII. De colore in hominibus nobis ignotis difficile est iudicium. At in iis, quibuscum familiaritas aliqua intercessit, manifestius apparet, quantum faciei habitus colorque a sano statu discrepet. Biliosa febre laborantibus genae intense rubent; quibus hepar adfectum, oculorum faciei, imo totius corporis flavus color. In putridis lurida facies, et livido circa nares et labia.

VIII. An cutis exanthematibus picta sit multum refert: nam male famae medici consulitur, si aut infirmaria, aut nasutula mulier petechiale aut miliare virus erumpere prae medico animadvertat. Hinc superficies corporis tum inspicienda, tum etiam manu super

per pectus et abdomen mota exploranda est, an aliqua cutis scabrities emineat, quae medicum de erupturis miliaribus admonet.

Examine nunc rite peracto, morbi praesentis *notio directrix*, facile determinari poterit:

- I. An sit morbus febrilis?
- II. An continua, remittens, intermittens?
- III. Ad qualem febrim principem reduci possit, an
 - inflammatoria.
 - biliosa.
 - putrida.
 - pituitosa.
 - maligna.

Morbum ad classem febrium pertinere
 mox innotescit, tum ex pulsuum cele-
 ritate, tum ex frigore, et ex functio-
 num laesione.

Neque in typo febrium definien-
 do exercitatus medicus diu haerebit:
 id enim aut ex aegri narratione, aut
 subsequa circuitus febrilis observa-
 tione colligitur.

Cum vero hae duae quaestiones
 medicum in medendo non dirigant,
 nam febris in genere nulla est cura-
 tio, et typus formam tantum non, indo-
 lem febris exprimit, hinc ad quasdam
 principes febres praesens morbus re-
 ducendus est, prout cum hac vel illa
 major similitudo intercedit.

Neque tamen ex unico aegro no-
 tio directrix et vere practica tuto
 eruitur. Id praecipue in *febris in-*
choantibus contingit, in quibus prae-
 ter

ter communissima febrium sympto-
mata nullum peculiare symptoma emi-
net. In hac igitur inopia de aliis
fontibus indicationum cura habenda
est.

Genius igitur epidemicus confi-
derandus est, id est, *febris stationaria*,
et *febris annua*. Immortalis enim
Sydenhami observationibus constat,
febres quasdam longiori, etiam per
annos, curriculo stationem obtinere,
et omnes alias febres tunc ortas in
suum imperium redigere, ita ut va-
riolae, morbilli, febres puerperarum
etc. in castra epidemica transeant.

Aliae febres sunt *annuae* quae a
manifestis aeris qualitatibus humida
et sicca, calida et frigida temporum
mutatione dependent.

Medicus ergo uno oculo aegrum
praesentem, altero autem aegros una

decumbentes respiciat: neque facile
in eruenda practica febris notione
errabit.

Ex cognita febris indole sponte
fluit indicatio, et qui febrium natu-
ram bene novit, non magno remedio-
rum apparatu justam febribus medi-
cinam faciet.

I-
 Ὁφελειν ἢ μὴ βλαπτειν.

Non ea medicorum felicitas, ut medendi methodum ad certam semper manifestamque causam dirigere liceat. Morbus enim saepe generalioribus tantum febrium symptomatibus incedit, ut difficile sit determinatu, ad quodnam febrium genus pertineat. Medela tamen facienda est, neque morbus solis naturae viribus committendus. Rebus ita ambiguis id medicus curet, ut medendi methodus aegro aut proſit, aut si id fieri non possit, non noceat. *Indirecta* haec medendi *methodus* ad tria potissimum capita revocatur:

- 1) Vires neque exorbitent, neque nimis langueant. Exorbitantes deprimendae, languentes excitandae. Iusta autem virium scala, non ut in rebus physicis, facta

facta ad tertium quoddam comparatione, sed ex prudenti solummodo medici exercitati aestimatione componitur.

- 2) Excretiones neque justo parciores, neque profusiores sint. Illae incitandae sunt, hae vero cohibendae.
- 3) Nullum denique symptoma urgeat, aut mox peculiaris illi medicina fiat.

Observatio.

Puer novem annorum infantiles morbos variolas morbillosque passus ante quatuor dies, cum matri ex periculoso morbo decumbenti media nocte sacra caena porrigeretur, e somno repente expergefactus est, re hac insolita perterritus. Mox frigore, subse-

subsequente calore, cephalalgia et artuum dolore corripiebatur.

Crescentibus iisdem altera die symptomatibus in nosocomium magnum delatus est. Accessit acutus in abdomine dolor, et assidua inanis tussicula.

Prima morbi die sumptis duobus cochlearibus salinae cujusdam mixturæ, quæ matri fuerat præscripta, sexies vomuit.

Die morbi 4ta aeger in schola clinica examini subjectus.

14. Novembr. d. m. 4.

Sapor oris pituitosus, lingua humida mucosa.

Tussis frequens, inanis: irritamentum tussis in gutture: nulla thoracis oppressio.

Dolor

Dolor abdominis attactu auctus.
 Alvus quater posita: urina jumentosa.

Pulsus naturali modice celerior,
 calor parum auctus.

In thorace sparsim petechiae lentificulares.

Roob sambuci cum nitro.

18. Nov. 8. m. d.

Tenuis haec febricula cum afflicta catarrhosa tussicula aegrum his diebus vexabat. Dolor abdominis continuo magis diffundebatur, et attactus externi impatientior: vagi quoque hac nocte artuum dolores.

Alvo heri aliquot lumbrici ejeti. Urinae coloratiores. Cutis imperspirabilis.

Cataplasma emolliens.
 abdomini applicatum.

19. Nov.

Abdomen in magna plaga acute dolens. Febricula.

Decoctum Altheae cum nitr.
cataplasma abdomini.

1. Decembr. 21. m. d.

Dolor abdominis sensim sine sensu mitior, tandem evanidus. Tussicula in dies rarior, et tenuissima tandem febris. Binis adhuc vicibus lumbrici aliquot ano dejecti.

30. Novembris noctu primus incute mador: urinae copiosissimae: versus auroram leves per totam corporis superficiem sudatiunculae Deciduae per reliquos dies cutis squamulae. Sub usu eorundem remedium puer tandem die 24. Decembris, morbi vigesima prima, ad suos rediit.

Epicripsis.

Epicripsis.

Febris haec sub mitissima specie apparens non facile definitione quadam comprehendere poterit. Potius id quid non sit, quam veram indolem talium febrium determinabis. Parvus symptomatum apparatus, decursus tarditas, et virium potius languor, quam incitator motus, satis ostendebant, febrim hanc neque ab inflammante stimulo, neque ab acri et abundantibile fuisse profectam. Accedebat haec febris ad illam *Maninghamii* febriculam, quae pueros, debiles, laxos, loca depressa humidaque, et pauperum potissimum tabernas infestat. In longa tempora trahitur aegrorum patientiam exercens, et medici non raro famam praecoci imperitae turbae iudicio pessumdans. Qui enim natura sua longus est morbus, si per septimanas nulla manifesta crisi solvitur, in homine praesertim nobilis

lis profapiae, cunctator medicus accusatur, qui vim hosti inferre non audeat. At male saepius hac impatentia aegrorum saluti consulitur, cum medicus hucusque fidus naturae minister continuis adstantium querelis confundatur, pejus mox de aegri statu ipse sentire incipiat, et rem, quam cunctando certe restituisset, docta festinatione nunc perdat.

Ut ad hunc aegrum redeam, sola hac indirecta methodo corpus contra nocivos febrilis stimuli effectus tueri consultius esse putabatur, quam ignotum stimulum calefacientibus medicamentis aggredi. Eminens symptoma, diffusus ille abdominis dolor, antiphlogisticis cessit.

At vermes? seu inquilina sint animalcula haec corporibus viventibus, seu foris ovulis illorum cum cibo potuque una deglutitis, et animali calore

calore demum evolutis, in primis viis hospitentur, tantum abest, ut ideo in hoc puero *verminosa* febris adfuisse dicatur, ut hi lumbrici tanquam concomitans potius symptomata, quam excitans febris causa haberi debeant.

Crisis tandem in hac febricula, quae plerumque longam inanem tussiculam sui praenuntiam habet, miliaribus et sudatiunculis levantibus fieri solet. In hoc tamen aegro nulla equidem miliaria, at deciduae cutis squamulae, ac si exanthema miliare praegressum esset, urinae copiosae et aequabilis per omnem cutim mador morbum solvebant.

II.

*Peripneumonia lethalis,**Pulmonum inflammatorum conditio.*

Medicinae studiosus annorum 25, cum quinque circiter dies de capitis dolore, daedolatione artuum, inappetentia, thoracis oppressione, et horrore vago conquestus esset, die 26. Octobris vespere ex urbe in suburbium redux frigore valido corripiebatur, subsequente calore magno ad auroram usque durante. Sequentibus diebus assidua thoracis oppressio, aestus magnus, dolores artuum vagi aegrum vexabant. Apparentibus morbi prodromis aeger emeticum indicari existimans, solutionem tartari emetici sumserat; nonies vomuit, ingruente altero die morbo. Die morbi secunda sanguinis unciae VI, altera die unciae XII eductae: sanguis compactus, crusta phlogistica nulla.

Reliquis

Reliquis morbi diebus methodus antiphlogistica adhibita.

6. Nov. 12. morbi dies.

Continua thoracis opressio, tussis antelucano tempore frequens, sputa mucosa.

Pulsus celer, subdurus; calor naturali major.

Urina cum sedimento albo, mucoso: alvus soluta.

Venae sectio unc. V.

Potus emollientes, tepidi.

7. Nov.

Heri circa vesperam major spirandi difficultas: Vena iterum secta. Sanguis binis vicibus eductus crustam phlogisticam exhibuit.

Minor.

Minor nunc oppressiois sensus,
at sub inspiratione profundiori infe-
rior thoracis pars minus libere mo-
vebatur.

Pulsus celerior, plenior, subdurus.
Venae sectio unciarum X.
Emollientia continuantur.
Enema.

8. 10. Nov. 17. m. d.

Versus auroram tota cutis aequa-
biliter imaduit, et miliaria alba in
abdomine apparuere. Oppressio tho-
racis parum imminuta, sanguis e vena
missus phlogisticus.

Altera die copiosiora exanthema-
ta: reliqua symptomata ad speciem
mitiora. At breve solamen. A Me-
ridie enim major accedens oppressio
novam venae sectionem unc. VIII re-
quirebat. Tantum abfuit ut morbus
inde.

inde fractus fuerit, prostantibus etiam copiosis miliaribus, ut aeger initio 17. morbi diei, convulsus et suffocatus perierit.

Sectio cadaveris.

Pulmo uterque ex toto dire inflammatus: uterque pulmo antiquis ubique cohaesionibus ad latera thoracis, et ad diaphragma religatus.

Pulmonum autem inflammatorum conditio his notis dignoscenda:

1. Pulmo inflammatus augetur mole: ita ut in peripneumonico unius lateris vitio, alter pulmo aucto focii pulmonis volumine in angustum saepe spatium compri-matur.
2. Dura est pulmonis inflammati substantia: difficulter scinditur et sub cultro scindente stridet.

3. Aquae non supernatat, sed fundum petit; et si levior inflammationis gradus fuerit, frustula pulmonum dissecta aquis tantum internatant.

Epicrisis.

Ex inflammationis magnitudine, ut sectione anatomica constitit, aeger periit. Nulla pulmone fere toto inflammato benignae resolutionis spes superest, morbo praesertim mox in initio negligentius aut omnino perverse curato. Miliare exanthema nec minimum aegro levamen tulit, neque antiphlogisticam methodum ideo cum stimulante medicamentorum apparatu commutandam esse, ullo modo indicabat. Ad febrim enim principem, non ad junctum illi febrile exanthema curam dirigere debet medicus, nam et biliosae, et inflammatoriae, et pituitosae febris miliaria fae-

pe accedunt, quamvis id quoque negandum non sit miliaria in pituitosam potissimum febrim incidere, eamque sudatiunculis et urinis copiosioribus fociis ut plurimum judicare.

III.

*Status in febris nervosus**a depositione ad encephalum facta.*

In morbis acutis, inflammatoriis praecipue febris, inchoante aut perfecta ad cerebrum metastasi tantae et tam variae nervorum systematis turbae exoriuntur, ut vis vitalis modo exaltata, modo depressa appareat. Symptomata, quae auctam irritabilitatem ostendunt saepissime sub malignitatis specie imponunt, et de subtilissima quadam materie nervorum origines vellicante medicis non nunquam suspicionem movent, quamvis ex sola pressione humorum, qui aut majori copia advecti impetum faciunt in encephalum, aut quibus refluere per venas non datur, ii omnes abnormes nervorum motus explicari possint.

Perniciosa haec symptomata instantis aut factae depositionis haec potissimum sunt: Parcae urinae, alvi-
que, aut involuntariae omnino excre-
tiones. Rubor faciei, haemorrha-
giae narium, delirium mite primum,
deinde ferox; subsultus tendinum,
manuum ad contactum medici retracta-
tio inscio aegro, masticatio assidua,
pupillae dilatatio; pulsuum incon-
stantia, modo accelerati, pleni vi-
brantes, debiles nunc mollesque. Mu-
sculi denique faciei et colli ex alte-
rutra parte semiparalitici, et frigi-
dus, inaequalis, in guttos collectus
faciei sudor. Eo magis terrere de-
bent haec symptomata, cum licet prae-
visa cognitaque nullis remediis averti
queant. Non venae sectionibus, non
irritantibus enematibus, non vesican-
te, non hirudine applicata humorum
derivatio obtinetur.

Observatio.

Ancilla 24 annorum, semper rite at parce menstruans per 14 fere dies de continua lancinante capitis dolore conquesta ante 5 dies post prandium ingesta bile comixta vomuit. Accessit daedolatio, dolores vagi artuum, horripilatio frequens cum colore alternans. Haec symptomata sequentibus diebus persistabant: os insuper amarum et copitis temulentia.

Die 2. morbi domi emeticum propinatum, septies vomit. Dies tertia vena bis secta: sanguis crusta phlogistica tectus.

Die 14. Decembris ad nos delata.

14. Decembr. 5. m. d.

Caput temulentum, sapor oris amarus, lingua ficcescens; sub profundiori inspiratione et tussi difficultas, et dolor

dolor in media infimaque thoracis regione. Sputa mucosa, puriformia: tussis rara, pectoralis. Praecordia mollia.

Urinae intense flavae, alvus soluta.

Pulsus celer, vibrans, durus; calor naturali major, genae rubentes, dolores vagi artuum et lumborum.

Venae Sectio unç. VIII.

Potus emollientes tepidi.

15. Decembr. 6. m. d.

Dolores vagi post venae sectionem evanuerunt, at major cephalalgia, et intensior calor. Sputa quaedam cruenta.

Urinae flavae, jumentosae: alvus bis mota.

Pulsus

Pulsus celer, vibrans, durus, praecipue in carpo dextro, sanguis heri e vena missus phlogisticus, crusta crassa

Venae sectio unc. VII.

Emollientium continuatio.

16. Decembr. 7. m. d.

Praegressa die a meridie acutus dolor in hepatis regione attactum non ferens. Vesperi pulsum acceleratio et major vibratio, hinc quinque unciae sanguinis eductae.

Mane amaror oris; respiratio ad profundiores inspirationem interveniente tussi impedita, dolor in regione Hepatis et ventriculi: Pulsus magnus, fortis, plenus, celer. Sanguis ultima venae sectione missus, crustam rheumaticam, gelatinosam, plumbeam et dissolutum cruorem exhibuit.

Venae

Venae sectio unc. V.
cataplasma abdomini appli-
catum.

Potus emollientes tepidi.

17. Decembr. 8. m. d.

Heri a meridie mite delirium, et
narium haemorrhagia. Noctu ferox
delirium, et largior haemorrhagia.
Sanguinis ea nocte unciae V mitte-
bantur. Crusta crassa, gelatinosa, ex
livido flavescent, cruor tamen com-
pactior. Mane dolor in hepatis re-
gione multum imminutus, et pulsus
fortis, plenus, vibrans, durus itera-
tam Venae sectionem unc. IV indi-
cabat.

18 — 20. Decembr.

Perstans sequentibus diebus deli-
rium. Pulsuum inconstantia magna,
qui enim magnus, fortis, plenus, ce-
ler fuerat, mox debilis et mollis factus.

Acce-

Accedebant tandem subsultus tendinum, manuum attrectatarum retractio, continua masticatio, pupillae immobilitas, capitis in dextrum latus assiduus relapsus, quasi semiparalyticum, partialis tandem faciei sudor.

Quamvis ter adhuc vena secta, enemata irritantia binis ultimis diebus omni bihorio injecta, et vltima die vesicans nuchae applicatum, aegra inter assidua deliria exspiravit.

Sectio cadaveris.

1. In ventriculis cerebri anterioribus non magna feri quantitas, at major sub tentorio et in theca vertebrarum.
2. Pulmonis dextri dimidium supremum inflammatum, inflammatione quidem non dirissima, sed quae videbatur esse proxima benignae resolu-

resolutioni. In eodem cavo dextro thoracis libra dimidia feri effusi.

3. Hepar inflammatum. Vesicula fellea serosa bile plenissima. Intestina pleraque aut dire inflammata, aut gangraenosa.

Epicripsis.

Pessimae notae inflammationem adesse ex sanguine dissoluto et crusta discolori, plumbea cum virore caerulescente, et gelatinosa tecto constabat. Vix quemquam ex ejusmodi perniciosis inflammationibus, evasisse vidit *Praeceptor*, cui tam prava sanguinis conditio fuerat. Acrior videtur esse materies, quae tam mali moris, et ad gangraenam proniorem inflammationem efficit. Nulla hic in acidorum mineralium usu, nulla in antisepticis remediis salus. Cito enim
pereunt

pereunt aegri admotis his stimulis: aliqua eaque unica ab antiphlogistica methodo curationis spes.

Cito in hac aegra inflammatio haec maligna progrediebatur. Nulla epim, cum advenerat, hepatis inflammati indicia, at brevi et hepar, et intestina et inflammati, et gangraena infecuta, ut sectione anatomica innouit. Optandum certe et in artis salutiferae incrementa, et in ipsorum quoque medicorum famam dignitatemque, ut de necessitate pathologiae anatomicae convicti, in mortuis, quos vivos fervare non potuerant, causas sedesque morborum rimarentur. Nam praeter noviter detectas devastationes vi morbi inuectas, id saepe ex desperatis rebus quaecumque solatium redundaret: medicinam huic malo in arte humana fuisse nullam.

IV.

*Variae**inflammationum thoracis formae.*

Febris rheumatico - inflammatoria, quae jam longo tempore stationem in nostris terris obtinet, in eo praecipue a stationariis aliorum temporum discrepat, quod prae aliis partibus in thoracis viscera incumbat. At non semper sub specie exquisitae pleuritidis aut peripneumoniae apparuit, sed subdole non raro pulmonibus insedit, in phtisin abitura, nisi attentior medicus in principio morbi antiphlogisticam medicinam fecerit. Imo in ipso morbi decursu, cum antea nulla adfuerint inflammationis indicia, peripneumonica tandem affectio apparuit. Cognito hujus epidemiae imperio, omni attentione respirationis negotium, inspirationis praesertim libertas,

bertas, sputorum conditio, et universim pulmonum antiqua vitia ex accurata facta anamnesi dignoscenda dirigere debent medicum. Iuvabit varias quasdam ejusmodi inflammationum formas adferre, ut asserta haec natura coram intueamur.

Observatio prima.

Puella 22 annorum menstruis a duobus primum annis ex ordine fluentibus, cum antea per 4 annos chlorosi laborasset, a tribus circiter septimanis manifestius aegrotat. Nam praegressa jam aestate aestuante corpore frigidam hausit. Assiduo inde catarrho vexabatur, et sputa sanguine tincta saepius ejecta.

Incipiebat autem novus hic morbus a pectoris oppressione, palpitatione cordis, frigore et calore abs lege accedentibus. Negra tamen, quin

quin lectum peteret, officiis suis fungebatur. Ante triduum dolor lateris sinistri punctorius tussi et inspiratione auctus et pectoris oppressio. Remediis domi nullis utebatur. 9na Novembris ad nos delata.

9na Novembr.

Caput grave. Os pituitosum, lingua albida.

Levior thoracis oppressio. Dolor punctorius in sinistro thoracis latere ad ultimas costas spurias, tussi et inspiratione auctus. Tussis noctu frequens. Sputa, quae ante octiduum striis sanguineis mixta, nunc mucosa.

Pulsus naturali celerior, subdurus.

Venae sectio unc. X.

Cataplasma emolliens.

Potus emollientes, tepidi.

10. *Novembr.*

Nulla thoracis oppressio. At dolor a costis ultimis ad superiora thoracis diffusus, attactu externo auctus. Vagi quoque artuum dolores.

Pulsus celerior, mollis tamen.

Roob Sambuci cum nitro.

Cataplasma.

13 — 18. *Novembr.*

Dolor sub continuato sambucinarum usu de die in diem mitior, intra arctiores continuo limites, et tandem evanidus. At eo magis aegra doloribus vagis cervicem occupantibus vexabatur. Hinc die 13. Nov. pulsu omnino naturali vesicans ad nucham applicatum, iisdem remediis internis continuatis: dolores inde plurimum mitigati. Omni vespera modica febris exacerbatio. Urinae partim jumentosae, partim coloratiores. Alvus

vus morosa non nisi enemate movenda. 18. Novemb. aegra tandem apyreta.

19 — 30. *Novembr.*

Ob alvi morositatem aucta nitri dosis. Alvus 10. posita inter abdominis tormina. At mox iterum morosior alvus, quotidie enemate sollicitanda, neque sale mirabili Glauberi ad 3 — 4 quotidie drachmas insuper praescripto, facile movebatur. Abdomen iterum tentabat rheuma, eoque mox iterum relicto caput et artus occupabat. Ad has rheumatis reliquias exterminandas die 30. Nov. in mixtura ex aqua et roob sambuci intra 24 hor. assumenda granum unum tartari emetici solvebatur. Eo remedio per aliquot dies continuato, saepius alvus movebatur, et leves ad auroram sudatiunculae abortae, quin tamen aegra magnas nauseas, aut vomitiones conquesta esset. Disparuit

ruit tandem dolor omnis, et aegra 10.
Decembris e nosocomio dimissa.

Observatio secunda.

Coqua 22 annorum, morbillos nondum passa, rite semper menstruans aestate praegressa catarrho saepius vexabatur, quem tamen utpote leve malum neglexerat. Ante novem dies novus catarrhi insultus cum valida thoracis oppressione. Os insuper pituitosum, et inappetentia. Quarta morbi die frigus et color aegram saepius per diem corripuere. Accessit cephalalgia, palpebrarum tumor, dolor faucium, coryza, et crebra tussis. Sexta morbi die maculae rubrae discretæ primo in facie, dein in pectore et artubus apparuere. Perstabant febris, et catarrhi simulacra. His ultimis diebus aegra lecto decubuit. Septima morbi die aegra in nosocomium magnum, heri vesperi ad nos delata.

28. *Novembr. 9. m. d.*

Levior thoracis oppressio, et doloris sub sterno sensus sub tussi et profundiori inspiratione. Sapor oris pituitosus, lingua albescens. Fauces modice dolentes. Tussis frequens.

Alvus ad 7. usque diem morosior, enemate dein sollicitata, nunc soluta. Urinae jumentosae. Pulsus naturali fere celeritate. Exanthemata hinc inde in facie disparentia. Cutis a praegresso noctu sudore madida.

Decoctum Salep. tepide.

29. *Nov. — 14. Decembr.*

Dolor sub inspiratione et tussi plurimum mitigatus. Faucium quoque mitis dolor. Exanthemata sensim evanida, cutis perspirabilis. Pulsus fere naturalis. 1ma Decembris apyreta. Sputa quaedam puriformia. Continuato

nuato tepidorum emollientium usu
aegra die 14. Decembris, morbi 13ma
dimissa.

Observatio tertia.

Operarius 30 annorum, olim factor, hucusque sanus, cum ante 8 dies urbem peteret, repente dolore acuto cervicem et lumbos occupante corripitur. Dolor brevi evanuit, et aeger fuetis laboribus fungebatur. At noctu domum redeuns calore, artuum daedolatione, capitis temulentia corripiebatur, subsecutis largis sudoribus. Mane commode se habens ad labores rediit. Secunda, tertia, et quarta die eodem symptomata apparere eodem modo desinentia, ut aeger de die opus suum perficeret. At 25. Nov. 5. morbi die decumbere coactus. Noctu intensior calor, et profusi sudores. 8va morbi die examini subjectus.

28. *Novembr. 8. m. d.*

Caput temulentum : daedolatio magna. Lingua siccescens.

Affiduus ponderis sensus ad scrobiculum cordis. Pulsus naturali celerior, subdurus.

Venae sectio unc. VII.

Decoctum hordei cum nitro.

29. *Nov. — 1. Decembr.*

Heri a meridie levior exacerbatio. Perstabant temulentia, daedolatio, et oppressio thoracis. Minor tamen pulsuum durities. Versus auroram sudor largus. Sanguis e vena missus compactus : parcum serum.

Noctu sequente major iterum thoracis oppressio, ut aeger decoctum suum tepide exhiberetur. Alvus ea nocte quinquies posita, et largus

LECTORI AEQVO.

Quicumque animo perpenderit Medicinam omnem a fidis morborum observationibus profectam atque excul-
tam esse, non certe meam qualemcunque
opellam, cum historias quasdam mor-
borum, quos Duce STOLLIO pu-
blice in schola clinica observare li-
cuit, litteris consignarim, et typis ex-
cudi curaverim, odio contemptuique
* 2 * habe-

habebit. Id autem cur in me susceperim, multiplex mihi ratio fuit.

Quanta sit utilitas observationum singularium, quas medici in suis diariis consignarunt, vel ex eo patet, quod plenior morborum theoria non nisi a pluribus ejusdem morbi exemplaribus haberi possit. Sunt mihi in hac re summorum virorum exempla, et ut praeclaram rem praeclaro opere confirmem, Immortalis Swietenii constitutiones epidemicas adduxisse sufficiat, quas ex ejus adversariis Praeceptor venerandus edidit. In hoc enim diario et vulgatissimi morbi plenius descripti sunt; et quamvis sit, ut plane desperem, me unquam hanc in describendo indu-

*industriam et concinnitatem propius
posse imitari, tamen et magnos viros
imitari voluisse, benevoli hominis ve-
nia haud indignum esse facinus spero
atque confido.*

*Quod autem hoc praecipue anno
academico morborum historias college-
rim, eleganti clarissimi Haeberl de fe-
bribus annuis opusculo adductus sum,
quanvis non eadem omnino laborum
nostrorum ratio sit. Placuit enim cl.
Viro a generali morbi epidemici no-
tione exordium ducere, et peculiare
morbos sub hac febre militantes suo
quemque loco exponere. Mibi alia
via incedere constitutum est: singulas
enim morborum historias enarro, post
ali-*

aliquod demum tempus generalem mor-
borum epidemicorum constitutionem
expositurus. Accedit, quod existima-
verim juniores medicos, qui una me-
cum hos morbos observarunt, jucun-
dam visorum quondam morborum me-
moriā habituros esse, et meo periculo
forsan incitari, ut vulgares morbos et
accuratius observare, et concinne ma-
gis describere studeant. Non enim is
ego sum, qui ex hisce minutis opusculis
gloriolam aliquam in me redundare
existimem, cum probe sciam, me iis
dotibus destitutum esse, quibus magni
in describendis morbis magistri in hac
etiam civitate eruditorum orbi incla-
ruere. Deest mihi illud in observando
acumen, deest illa ingenii ubertas, et

Celsi

gus fudor. Mane pulsuum celeritas,
et aliqua iterum durities.

Eadem continuantur.

1. *Decembr.*

Respiratio difficilis: dolor ad
scrobiculum cordis recrudescent: ce-
ler fortis, durus pulsus. Alvus 3 po-
sita, largus fudor.

Venae Sectio unc. V.

Idem decoctum, absque nitro.

2 — 4. *Decembr.*


Dolor plurimum imminutus. Lin-
gua ficescens, daedolatio magna al-
vus 7es posita, urina coloratior, et
mollescentes pulsus. Hinc grana tria
camphorae in emulso, altera die du-
pla camphorae dosi, tertia die nullo
superfite doloris vestigio, magna ta-
men virium debilitate, corticis peru-
viani decoctum exhibebatur.

5—19.

5 — 19. Decembr.

At altera die valida oppressio, et ardor in thorace, et sub inspiratione profundiori dexter thorax fere totus immobilis. Sputa quaedam crocea; pulsus celerior, plenior. Cataplasma emolliens thoraci impositum, et potus emollientes tepidi. Altera die vix ullus dolor superstes. Pulsus fere naturali celeritate, mollis, at magna artuum daedolatio, et non plena adhuc animi praesentia, quae toto morbi decursu desiderabatur. Hinc camphorae iterum grana VI in emulso, quam binis diebus cum levamine tulit. 8. Dec. apyretos, lingua humectari incipiens. Decoctum nunc corticis peruviani, sub cuius usu pulsuum vigor, et animi praesentia rediit. Cura confirmatoria 23. Decemb. elixiri stomachico inchoata, et aeger 28. Decembris e nosocomio dimissus 19. morbi die.





OBSERVATIONES

M E D I C A E

V A R I I A R G V M E N T I .

EDIDIT


IOSEPHVS EYEREL.

S T I L O G E . II .

VIENNÆ ET LIPSIAE,

APVD GEORG PHILIPP WYCHERER.

MDCCLXXXVI.



I.

*Medicorum dissensus de indole febris
Puerperarum.*

Mirum certe non est, variam in hac febre medendi methodum a medicis adhiberi, cum non una sit de natura harum febrium sententia. Alii plethoram lactis, alii uteri inflammationem, omenti et intestinorum inflammationem alii, sunt denique etiam qui putridum in primis viis stimulum causam proximam esse asserant; et quamvis diversissimae sint, quas celebres medici statuunt, opiniones, ad experientiam tamen

omnes provocant, felici quilibet sanatorum hominum cura, et detecta anatomicis sectionibus morbi sede confusus. Difficilis primo intuitu ratio hujus dissensus, cum exercitati in arte viri inter se dissentiant. At si consideremus *Sydenhami effatum*, febres puerperarum in *castra Epidemici transire*, probabilem certe hujus controversiae rationem habemus: Varia scilicet febris puerperarum indoles est pro varia morborum epidemicorum constitutione. Aliis temporibus antiphlogistica methodus prodest, si stationaria aut annua febris inflammatoria fuerit; subinde evacuans et antiseptica methodus juvat, si puerperium in constitutionem bilioso-putridam inciderit. Univerfim peracta graviditatis tempora, vexata ob molem incrementis uteri abdominalia viscera, fordes in canali intestinorum collectae, fractae puerperarum vires etc. excitans tantummodo
causa

causa sunt, cur epidemica febris puerperio superveniat. Cum ergo habito ad constitutionem epidemicam respectu varia omnino sit medendi methodus, febris puerperarum non pro febre quadam propria habenda est, sed ad principes in pyrotologia constituendas febres reducenda, et ex febrium catalogo prorsus delenda est. Adnexa observatio febrem puerperarum exhibet sub regnantis rheumatico - inflammatoriae constitutionis imperio.

Observatio.

Mulier 37 annorum ante quatuor septimanas gemellos peperit. Primus foetus natibus praeviis versione, alter autem naturali quidem situ, at ob vires a primo partu debilitatus, manu obstetricante eductus. Placentae faetuum separatae partitis vicibus ab obstetrice exemptae. Toto graviditatis tempore de ventriculo depravato conquerebatur aegra. Quarto circiter graviditatis mense venâ secta, et alvus purgata.

Primis a partu diebus sanguis grumosus parca copia decessit: sexta die materies pallida faeci cerevisiae similis, itidem parca. 14. puerperii die prima vice domo exiit, at semper sub levioribus horripilationibus rediit. Vbera praebuit gemellis ad 15. Nov. lacte tunc in mammis disparente.

Die 16. Nov. frigore corripitur, et subsequo calore. Vagus primum in dextro abdominis latere dolor per femur diffusus, dein in sinistro etiam latere, omnem tandem abdominis regionem occupans. Gravior continuo morbus est factus, et aegra 20. Nov. vesperi ad nos delata.

Domi suasu obstetricis castoreo jusculo dilutum sumpsit; dein aquam laxativam: a purgante vomuit. Hesternae die, cum ad nos venisset, venae sectio instituta unciarum VIII.

21. Nov. 6. m. d.

Dolor abdominis assiduus, acutus, attactus vel levissimi impatiens. Abdomen insigniter tensum. Alvus quinquies mota. Pulsus naturali vix non celeritate, subdurus. Sanguini heri e vena missi crassa contracta, fimbriata.

Venae

Venae sectio unc. X.

Cataplasma, abdomini applicatum.

Potus emollientes, tepidi.

22. Nov.

Intensior heri a meridie abdominis dolor, et major pulsuum durities, ut vena denuo secaretur ad unc. VIII. Tranquillior sequebatur nox, et aliqua doloris remissio. Minus mane intumuit abdomen, at eadem attactus impatientia. Alvus 5. mota, urina naturali coloratior. Pulsus naturali vix non celeritate. Secta vena est. At a meridie et febris et dolor increvere, major pulsuum durities: sanguinis iterum unciae VIII eductae.

23. Nov.

Continuato usu emollientium tepidorum, dolor abdominis sensim per vices remissior, subinde plane evanidus,

duſ, univerſum plurimum mitigatus, tandem mobilior factus oculorum orbitas, thoracis latera, femur obambulando vexans. Febricula exigua.

27. Nov.

Veficans ad nucham. Acrius ea vefpera dolor abdomen infeſtat. Sequentibus diebus relicto abdomine ſeroſum acre, leniter inflammans ex oculis ſtillicidium; doloris quoque per thoracis integumenta et artus migratio. Tandem abdomini iterum infeſedit rheuma abſque ulla febre; os inſuper amarum et ructus. Lene porrigebatur eccoprocticum per epicraſin, a quo tamen altera mox die abſtinebatur. Dolor enim abdominis intra aliquot dies eo modo recrudit, accedente pulſuum quadam duritie, ut
7. Decembris novae venae ſectionis unciarum V. et emollientium in- et externorum neceſſitas adeſſet. Rebus
ite-

iterum mitigatis lene mannatum cum cremore tartari exhibitum, insigni cum levamine. Raro nunc hinc inde vagante rheumate sambucina cum grano uno, tandem dimidio tartari emetici intra 24 horas exhibebatur: alvus inde libera et cutis major perspiratio. Disparuit dolor omnis, at emaciata aegra, leviori subinde thoracis oppressione tentata, et sputa toto morbi decursu puriformia iuxta phtyiseos suspicionem praebuere. Sola emollienti methodo, decocto Salap. per 5 septimanas continuato lentus admodum in phtysin transitus. Aegra tandem 30. Decembris domum rediit.

II.

Infausta Peripneumoniae, et febris intermittentis connubia.

In curandis febribus continuis remittentibus, ea *notio directrix* tutissime medicum ducit, quae remittentem febrim in elementa sua, ex quibus coaluit, resolvit: unam continuam febrim, alteram intermittentem, utramque et indole sua et typo variis modis invicem junctam. Saepissime prioribus annis in schola clinica vidimus, dum feбри principi continuae mederemur, et ipsam sub hac methodo intermittentem aut sopitam, aut si duplicata fuerat, in simplicem conversam fuisse. At non in medico est has febres recta semper via sanare; pendet id potissimum a febris continuae indole et vehementia, et a pravis insuper symptomatibus febrim intermittentem stipantibus. Omnium autem difficillima curatio est, si febris

bris continua inflammatorii generis peripneumoniam simul comitem habeat. In eo enim casu, seu inflammationi, seu intermittenti obviam eas, anceps semper curationis eventus est: Sanationis impedimentum in pulmonum inflammatorio infarctu. Quamvis enim antiphlogistica methodus febris principi conveniens adhibeatur, intermittentis frequentiores paroxysmi novo semper impetu vexatos pulmones adficiunt, et morbi vim augment: si autem intermittens febris cortice peruviano jugulare animus sit, inflammans in sanguine stimulus, nullis antiphlogisticis mitigatus, inevitabile pulmonibus exitium adfert.

Trigam observationum adjicio, quibus haec asserta probantur.

Observatio I.

Ancilla 38 annorum menses regulariter semper passa, per sex jam septimanas assiduam cephalalgiam conquesta ante 16 circiter dies frigore corripiebatur saepius per diem recurrente absque manifesto tamen caloris sensu, praesenti tamen siti. Ea symptomata continuo augebantur, horis praesertim post meridianis. Ante quatuor hebdomades ob continuam cephalalgiam vena secabatur. Primis morbi hujusce diebus suasu aniculae theriacam sumpsit: largus inde sudor sine morbi levamine; dein guttulas, nescio quas, neque sudorem neque alium moventes. Die 16. Nov. ad nos delata.

16. Nov. 16. circiter m. d.

Caput temulentum: pressivus oculorum dolor.

Os glutinosum, inappetentia. Lingua levissima albescente pellicula obducta.

Respiratio facilis, tussis rara.

Circa praecordia in latere dextro obscurior infarctus.

Vrina brevi jumentosa facta cum sedimento lateritio. Alvus soluta.

Pulsus celerior, ad debilem accedens, cum aliqua duritie.

Mixtura salina.

17. Novembr.

Heri circa meridiem manifesta caloris exacerbatio, sub qua et in pectore et brachiis petechiarum lenticularium eruptio.

Mane

Mane capitis stupor. Pectus et
praecordia libera. Pulsus modice ce-
lerior. Vrina coloratior, alvus ter-
mota. Calor naturali major. Cutis
perspirabilis. Pauciores petechiae.

Mixtura salina.

18. *Novembr.*

Rediit heri circa meridiem exa-
cerbatio, protractior, at minus inten-
sa. Accessit audiendi difficultas. Vri-
na coloratior sine sedimento, alvus ab
enemate parce mota. Eadem pul-
suum conditio.

Decoctum corticis peruviani.

Interpolata mixtura salina.

19. *Novembr.*

Manifestior iterum heri exacer-
batio.

Mane

Mane capitis temulentia, cophosis,
et pone sinistram aurem levis tumor
ab oritura parotide.

Sputa insuper quaedam crocea, et
aliquod profundioris inspirationis im-
pedimentum; levior item hypocon-
driorum infarctus. Idem reliquorum
status.

Decoctum cort. peruv.
omissa mixt. salin.

20. *Novembr.*

Levior heri exacerbatio. At ma-
jor hodie capitis stupor, et tarditas
in respondendo. Liberior ad sensum
respiratio. Sputa quaedam purifor-
mia. Noctu miliaria erupuerunt.

Vnc. I. cort. peruv. in decoct.
additis fl. arnicae. drach. II.
fyr. e bacc. samb. unc. II. et
spir. minder. dr. II.

23. *Novembr.*

Gravior at feriori vespera omni alterna die exacerbatio. Copiosa miliaria absque levamine. Largus per noctes sudor, sputa quaedam sanguinolenta.

Eodem continuantur.

24. *Novembr.*

Sera vespera validus paroxismus absque praegresso frigore, pulsu valde accelerato, respiratione citata. Exacerbatio longe protracta, summe debilitans, sero obortis sudoribus.

Corticis peruvian. scrup. II.
omni biborio.

25. *Novembr.*

Serior heri, at aequae gravis paroxismus. Tussis insuper, et remittente etiam febre inspirationis pro-

Syllog. II.

B

fundioris

fundioris impedimentum in thorace dextro.

Decoct. rad. althed. et cort.
peruv.

26 — 28. *Novembr.*

Summa hesternae vespera virium debilitas. Hinc vesicantia furis apposita. Post mediam noctem paroxysmus aliquantum remissior. Circa nonam matutinam debiles pulsus, urinae biliofae et totum corpus dilutiori flavedine perfusum, neque plena thoracis libertas. Levior parotidis sinistrae tumor.

Graviores et protractiores reliquis diebus exacerbationes, pectus valde adficientes. Difficilis respiratio cruentaue sputa. Inchoans parotis iterum disparuit. Neque corticis peruviani drachma dimidia cum pauxillo vini, neque mixtura leniter

cam-

camphorata levamen tulere. Aegra
28. Nov. fatifcente paroxifmo periit.

Seftio.

Vterque pulmo dire inflammatus,
dexter praecipue.

In cavo thoracis dextro ultra duas
libras feri. Pulmones multis in lo-
cis connexi pleurae, mediaftino, dia-
phragmati antiquis nexubus. Peri-
cardium ubique firmitissime nexum cum
corde.

Epicrifis.

Vitium in hac aegra peripneu-
monicum ferius acceffit, eo pericu-
lofius, cum et ipfe morbus ab initio
neglectus et materies quoque in-
flammans acrior mobiliorque fuerit,
quod ex parotide per vices apparente
conjicitur. Protractae et fumme de-

bilitantes exacerbationes corticis peruviani necessitatem imposuere. At augebatur peripneumonicum vitium, ut aegra, monstrante id cadaveris sectione, ex inflammationis magnitudine perierit, nullo modo cohibendae.

Observatio II.

Vidua 49 annorum catameniis a duobus jam annis cessantibus, longo caeteroquin tempore sana, ante 16 dies ea capitis temulentia, ut vix pedibus potuerit insistere, inappetentia, artuum daedolatione, amarore oris, frigore et calore per vices recurrentibus vexata, ante 8 dies nosocomium magnum adiit. Die 8. Nov. ad nos delata. Domi remediis nullis usa.

8. Novembr. 16. m. d.

Caput temulentum. Os amarum, vomituritio. Lingua mucosa, flavescens.

Respiratio facilis: tussis praegressa nocte frequens, irritamento sub scrobiculo cordis, sputa puriformia.

Abdomen indolens, tumidulum.

Pulsus

Pulsus celerior, duriusculus. Calor naturali major. Flavescens corporis et faciei color.

In Nosocomio magno a mixtura salina alvus 12. posita: Vena quoque secabatur semel, et parce.

Mixtura salina.

9. *Novembr.*

Multa per noctem inquires. Temulentia, os amarum, vomituritio, ructus. Lingua albida, modice flavescens.

Sinistrum thoracis latus minus expedite attollitur, sputa quaedam puriformia.

Vrina coloratior, alvus liquida 9. posita. Pulsus celerior, subdurus.

Decoctum alth. cum nitro tepide.

Circa meridiem emeticum.

10. *Novembr.*

Ocſties vomuit: at neque copioſe,
neque eminentiori ſubſecuto levami-
ne. Veſperi horruit, caluit, dein
alvus 5 poſita. Oris hodie amaror,
caput grave.

Thorax ſiniſter inſpiratione pro-
fundiori minus elevatus. Sputa te-
nacia, puriformia.

Pulſus celer, ſat fortis.

Emollientia continuantur.

11. *Nov.*

Heri ſera veſpera praegreſſo hor-
rore, et ſubſequenti calore 4 circi-
ter horarum ſudores inter aegra in-
dormivit.

Alvus 7. poſita, aquoſa.

Pulſus celerior, vibrans.

Idem

Idem fere reliquorum status.

Venae sectio unc. V.

Decoctum altheae sine nitro.

12. *Novembr.*

In sanguine e vena misso crusta inchoans, parcum serum Noctu alvus 5. posita.

Minor thoracis elevandae libertas. Pulsus celer, vibrans.

Emollientia continuantur.

Cataplasma remotum.

13—18. *Nov.*

Ob validiorem hesternae die exacerbationem decoctum corticis peruviani praescriptum. Mitiores inde sequentibus diebus accessiones. At thoracis continuo major oppressio, et inaequalior elevatio, sputis purulentis, subinde croceis. Profusior tamen omni die alvus.

16. Novembr. a meridie binae febris accessiones, praegresso semper horrore valido. Noctu quoque bis febris exacerbata. Alvus 9. mota.

17. Nov. levior exacerbatio: at dolor lateris sub profundiori inspiratione: sputa purulenta: alvus 6. mota.

Continuatur decoctum corticis: omni vespera paregoricum.

19—23. Nov.

18. Nov. a meridie valida febris exacerbatio in seram usque noctem protracta. Magna thoracis oppressio. Sanguinis unciae V. e venaeductae. Omni bihorio, praemisso mane paregorico scrupuli duo corticis peruviani.

Leviore nunc continuo exacerbationes sub continuato usu corticis peruviani.

peruviani, at deterior semper thoracis conditio. Sputa purulenta. Costae finistri lateris sub inspiratione ferre immobiles.

Aegra tandem 23. Novemb. morbi die 35. periit.

Sectio.

In sinistro thoracis cavo librae circiter quatuor feri subflavescentis dira utriusque pulmonis, finistri potissimum inflammatio.

Vesicula fellea plus quam 40 calculis triangularibus repleta.

Epicripsis.

Manifesta in initio febris biliosae imago. Continuus amaror oris vomituritiones, ructus, lingua flavescens, biliosae urina, et flavescens cor-

corporis faciei imprimis color id clare demonstrabant. Serius peripneumonicum vitium evolutum. Antiphlogistica methodo adhibita vehementiores exacerbationes, ut intermittens febris cortice debuerit cohiberi. Increvit interim pulmonum inflammatio nullo modo praevertenda. Ipse denique morbus, qui per 16 dies negligebatur, infaustam prognosin suppeditabat.

Observatio III.

Operarius 48 annorum, antea longo tempore sanus (excepta aliqua aegritudine inundationem illam torrentem Viennae fluvii, ex qua tamen perfecte convaluit) die 3. Novembris horrore vehementi corripitur, calore subsequo, et dolore lateris sinistri punctorio. Eadem Symptomata secunda et tertia die aucta. Die 4. ad nosocomium magnum, 5. ad nos delatus.

7. Nov. 5. m. d.

Caput indolens, lingua albida, sapor oris nauseoso dulcis.

Thoracis oppressio continua. Inspiratio solo fere sinistro thoracis latere peracta. Dolor lateris sinistri punctorius ad oras costarum spuriarum, anteriora et superiora versus diffusus, tussi et inspiratione auctus.

Sputa

Sputa in morbi initio striis sanguineis permixta.

Praecordia indolentia. Abdomen molle.

Pulsus naturali celerior, subdurus, doloris vehementiae non respondens. Calor naturali major, color corporis subflavescens.

Die secunda morbi domi parca venae sectio: largior die quarto in nosocomio magno, subsecuto aliquo levamine: sanguis crusta tectus.

Venae sectio unc. X.

Potus emolliens, tepidus.

Cataplasma.

8. *Novembr.*

Hesternae die e meridie febris exacerbatio absque praegresso frigore. Noctu exiguum doloris levamen. As-
fidua

fidua thoracis oppressio. Tussis rara, sputa quaedam cruenta.

Alvus ab enemate pultacea, copiosa. Vrina jumentosa, cum sedimento lateritio.

Modica pulsuum celeritas, vix ulla durities.

Crusta sanguinis e vena missi ingens, crassa, flava.

Continuantur emollientia.

9 — 12. Nov.

Heri a meridie febris intensior, urgente thoracis oppressione et dolore. Hinc unciae VIII. sanguiniseductae. Perstans vespera oppressio, et sputa sanguine tincta iteratam phlebotomiam exigere. Noctu quaedam symptomatum remissio. Sanguis a prima venae sectione crustam magnam,

nam, diffusam, a secunda inchoantem solummodo exhibuit.

Sequentibus diebus levior a meridie exacerbatio sub emollientium usu mitior, et oppressio et dolor, at inaequalis semper inspiratio, thorace fere immoto. Pulsus celer, mollis.

12. Nov. a meridie pulsus plenior, naturali tamen celeritate; sera tandem vespera tenuis, debilissimus, remittens, intermittens sudore per totum corpus aequabili, magna respirationis libertate, mente praesentissima: morientis imago. Corticis peruviani decoctum cum gr. XII. camphorae: et duo vesicantia furis apposita.

13 — 23. Nov.

Exacerbatione finita reliqua nox scit tranquilla. Mane pulsus debiles,
aequa-

aequales tamen. Nulla thoracis oppressio, manente sinistri lateris immobilitate. Nulla sequentibus diebus exacerbatio rediit. Sputa tamen puriformia, et eadem respirationis conditio. Urinae sensim nullo deposito lateritio sedimento ad sanorum urinas accedebant. Continuabatur per aliquot dies corticis peruviani decoctum, debilius postea, et cum radicis altheae decocto, cum vires magis insurgerent; tandem omnino sepositum, et cum mixtura ex mucilagine gummi arabici et aqua florum rhaeados commutatum.

23. Nov. — 12. Decembr.

23. et 24. a meridie modicum oppressionis augmento, et exacerbationis febrilis suspicio. Urinae insuper lateritiae. Cortice peruviano emollientibus juncto oritura intermittens suppressa. 1. Decembr. Mucilaginosum iterum

iterum exhibita. Oppressionis sensus
sensim disparuit; at inaequalis semper
inspiratio et sputa purulenta.

13. Decembr. — 3. Ian.

Pulsuum aliqua iterum durities.
Alterā die et fortiores et pleniores,
oppressio insuper aucta venae sectio-
nem unciarum 8 indicabant. Sanguis
phlogisticus. Potus antiphlogistici.
Fracta et dissipata iterum phlogosis.
At omne inspirationis negotium solo
dextro thorace absolvebatur. Latus
sinistrum manu leviter percussum so-
num nullum edidit. Sputa continuo
purulenta, eaque copiosa. Nulla ta-
men colliquans diarrhoea, nulli pthy-
ficorum more nocturni sudores, nul-
lae vespertinae exacerbationes. Ae-
ger tandem sub assiduo emollientium
tepidorum usu emaciatissimus sensim
sine sensu vivere desiit 63. morbi die.

Sectio.

In cavo thoracis sinistro magna copia effusae lymphae coagulabilis. Magnus inter sinistrum pulmonem et pleuram abscessus. Dexter pulmo magna ex parte adhuc crude inflammatus.

Epicripsis.

Longus duorum mensium morbus: Pleuroperipneumonia febris intermittenti duplicatae fociata, in pthysin tandem terminata.

Et ipsum peripneumonicum vitium mox in initio sat grave ex laesae respirationis difficultate, sputorum conditione, et pulsu doloris vehementiae non respondente judicabatur. Ad magnitudinem inflammationis febris insuper intermittens accessit, et ipsa perniciosissima, cortice peruviano

ruviano illico supprimenda. Non potuit tamen impediri, quin inflammata pulmonum loca suppurarint, quamvis lente et absque colliquantibus diarrhaeis aut sudoribus tabifica mors insecta sit. Id quoque sectio cadaveris quod in plerisque peripneumonicum videre contingit, ostendit, in eodem suppurato viscere, crudam una posse inflammationem existere; magno certe argumento, emollientem antiphlogisticam in curanda pthysi methodum balsamicis, irritantibus medicamentis, longe esse anteferendam.

Varia Colicae Pictorum medendi methodus.

Dirum morbi genus et saevitie sua, et pertinacia, cum in eodem homine, nisi genus vitae mutare datum sit, saepius et brevibus intervallis recurrat. Quinam artificum plumbata tractantium morbo huic succumbant, in docto et eleganti clarissimi *Haeberl*, de febribus annuis libello, abunde scriptum est.

Variam medendi methodum Medici adhibuere, quae ad triplex genus reduci poterit:

- 1) Methodus involvens, quae emollientibus, oleosis potis, injectis, externe applicatis vexata intestina fovet.

2) Me-

- 2) Methodus evacuans purgantibus
eccoproticis, clysmatibus etiam
alvum sollicitans.
- 3) Methodus narcotica, quae doloris
saevitiem, et turbas inde excita-
tas opiatis sedat.

Sua cuique methodo oportunitas,
et saepissime ex apto duntaxat tripli-
cis methodi connubio optima morbo
medela paratur.

Observatio.

Sellarum pictor 59 annorum per
decem annos saturninis operibus vic-
tum quaerens colica pictonum saepius
laboravit. Elapso Mense Maji colicis
iterum doloribus vexatus in nosoco-
mio magno decubuit, intra 4 septima-
nas sanatus.

Elapso

Elapso octiduo frigore et calore, ardore ventriculi, torminibus faevis, doloribus artuum vagis, et daedolatione corripitur. Ruētus insuper acidi, et pertinax alvi constipatio. Continua fuere haec morbi symptomata in hesternam usque diem. Alvus heri enemate sollicitata bis mota.

14. Nov. 8. m. d.

Dolor abdominis continuus, attactum non ferens, per vices intensior. Spiritus quoque aliqua difficultas, et vagi artuum dolores. Alvus ab enemate ter mota. Pulsus naturali fere celeritate, at plenus, fortis, durus, vibrans.

Cataplasma emolliens abdomini applicatum.
Emuls. ordinar.

15. *Novembr.*

Heri a meridie et noctu etiam 8: aeruginosa vomuit. Intenfior abdominis dolor; dolores artuum vagi. Vrinae jumentosae, alvus enemate bis sollicitata. Pulsuum eadem celeritas, at ingens durities chordae ferreae ad instar.

Venae sectio unc. VIII.

Emollientium continuatio.

Lenc eccoproticum mannatum
cum cremore tartari, per
epicrasin fumendum.

16 — 23. *Novembr.*

Ea heri versus vesperam dolorum in abdomine saevities, ut convulsio-
num timor subesset. Desistebatur ab
eccoprotico. Granum dimidium opii
exhibitum. Emuls. et enema. Nox
magis tranquilla. Dolor paulo re-
missior.

A

A meridie aliquoties vomuit.
Emollientia continuata.

Sera vespera dolorum exacerbatio, et frequens vomitus. Granum dimidum opii et vomitum et dolores sedavit. Alvus ea nocte ab enemate saepius mota.

Continuatis emollientibus, et opio omni vespera exhibito intra biduum adeo mitescebat dolor, ut 19. Nov. abdomen rudiores etiam attactum ferret. Ultima nocte ingens faecum copia dejecta.

Solo jam enematum et emollientium usu dolor omnis sensim evanuit, et pulsus ad naturalem mollitiem rediit. Aeger tandem 25. Novembr. e nosocomio dimissus.

Inflam-

IV.

Inflammatoria febris cum serosa colluvie ex praegressa intermittente tertiana.

Famulus 25 annorum ante 5 menses Laxenburgi degens febre intermittente tertiana correptus, in pagum Doebling Viennae vicinum, ob intermittentes febres jam dudum infamem migravit. Febre intra quatuordecim dies a chirurgo non profligata Viennae nosocomium magnum adiit. Elapsis octo septimanis a febre tandem sanatus 2. Novembris dimittebatur. At cum primum egrederetur novus accessit paroxismus, tertia iterum die redeuns. Binis his paroxismis febris haec intermittens absoluta. Non tamen perfecta ab eo tempore sanitas: nam et calores nocturni, frequens insudatio, pedum oedema brevi iterum evanidum, et assiduus circa praecordia oppressionis sensus.

Ante

Ante 9. dies thoracis oppressione, tussi calore, et largo subsequo sudore corripitur. Continua ad 13. Decembris febris.

19. Decembr. 9. m. d.

Lingua albida: levis amaror oris
Tussis rarior, sputa mucosa. Sub profundiori inspiratione sensus oppressio-
nis ad scrobiculum cordis.

Praecordia indolentia: levior tamen circa lien abdominis tumescencia.

Vrina brevi jumentosa facta cum sedimento lateritio: alvus ab aliquot diebus morosior.

Pulsus naturali celerior, fortis, durus, calor naturali major.

Antiphlogistica nitrosa.

20. *Decembr.*

Heri a meridie remissior paulo febris: at manifestior nunc etiam hepatis infarctus, et oppressio ad scrobiculum cordis inspiratione profundiori aucta.

Sedimentum in urina lateritium, alvus bis mota. Pulsuum naturalis fere celeritas, et major mollities.

Solventia antiphlogistica.

21. *Decembr.*

Noctu intensior febris. Aucta circa praecordia oppressio. Ingens sedimenti lateritii copia. Celerior pulsus.

Continuantur antiphlogistica.

22. *Decembr.*

Major iterum noctu incalescentia: intensior dolor ad cardiam, versus

pus thoracem ad scapulas usque protensus, auctus profunda inspiratione, et rudiori attactu. Accessit narium haemorrhagia. Coloratiores urinae cum sedimento lateritio. Pulsus modice celerior.

Venae sectio-unc. VIII.

Antiphlogistica emollientia.

Cataplasma emolliens.

23. *Decembr.*

Circa mediam noctem manifestior febris exacerbatio profuso tandem sudore terminata. Levior jam circa cardiacam oppressio, et dolor per dorsum punctorius evanidus. Facilis respiratio, rara tussis. Lingua alba, dilute flavescent. Abdomen molle, collapsum. Urinae fere ictericarum; alvus pultacea, bis mota.

Pulsus naturali modice celerior, minus vibrans. In sanguine heri e
vena

vena misso initians crusta, et serum viride.

Venae sectio unc. VIII.

Emollientium continuatio.

24. *Decembr.*

Versus auroram febris exacerbatio rediit. Mitior nunc oppressio, et dolor sub profundiori tantum inspiratione. Auctus. Modica pulsuum celeritas, aliqua tamen vibratio. Urinae biliosae. Alvus semel mota.

Venae sectio unc. VIII.

Emollientium continuatio.

25. *Decembr.*

Senior continuo sequentibus diebus exacerbatio rediit, mitior tamen continuato emollientium usu. Dolor omnis sensim evanuit. At facies noctu intumuit, interdum detumescens. Addito emollientibus liquore terrae foliatae

foliatae tartari urinae copiosiores ad naturalem sensum colorem accedebant.

3. *Ianuar.*

Nulla heri exacerbatio. Levissimum inspirationis profundioris impedimentum. Major faciei intumescencia. Urinae copiosae.

Continuatum emolliens decoctum aucta dosi liquoris terrae foliatae tartari. Copiosum inde urinae profluvium, facies detumuit, tenuissima febris.

7. Ianuarii aeger apyretos, nullae doloris reliquiae. Convaluit, at errore in diaeta commisso, novae febris remittentis accessiones, post aliquot iterum circuitus solventium usu sublatae. Aeger 26. Ianuar. sanus ad suos rediit.

V.

*Rheuma ad hepar et intestina conver-
sum.*

Observatio I.

Lotrix 17 annorum ante 12 dies cephalalgia et artuum doloribus vexabatur. Accessit frigus, et calor. Secunda et tertia morbi die vespertina manifestior exacerbatio. Dein continua febris, aucta interim capitis temulentia, et artuum daedolatione. Remediis domi utebatur nullis. II. Vena secabatur in nosocomio magno.

15. Decembr. 12. m. d.

Veriginosum caput, assiduus aurium tinnitus. Lingua albida, mucosa. Thoracis oppressio nulla.

In regione epigastrica versus hepar dolor fixus, assiduus, attactus impatiens, per reliquum etiam abdomen diffusus. Urinae brevi jumentosae factae, cum sedimento lateritio: alvus ter mota.

Pulsus

Pulsus naturali vix non celeritate,
non plenus, non fortis.

Calor parum auctus: daedolatio

Cataplasma emolliens abdomini.

Decoctum emolliens cum nitro.

16 — 20. Decembr.

Eadem doloris per abdomen diffusio, minor tamen ejusdem ad attactum intensio, aucta interim capitis temulentia. Pulsuum debilitas fere, et naturalis celeritas. Copiosum in urina sedimentum.

Continuato antiphlogisticorum usu mitior, et angustiori plaga circumscriptus abdominis dolor. Minor sensum capitis temulentia, et sensuum tarditas, sat valida tamen artuum daedolatio. Pulsuum nunc plenior evolutio,

lutio, et aliqua vibrationum accessio. Idem, aequè abundans urinae sedimentum.

21. *Decembr.*

Heri fera vespera magis incaluit; reliquum noctis dormiendo peractum. Mane sub inspiratione profundiori aliquod in thoracis parte superiori impedimentum notabatur. Lingua levissime albida, pulsuum in carpo praecipue sinistro aliqua durities. Abdomen indolens. Urinae biliosae absque sedimento. Levior capitis temulentia, assidua daedolatio.

Praescripto emulso nitroso nullum ea vespera caloris augmentum. At major intra biduum thoracis adfectio. Doloris et tensionis in dextro thorace sensus, sputa aliqua crocea, et inferiores costae inter inspirandum minus diductae. Dolor iterum sub cordis

Syllog. II.

D

scro-

scrobiculo recrudit, attactum non ferens. Pulsus celerior, plenus, durus. Vrina sine sedimento, alvus aquosa. Major insuper sensuum tarditas et daedolatio, ut 23. Dec. sanguinis unciae V. educerentur, et latus adfectum emollienti cataplasmae foveretur. Potus insuper emolliens, nitrosus, tepidus. Oppressione circa vesperam aucta, accedente pulsuum duritie venae sectio repetita.

24. Dec. — 12. Ian.

Aliqua doloris mitigatio. Sanguis emissus crusta inchoante gelatinosa tectus.

Continuatis emollientibus dolor thoracis et abdominis de die in diem magis mitescebat. Febricula sensim exigua, urina ad naturalem propius accedebat, et plena tandem inspirationis libertas. 12. Ianuarii morbi die 28. aegra sanata dimittebatur.

Obser.

Observatio II.

Lotrix 20 annorum catameniis ultimo mense suppressis 4. Ianuarii febre corripitur remittente primum, dein ultimis diebus continua facta. Magna jam ab initio daedolatio, et capitis stupor adfuere. Die 13. morbi vena secabatur; aliquod inde levamen.

15. *Ianuar.* 13. *m. d.*

Lancinans capitis dolor. Levis amaror oris. Lingua albida, tenui pellicula tecta.

Nulla thoracis oppressio. Hypochondria mollia: abdomen modice inflatum.

Alvus quater mota, copiosa, pul-
tacea. Urinae copiosae cum sedimen-
to mucofo.

Pulsus naturali parum celerior, at fortis, subdurus, vibrans. Calor intensior, non urens. Cutis perspirabilis.

Venae sectio unc. X.

Potus emolliens nitrosus.

17. *Ianuar.*

Noctu accessit dolor faucium: uvula modice inflammata. Levius in deglutiendo impedimentum. Caput indolens: stupor. Lingua albida.

Nulla in inspiratione difficultas; tussis frequens: sputa quaedam puriformia.

Alvus 6. posita. Urina cum sedimento mucoso.

Pulsus acceleratus, plenus, durus, fortis. Sanguinis e vena missi cruor compactus.

Venae

Venae sectio unc. V.
Emollientia sine nitro.
Gargarisma emolliens.

18. *Ianuar.*

Levior faucium rubedo: alvus 13.
mota inter tormina. Tussis rarior.
Sedimentum in urina mucosum. Pul-
sus plenus, fortis, durus.

Emollientia continuantur.
Sinapisimus inter scapulas.

19. *Ianuar.*

Minor nunc, ac praegressis diebus,
capitis temulentia. Deglutitio ob
faucium dolores valde impedita. Ama-
ror oris, Lingua albida. Tussis rara,
spuma mucosa, pauxillo sanguine tincta.
Thorax oppressionis expertus.

Alvus torminosa 9. mota. Vri-
nae naturales. Pulsus celer, plenus.
Daedolatio.

Emol-

Emollientia sine nitro.
Cataplasmate collum foveba-
tur.

20. *Ianuar.*

Heri fera vespera manifestior pul-
suum durities: sputa insuper crocea.
Facta phlebotomia unc. VIII. Noctu
tussis crebra, catarrhosa. Profusa
diarrhaea, nullis doloribus stipata.
Dolor faucium remissior, facilior de-
glutitio. Pulsus naturali fere cele-
ritate, non plenus, non durus. San-
guis e vena missus compactus, absque
crusta.

Emollientia continuantur.
Noctu granum dimidium opii.

♦ 21. *Ianuar.*

Profusior sequentibus diebus diar-
rhaea non nisi dimidio opii grano
omni vesperi exhibito paulo modera-
tior

tior facta. Dolor faucium sensim evanidus. Sputa puriformia, subinde cruenta. Alta tamen inspiratio, et frequens inanis tussicula. Abdomen tumidulum, indolens. Mucosum in urinis sedimentum. Levior febris. Continuata sunt sambucina emollientibus juncta.

24. *Ianuar.*

Major morbi in thoracem impetus. Sputa puriformia, sanguine tincta. Crebra tussicula. A profundiori inspiratione strepitus in thorace exauditus. Profusior iterum diarrhaea. Recruduit 26. faucium dolor, siccescente et albescente lingua; cophosis. Pulsus sensim fortior et major illius durities, ut ad resumpta mere emollientia remedia venae sectio unciarium VIII. accederet, crusta crassa diffusa, discolori apparente.

30. *Ianuar.*

Conferta in abdomine noctu miliaria prorupuerunt; profusa persistente diarrhaea parciora, illa sensim minuta iterum confertiora. Univerſim inſigne a miliaribus levamen. Tenuis febricula.

Sequentibus diebus minor ſenſim alvi frequentia. Faucium et ſputorum melior in dies conditio. Sedi-
mentum in urina mucoſum. Lenta cutis poſt evaneſcentia miliaria deſquamata. Convaluit.

15. *Febr.*

Errore in diaeta commiſſo recru-
duit dolor faucium. Lingua albida.
Frequens tuſſis, ſputa puriformia.
Diarrhaea. Pulſum major celeritas,
et aliqua durities. Secta eſt vena.
Vnc.

Vnc. VIII. Potus emollientes tepidi, quibus sedulo continuatis aegra tandem sanata e nosocomio dimissa.
27. Febr. 58. morbi die.

Enteritis

VI.

Enteritis cum hepatitis et peripneumonia.

Mulier 29 annorum decem prolium mater, ante biennium ultimum partum enixa. Ante 4 septimanas tertio, ut videtur graviditatis mense, (nam catamenia tota aestate saepius redeuntia, tunc penitus emanserant.) cognatos ruri invisura, currum per saxuosa loca vecta, abortum probabilius patitur, profusissima haemorrhagia uteri oborta, per triduum durante, quae linteis aqua frigida imbutis tandem sistebatur. At assidua ab eo tempore thoracis oppressio, continua febris. Inappetentia insuper, abdominis dolor, et calidum pedum ad malleolos oedema. Domum redux aegrotae proli inserviens, se ipsam neglexit: quinque ultimis diebus decubuit. Domi ante 5 dies a purgante assumpto levamen nullum experta.

19. *Decembr.*

Cephalaea. Os amarum, vomit-
ritio. Lingua in medio arefcens, cir-
ca margines glutine obducta.

Spirandi difficultas ab ultimis quin-
que diebus major, sub profundiori
praefertim inspiratione doloris et op-
preffionis augmentum. Tuffis rara,
fputa puriformia. Dolor per totum
abdomen diffufus, leviffimi etiam at-
tactus impatiens. Oedema pedum
fere evanidum, dolor tamen ad mal-
leolos ab attactu. Artuum dolores
vagi. Pulsus celer, in carpo finifiro
durus, vibrans. Cutis perfpirabilis.

Venae feftio unc. VI.

Cataplafma emolliens abdo-
mini.

Decoctum falap. tepide.

20. *Decembr.*

Mitigatus paululum dolor abdominis. Dolor sub sternō in profundiori inspiratione, et thoracis elevatio inaequalis. Parcū, mucosum in urina sedimentum. Alvus soluta. Pulsus magis plenus, durus. Sanguis e vena missus compactus, crusta nulla tectus.

Continuantur emollientia.

21 — 22. *Decembr.*

Difficultas respirationis: dolor sub profundiori inspiratione ad scrobiculum cordis. Dolor per totum abdomen diffusus, attactus impatiens, in hepatis praesertim regione. Sputa puriformia alvus bis dejecta. Pulsus celerior, vibrans.

Venae sectio unc. VII.

Emollientium continuatio.

22. De-

22. Decembr. sanguis pridie e venâ missus crustam nullam exhibuit. Imminuta parumper inflammationis symptomata.

23. *Decembr.*

Continuum in thorace sinistro profundioris inspirationis impedimentum. Oppressio per vices major. Sputa crocea. Pulsus celerior, subdurus. Venae sectio unciarum VIII. instituta. Sera vespera oppressionis augmentum, et major pulsuum durities iteratam venae sectionem unc. V. indicabat. Sanguinis educti crusta rheumatica.

24. *Decembr.*

Oppressio thoracis, et abdominis dolor parum imminutus, intra octiduum demum sensim sine sensu evanidus. Thorax manu percussus sonitum
nullum

nullum edens. Costis quoque, quae inter inspirandum vix diductae apparebant, aliqua tandem libertas rediit. Sputa purulenta in dies parciora, urinae magis naturales, lingua mollior humidiorque, exigua febricula, plena tandem sanatio sub assiduo emollientium tepidorum usu. Aegra 10. Ianuarii dimissa.

VII.

Subdola Pleuritidis latentis origo.

Multum certe debemus *Baglivio*, qui medicos primo de periculo tam lenis ad speciem morbi admonuit. Neque tamen video, medicos nostro, quam illius aevo in dignoscenda curandave latente pleuritide magis attentos, aut magis cautos esse. Praetervident enim, quamquam quotidianis periculis moniti, nasciturum morbum, aut etiam agnitum ita parum curant, cum aegri plerumque neque minimam periculi instantis suspicionem habeant, et averfa etiam praemature tabifica morte, magnae medelae peractae rumor nullus sequatur: ac si omnis Medicina magis in opinione vulgi, quam in docta, tacita licet, morborum sanatione versaretur.

Interest fontes nosse, e quibus tanta et insanabilia mala quotidie oriuntur.

oriuntur. Frequentissima causa sunt praegressae pleuritidis aut pleuropneumoniae reliquiae. Dum enim fracto generosa antiphlogistica methodo morbi impetu convalescere incipiunt aegri, manu mittuntur a medicis, utpote sanati. At nisi omnis phlogosis discussa fuerit, aut recidivas patiuntur, aut quod saepissime contingit, in latentes pleuritides incidunt, post longa demum tempora pthysi terminandas. Gravis hinc sit regula, ut in convalescentibus ex morbis inflammatoriis pectoris ratio potissimum inspirationis habeatur: quamdiu enim sub profundiori inspiratione vel lenioris oppressionis aut doloris punctorii sensus superstes, aeger quiete in lecto contineatur sub assiduo potuum emollientium usu: neque poenitebit quemque meticolosius egisse cum suis aegris, quicumque oculis suis viderit, quousque neglecta
haec

haec peripneumoniae rudimenta insurgere soleant.

Alia, non insolens causa in neglecta catarrhi subinflammatorii cura. Omnis enim medicastrosum exercitus ita prompte, ac vox ipsa pronuntiatur, catarrhum sanare posse sibi arrogat. At praeterquam, quod e catarrho saepissime peripneumoniarum initia scaturiant, ut in egregiis suis medicinae popularis institutis *Tissotus* monuit, antiphlogisticam methodum malo opponere plerumque negligunt, et catarrhum cortice peruviano, lichene islandico, aliisque ex adstringentium medicamentorum classe opprimunt; malo certe rerum eventu, cum praecipiti hac festinatione simplex catarrhus in pleuritidem, aut chronicam pulmonum inflammationem, aut ipsam tandem pthysin abeat.

Tuberculosa etiam pulmonum conditio non raro hunc morbum generat. Saepius enim infarcta haec ab extravasata lymphâ coagulabili pulmonum loca de novo inflammantur, ac pus fundunt, modo in angusta, modo in latiori plaga, donec tandem maxima pulmonum pars destructa sit.

Maximum vero periculum iis imminet, qui chronica, saepe nativa ad pthysin praedispotione mulctantur: Ii enim, quibus thorax angustus, alatae scapulae, collum praelongum, tenuis fibra, et irritabilitas corporis aucta, quam maxime huic malo sunt obnoxii.

Tam mitis saepe hujus morbi species est, ut et aegri, et medici vix morbum adesse existiment. Febris enim nulla, aut omnino exigua, et nullum in respirationis negotio impedimentum pulmonum integritatem significant.

nificant. At ex accuratiori examine patet, aegros continuo dolorem quendam in thorace fixum, non errabundum perferre, incitatori praefer-
 tim corporis motu, aut si data opera profundius inspirent, magis notabilem. Febricula plerumque tenuissima hanc chronicam pulmonum inflammationem comitatur, ex vagis tantum horripilationibus, leviori et transitoria incalescentia, et modica pulsuum vibratione dignoscenda. Male consultur aegrorum saluti, si medici subdola hac latentium peripneumoniarum securitate delusi, ambulatorium corporis motum, equitationem, vinum exhilarans, et lautiores victus suadent. Magis enim ab iis stimulis sanguis inflammatur, et aeger certe citius aut serius in pthysin immedicabilem incidit. Unica medela in potu multo emolliente, tepido; in victu tenui, vegetabili; et in maxima corporis animique tranquillitate.

Observatio I.

Puer 12 annorum tenerae compa-
gis ante biennium peripneumonia la-
borabat, dein febre miliari; sanatus
catarrhosis ab hoc tempore affectio-
nibus continuo obnoxius. Sex ab-
hinc diebus febre continuo corripit-
tur, et leviori simul thoracis oppres-
sione.

6. Martii d. m. 8.

Continua, at levior thoracis op-
pressio lingua albescens. Tussis frè-
quens, puriformia sputa.

Pulsus modice celerior, plenus,
fortis, vibrans.

Vrinae sanorum: alvus soluta.

Venae sectio unc. VIII.

Potus emollientes tepidi.

7. Mar.

7. Martii.

Vix ulla thoracis oppressio. Rarior tussis. Sputa puriformia. Aliqua in pulsu durities. Sanguis e vena missus crassa phlogistica tectus.

Continuato emollientium usu plena rediit thoracis libertas, albescente tamen lingua, et aliqua remanente pulsu duritie.

21. Martii.

Praegressis ultimis diebus oppressio thoracis per vices rediit. Lingua ex albescente in nigricantem mutata, ac si roob sambuci esset obducta.

21. Martii sub profundiori inspiratione in superiori thoracis paret levius opprimens impedimentum. Major insuper ab aliquot diebus pulsu durities.

Venae

Venae sectio unc. VI.
Decoctum Salap.

22. *Martii.*

Minor oppressionis sensus, nondum plena tamen respirationis aequalitas. Pulsus naturali celeritate, fortis, subdurus. In sanguine e vena misso inchoans crusta: cruor compactus.

Continuatis emollientibus naturalis pulsuum mollities rediit, respiratio aequabilis facta. Tussis continuo rarior. Parca, meliora sputa. Lingua omnium ultimo emendata. Aeger sublato omni peripneumoniae rudimento 30 Martii, morbi die 32 dimissus.

Obser-

Observatio II.

Medicinae studiosus Transylvanus
 26 annorum hyeme anni 1784, ex
 patria Viennam redux in itinere va-
 gis artuum doloribus iisque saevis cor-
 ripiebatur. Dolores hi sensim minus
 versatiles facti in genu dextrum vi
 omni incubuere, pluribus tandem sep-
 timanis discussae.

Sanus per reliquam hyemem vi-
 xerat. At primo vere peripneumo-
 nia correptus, antiphlogistica metho-
 do, et vesicante ultimis diebus adfecto
 lateri applicato intra octiduum sana-
 tus, superstitite tamen ab eo tempore
 tensionis sensu, sub profundiori prae-
 fertim inspiratione magis manifesto.

Paucas post septimanas nova pe-
 ripneumonica advectio aegrum corri-
 puit, accedentibus saburrae signis. De-
 cubitu, et solventium medicamento-
 rum

rum usu malum intra 4 dies ad sensum evanuit, per aestiva tamen tempora, saepius, vix 14 diebus intercalaribus, eodem habitu apparuit, eademque methodo profligata. At 15 Augusti hujusce anni valida iterum peripneumonia accessit. Vena bis secta aeger intra octiduum sanatus.

Iter dein in patriam adgressus est. At in ipso itinere, et in urbe patria, cum primum advenisset, novis recrudescentis peripneumoniae insultibus tentabatur. Largior tunc sputorum purulentorum copia.

Sanus, ut sibi videbatur, reditum tentabat Viennam, ubi ultima Octobris, absque novo sub itinere accessu, advenerat.

At 14 Novembris inappetentia et amarore oris de imminente morbo aegrum admonitus, altera die orituri morbi

morbi metum ex animo saltando pel-
lere consultius duxerat.

Die 16 Novembris versus meri-
diem horrore valido corripitur, sub-
sequo colore, et sudore largo. In-
tensior simul dolor in dextro thoracis
latere. Assiduus sequentibus diebus
dolor, et vespertina febris exacerbatio.

19. Nov. 3. m. d.

Dolor in dextro thoracis latere
tensivus, profundiori inspiratione et
tussi auctus. Sputa puriformia. Pul-
sus naturali fere celeritate, durus.

Venae sectio unc. X.

Potus emollientes tepidi.

Magnum inde levamen dolor vix
ullus. Sanguis crusta tectus. Me-
lior brevi sputorum conditio, ut aeger
intra paucos dies discesserit.

At

At post paucas septimanas, cum aeger neque quiete se domi gereret, neque emollientium usum continuaret, inordinata insuper victus ratione accedente, in validam Haemoptoen incidit, et ex pthysi tandem periit.

VIII.

*Peripneumonia sub specie febris biliosae
in initio delitescens.*

Puella 16 annorum menstrua nondum experta ante biennium morbo acuto, probabilius peripneumonia decubuit. Sanata hucusque morbo nullo tentabatur.

Ante 4 circiter septimanas assidua Cephalalgia aegram corripuit. 24 Novembris febris continua accessit, cum ingenti daedolatione et oppressionis circa praecordia sensu.

29. Nov. 6. m. d.

Caput temulentum. Os amarum. Lingua fordida, arida, glutine obducta. Sputa pauca, pendula.

Continua ad scrobiculum cordis oppressio.

Vrinae

Vrinae biliosae: alvus per triduum diarrhaeica.

Pulsus celer, fortis, plenus, subdurus.

Calor naturali major, cutis a praegresso sudore madida, color terreus circa labia et nares, sparsae in pectore petechiae lenticulares.

Decoctum hordei cum nitro.

30. *Novembr.*

Heri circa vespèram valida horticis oppressio, sputa crocea, et delirium. Vena secta unc. VIII. reliqua nox tranquilla magis fatiscente sensim delirio. Mane dolor ad cardiam versus dextrum latus magis diffusus, tussi et attactu externo auctus.

Pulsus celer, plenus, subdurus.
Alvus septies mota: mucosum in urina

na sedimentum. In sanguine e vena
misso initians crusta.

Venae sectio unc. VIII.

Decoct. hord. tepide.

1. Decembr.

Mite noctu delirium. Acutus cir-
ca hepar dolor, tussi, inspiratione, at-
tactu externo auctus. Pulsus minus
celer, at fortis, vibrans.

Sordida, ficcescens lingua. Uri-
nae intense flavae.

Sanguis e vena missus crusta cae-
rulescente, livida, gelatinosa tectus.

Venae sectio unc. VII.

Cataplasma emolliens abdo-
mini applicatum.

Decoctum salap. tepide. .

2. Dec.

2. Decembr.

Mitior paulo in regione epigastrica dolor. In profundiori inspiratione thorax cum sibilo elevatur. Sputa puriformia, quaedam cruenta. Pulsus celer, vibrans.

In sanguine e vena misso crusta gelatinosa, discolor, laxe cruori subjacenti cohaerens.

Venae sectio unc. VII.

Emollientia continuantur.

3. Decembr.

Difficilior respiratio, frequentior tussis, sputa quaedam cruenta. Acutus magis in hepatis regione dolor. Pulsuum vibratio, naturalis tamen vix non celeritas.

Venae sectio unc. V.

Emollientia continuantur.

Continuato emollientium usu rediit thoraci libertas, et dolor in hepatis regione sensim evanuit, superstitite tamen aliqua pulsuum duritie.

7. Decembr.

Placidus noctu somnus, absque ulla fere febre. Mane recrudit dolor in hepatis regione; celerior iterum, et durior pulsus. Accessit auditus difficultas, et major in respondendo tarditas.

Venae sectio unc. VI.
Emollientia.

8. Decembr.

Plurimum remisit dolor: aliquod tamen in thorace praecipue dextro inspirationis impedimentum.

9—15. *Decembr.*

Inspiratio fibilosa sputa puriformia, quaedam crocea. Major pulsum celeritas et durities. Mittantur sanguinis unc. V.

Circa vesperam ob auctam thoracis oppressionem, et cruenta sputa repetita Venae sectio unc. IV.

10. Decembr. major thoracis libertas, superstita aliquo in inspirando stertore.

Sub continuo sequentibus diebus emollientium usu major sensim animi praesentia, pulsus mollior, lingua emendata, inaequalis tamen continuo thoracis dextri elevatio.

15. *Decembr.*

Heri circa vesperam perpauca miliaria, hodie iterum disparentia. Minor

nor iterum thoracis libertas, sputa purulenta, crocea. Pulsus naturali celeritate, at subdurus, vibrans.

Venae sectio unc. V.

Decoctum salap.

16 — 22. *Decembr.*

Levis sub inspiratione stertor; nil in sputis cruenti. Mollior pulsus.

Aequabilior sensim sequentibus diebus respiratio, meliora sputa; exigua, sensim fatiscens febricula.

22 — 30. *Decembr.*

Heri sera vespera, cum nivosa tempestas ingrueret, tussis frequens aegram totu noctu vexabat, absque febre tamen omni. Emulsum tepidum copiose propinabatur.

23. Rarior iterum tussis. Melior in dies respiratio, et emendata sputorum conditio.

At 29 magis iterum tota die incaluit, redeunte per vices thoracis oppressione, et vibrante pulsu ut altera die unciae V, et elapso biduo obfectorosam adhuc inspirationem, et impuriorem linguam unciae VIII sanguinis mitterentur. Sanguis crustam exhibuit. Continuato nunc emollientium tepidorum usu, et parciora et meliora sensim sputa, lingua emendata, respirationis plena tandem libertas. Aegra 14 Ianuarii 1786 ex integro sanata e nosocomio dimissa.

XI.

*Graves quaedam in curandis febribus
difficultates.*

Duo praeprimis sunt, quae accurata etiam facta diagnosi, curam febrium nihilominus difficillimam reddunt: morbus in initio neglectus, et varia febrium in eodem homine complicatio. Pone enim aegrum valida inflammatione visceris cujusdam, e. g. pulmonum corripitur, eumque morbum per plures dies aut sibi ipsi relictum, aut perversam omnino medelam adhibitam fuisse, morbus certe, cum tuae curae traditur, ita jam increverit, ut et suppurata jam sint plura loca, et simul crude adhuc inflammata. Quidquid nunc moliaris, sero nimis parabis medicinam, cum principiis obstare non licuit. Id praecipue in febribus inflammatoriis attentionem medici meretur, ne faustum adstantibus eventum praesagiat, mutatis brevi in pejus aegri rebus. Talis fuerat aegrorum quorundam in Ima et Ilda Sylloge

loge supra descriptorum conditio, qui inflammatione jam multum profecta tandem quaesivere.

Aliud aequè grave sanationis impedimentum a varia pendet febrium complicatione, qua non modo id efficitur, ut quae in aegro mutanda sint, sibi directe saepe sint opposita; sed praeter ea ipse princeps morbus tam longe a suo sueto tramite deflectit, ut abnormis omnino appareat nulla arte corrigendus. Infaustas habuimus peripneumoniae et intermittentis febris complicationes, adeo graves, ut uno morbo suppresso, alter eo majori vi incresceret. Ad has infaustas complicationes latentes illae pertinent viscerum inflammationes in febrium putridarum decursu accedentes.

Fractae aegrorum vires, et putridum praedominans vitium stimulantem, antisepticam methodum sibi petunt: at eodem stimulante apparatu latentes illae inflammationes latius serpunt, et aegros interimunt.

OBSERVATIONES

M E D I C A E

V A R I I A R G V M E N T I.

EDIDIT


IOSEPHVS EYEREL.

S T L L O G E III.

VIENNAE ET LIPSIAE,

APVD GEORG PHILIPP WVCHERER.

MDCCLXXXVI.



I.

Ambigua saburrae turgescens signa.

Quamvis febrium biliosarum theoria, seu illarum signa, seu diversa, quae percurrunt, stadia, medendique methodum spectes, nostris temporibus plurimum sit elaborata: multa tamen adhuc supersunt, quae aut dilucidari magis, aut ob anceps in medendo periculum inculcari frequentius oportet. Inter ea summam attentionem merentur ambigua illa saburrae turgescens signa, quibus apparentibus medici delusi fomi-

tem morbi mox emetico evacuandum esse putant, fomitem tamen in primis viis nullo existente. Quamvis enim amaror oris, linguae sordities, ructus, vomituritio, ipse quoque vomitus materiae biliosae, et urinae bile tinctae biliosarum febrium signa esse soleant, tamen etiam ab aliis causis oriuntur saepissime, ut pro signis biliosarum propriis omnino haberi nequeant.

Interim error hic innocuus nequitiam est, cum medicus morbi specie deceptus, contrariam necessario medicinam faciat. Quis enim nescit, in pleuritidis accessu vomitum saepe biliosum observari, non a plethora biliosa, sed ab inflammante stimulo nervosum systema vellicante profectum, neque emetico, sed antiphlogistica methodo sanandum?

In ipso etiam ventriculo et tubo alimentari levior orta inflammatio sensulas membranas continuo irritans, nauseas, vomitiones, ipsum vomitum producit. Idem effectus a materia rheumatica ad ventriculum deposita producitur. Male certe aegrorum rebus consuleretur evanantibus remediis, quibus inflammatio horum viscerum augetur.

Frequentissime autem febrium biliosarum simulacra inflammato systemate hepatico comparent, et minus exercitatis medicis pro secundo febrium biliosorum stadio saepissime imponunt. Emeticis tunc propinatis infarctus ille hepatis inflammatorius adeo non resolvitur, ut etiam plurimum inde augeatur.

Aliquas observationes probando huic asserto opportuna addaxisse sufficiat.

Obfer-

Observatio I. figulum exhibet, cuius morbum primo aspectu, assidua vomituritio, labii inferioris tremor, et biliosa urinarum conditio, ad febres biliosas pertinere facile potuissent persuadere. Plurima tamen symptomata, et epidemicus genius evidenter demonstrabant et thoracis et systematis hepatici inflammatoriam adfectionem. Accessit etiam in hoc aegro singularis illa systematis nervosi in motus spasticos proclivitas, quae in aegris colica Pictonum quondam defunctis saepissime observatur: Li enim aegri, quamvis sanati ab illa colica, novo tamen accedente acuto morbo omni spasmorum et convulsionum genere facillime corripuntur. Manet enim alte infixata nervorum compagi a saturninis laboribus infau- sta haec ad quoscunque febriles stimulos mobilitas.

Vesicae inflammatio ultimis temporibus demum accessit, nulla ante mingendi difficultate animadversa.

Observatio II. adfectum systema hepaticum exhibet, variis saburrae in primis viis turgentis symptomatibus stipatum.

III. Observationis argumentum vomitus est assiduus a rheumate ad ventriculum deposito, non vomitu, sed emollientibus antiphlogisticis sanato.

In IV. denique observatione Pleuroperipneumoniae leviori hepatidi junctae historia habetur. Et primis diebus vomitus biliosus, et sequentibus etiam persistens amaror oris, cardialgia, et biliosae urinae biliosam febrim mentiebantur.

Obser-

Observatio I.

Figulus 37 annorum, vasis plumbo incrustandis occupatus, ante quinque annos colica pictonum laboravit. 20 Martii Febre continua corripitur cum dolore lateris punctorio, anxietate pectus obsidente et pertinaci alvi obstructione. Accessit sequentibus diebus frequens vomituritio, et mentis vacillatio. Plura rescire ex aegro, mente jam labante, haud licuit.

28 Martii. 8. m. d.

• Lancinans capitis dolor, temulentia. Sapor oris pituitosus, vomituritio, tremor labii inferioris, lingua albida, tremula.

Affidua thoracis oppressio, dolor lateris dextri punctorius, tussi, inspiratione auctus. Tussis frequens, sputa mucosa.

Acutus

Acutus in dextro hypocondrio dolor, attactu exacerbatus. Abdomen tensum.

Pulsus celer, plenus, fortis, durus. Tendinum subsultus.

Tertia morbi die vena secabatur. Heri iterum vena secata. Crusta rheumatica.

Potus emolliens, nitrosus, tepidus.

Cataplasma emolliens.

29. Mart.

Ferox noctu delirium accessit, oppressio thoracis valida, dolor lateris, respiratio inaequalis, thorace dextro minus elevato, inspiratione profundiori tussi interveniente impedita. Acutus in regione hepatis dolor.

Alvus

Alvus femel mota. Vrinae bilio-
sae, semihypostaticae.

Pulsus celeres, mollesque.

Venae sectio unc. X.
Emollientium continuatio.

30. *Mart.*

Heri a meridie intenso valde et
lateris, et hypocondrii dextri dolore,
et aucta pulsuum duritie Venae sec-
tio unc. VIII. Nox inter deliria per-
acta. Mane mens rediit. Vix ulla
hepatis et thoracis emendatio. Mol-
lior pulsus. Tremor artuum, lin-
guae, labii inferioris.

Emollientium continuatio.

31. *Mart.* — 3. *April.*

31. Mitior et in thorace, et in
praecordiis dolor. Involuntariae alvi
et urinarum dejectiones.

32. Fracta plurimum inflammatio.
Eadem nervosi sistematis perturbatio.
Pulsus mollis, debilis.

Camphorae gr. VI. in emulso.

4. *April.*

Dolor lateris et praecordiorum re-
crudit. Elatior vibransque pulsus.
Major mentis constantia.

Decoctum salap. tepide.

5 — 10. *April.*

Continuato emollientium usu pul-
monum et hepatis inflammatio sensim
discussa. Prompta ad interrogata re-
sponso. Noctes tranquillae. Natu-
ralis pulsuum celeritas. Soluta alvus.

10. *April.*

Noctu major incalescentia. Mane
etiam intensior calor, et modica a
prae-

praegresso sudore cutis. Siccescens lingua, frequentior tussis. Sitis magna. Alvus quinquies mota. Pulsus fere naturali celeritate. Cophosis.

Emollientium continuatio.

11 — 16. *April.*

Mitior proximis diebus rerum facies. At 14. April per omnia fere membra tremor, recrudescentes praecordiorum dolor, frequens tussis. Pulsus fortis, plenus, durus. Inquietus noctu multa. Parva ea die venae sectio, sera vespere ob auctam pulsuum duritiem repetita. Crusta pleuritica. Vix ullum inde levamen. 16. April circa septimam matutinam, praegresso noctu miti delirio, narium haemorrhagia, subsecuto mox vomitu cruento. Hora circiter elapsa repente moritur.

Sectio.

Sectio.

Levior pulmonis dextri in superiori parte inflammatio, pulmone dextro incolumi.

In abdomine tenso copiosum ferrum. In hepate margo sinistri lobi inflammatus.

Intestina plurimo aere distenta.

Vesica urinaria dire inflammata, a magna urinae copia expansa, totam fere pelvis cavitatem occupans.

Obfer-

Observatio II.

Mulier 32 annorum, nunquam gravida, irregulariter semper menstruens ante 5 septimanas diarrhaea corripitur, materia biliosa, 11 — 15 intra 24 horas eliminata: alvus tandem tenesmoidea et cruenta. Intra 4 septimanas absque ullo remediorum usu alvus fluere desinit.

Ante decem dies continua febris corripitur cum thoracis oppressione, et praecordiorum dolore.

24. Mart. 10. m. d.

Terebrans capitis dolor. Sapor oris amarus. Vomituritio assidua. Lingua albescens.

Levior hodie thoracis oppressio, aucta aliquantum sub profundiori inspiratione. Tussis rarior, pectoralis.

Hypo-

Hypocondria utraque dolentia,
praecipue dextrum, idque magis ten-
sum, et vel levissimi attactus impa-
tientissimum.

Vrina coloratior cum sedimento
mucofo: alvus semel mota, copiosa,
scybalosa.

Pulsus celerior, plenus, fortis, vi-
brans. Cutis modida, petechiae in
pectore lenticulares.

Remediis in hoc morbo utebatur
nullis.

Venae sectio unc. X.

Cataplasma emolliens.

Potus emolliens, nitrosus,
tepidus.

25. Mart.

Major thoracis libertas. Abdo-
men rudiores etiam attactus ferens.
Sapor

Sapor oris amarus, lingua albida:

Vrinae biliosae, alvus enemate
solicitata.

Pulsus plenus, fortis, celer.

Emollientium continuatio.

29. *Mart.*

Disparente sensim inflammatoria
viscerum affectione, cutis perspirabi-
lis facta, et petechiis lenticularibus
picta. Calor tamen major et pul-
suum inchoans debilitas, et capitis le-
vior temulentia.

At 29. Martii manifestum profun-
dioris inspirationis in inferiori thora-
cis parte impedimentum; dolens, ten-
sumque iterum dextrum hypocon-
drium. Pulsuum aliqua durities.

Decoctum salap.

30. Mart.

Noctu miliaria apparuerē, disparentibus interim petechiis. Hepar primum, dein sensim et pulmones ab recrudescēte inflammatione liberati. Febricula. Disparentibus intra 6 dies miliaribus, et naturali reliquarum excretiorum conditione, affiduus amaror oris, et sueta nondum linguae mollities persistabat. Solventibus eccoproticis reliquiae saburrales intra paucos dies eliminatae, et aegra sanata 20. April. e nosocomio dimissa.

Observatio III.

Ancilla 30 annorum per 3 septimanas catarrho vexata ante 8 dies in febrim continuam incidit, levi faucium dolore tumoreque et vagis artuum doloribus stipatam. Sumptis tertia morbi dies guttis aliquot liquoris min. anod. Hoffmanni vomitus glutinosae materiae, sequentibus diebus minus frequens.

15. Mart. 9. m. d.

Cephalalgia. Os pituitosum. Mane vomitus biliosus. Lingua albida flavescens. Mitis faucium dolor.

Thoracis libertas. Hypochondria indolentia, mollia.

Vrinae fere naturales; alvus ter mota.

Pulsus

Pulsus modice celerior. Vagi artuum dolores.

Sambucina cum sale medio.

16. *Martii.*

Alvus ter mota. Vomitus nullus. Pulsus celerior, plenior. Dolores artuum remissiores.

Eodem continuantur.

17. *Martii.*

Bis heri vomuit biliosa multo glutine permixta. Levior ad cardiam dolor. Alvus parca.

Pulsus celerior, plenus. Pauca noctu miliaria.

Lene eccoproticum.

18 — 21. *Martii.*

Soluta et copiosior sequentibus diebus alvus. Copiosum in urinis

B 2 fed-

sedimentum lateritium. At saepius
omni die vomuit, et assiduus ad car-
diam doloris sensus.

21. Mart. Dolor is auctus ad at-
tactum, et ardoris in ea regione sen-
sus. Incitator pulsus cum aliqua du-
ritie. Intra 24 horas bis vomuit,
Alvus soluta.

Venae sectio unc. VI.

Cataplasma emolliens.

Potus emolliens tepidus.

22. Mart.

Obtusior ad scrobiculum dolor.

Lingua albida, os amarum. Ma-
ne bis vomuit. Alvus copiosa. Uri-
nae parum coloratae, mucosum sedi-
mentum.

Eadem continuantur.

23. *Mart.*

Vomitus nullus. At in profunda inspiratione minor thoracis inferioris libertas, et doloris sensus. In regione hepatis dolor tactu auctus. Urinae turbidae. Pulsuum naturalis celeritas.

Venae sectio unc. V.
Emollient. continuatio.

24. *Mart.*

Et in thorace et circa hepar mitior dolor, et aequalior respiratio.

Alvus copiosa enemate sollicitata.
Bis vomuit. Crusta in sanguine missa nulla.

Emollientia continuantur.

29 — 31. *Mart.*

Per biduum nullus vomitus. Non dum plena thoracis libertas.

31. Mart. iterum vomuit. Sambucinis utebatur.

1. April.

Nullum respirationis impedimentum. At doloris circa cardiacam sensus, et levior dextri hypocondrii intumescencia, et obtusus dolor. Febris nulla.

Sub usu decocti ex rad. gram. tarax. cich. Hypochondrium sensim detumuit, tandem indolens, et molle. Alvus soluta, copiosum in urinis lateritium sedimentum. Vomitus, qui omni die semel bisve rediit, 10 April. cessavit.

Assumpta per aliquot dies mixtura sambucina cum sale medio aegra convaleuit, 18 April. e nosocomio dimissa.

Obser-

Observatio IV.

Operarius, quondam miles, a bien-
 nio, febre tunc acuta decumbens, fa-
 nus hucusque, 28 Ianuarii febre con-
 tinua corripitur, accedente lateris
 sinistri dolore punctorio. Altera die
 biliosa vomuit. Secunda morbi die
 sanguis missus ad unc. VIII. modico
 subsecuto levamine.

1. *Februar. 5. m. d.*

Cephalalgia. Lingua albida, fla-
 vescens in medio. Os a triduo
 amarum.

Dolor assiduus punctorius ad infi-
 mas sinistri thoracis costas, inspira-
 tione profundiori, tussique auctus.
 Sputa puriformia.

Vrinae jumentosae: alvus soluta.

Pulsus celer, fortis, durus.

Venae

Venae sectio unc. VIII.

Cataplasma emolliens lateri
applicatum.

Potus emolliens, nitrosus,
tepidus.

2. *Febr.*

Aliqua doloris punctorii mitiga-
tio. Levior ad cardiam oppressio
sensus. Frequentior tussis. Urinae
biliosae: alvus 2 mota.

Pulsus celer, plenus, fortis, sub-
durus.

Crusta in sanguine e vena misso
gelatinosa.

Venae sectio unc. VIII.

Potus antiphlogisticus.

3. *Febr.*

Levior at assidua thoracis oppres-
sio. Dolor punctorius persistens. Tuf-
sis

sis frequens, sputa flavescentia, quaedam puriformia, et leviter cruentata.

Vrinae intense flavae, alvus quater mota, copiosa.

Pulsus celer, plenus, fortis, subdurus.

Crusta sanguinis e vena missi rheumatica, flavescent.

Venae sectio unc. VIII.

Emollientium continuatio.

6. Febr.

Dolor intra biduum sensim evanidus. Eadem tamen sputorum conditio, et pulsuum vibratio.

5. Februarii sera vespera major incalescentia, et pectoris anxietas. Vnciae VIII. sanguinis eductae.

Mane

Mane 6. Febr. magnum in respiratione impedimentum, dextro thorace altius elevato, sinistro potius introducto. Sputa quaedam crocea. Os amarum, urinae biliosae.

Pulsus plenus, fortis, durus. Crusta in sanguine misso pleuritica.

Venae sectio unc. VIII.
Potus emolliens.

7. Febr.

Noctu largus sudor. Aliqua respirationis emendatio. Nullus sputis cruor commistus.

Primae hac nocte inmentosae urinae, mucoso brevi posito sedimento.

Pulsuum naturalis celeritas. Crusta sanguinis phlogistica.

8. Febr.

8. Febr.

Sequentibus diebus sudores noctu largiores. Sputa purulenta, et minor in profundiori inspiratione thoracis dextri elevatio.

10. Febr. manifestior fera vespera exacerbatio, et profusior sudor.

Continuatis emollientibus tepidis tenuis tantum febricula, et vagae horripilationes, sputorum copia sensim minuta, et emendata. Aequalior in dies respiratio. Aeger 28. Febr. sanatus discessit.

II.

Sectio cadaveris peripneumonia de-
functi.

Auriga 53 annorum 1. Martii, ingurgitata pridie, utpote ultima bacchanalium die, multa cerevisia, frigore corripitur, et calore subsequo. Sitis ab ea die continua nulla cerevisiae et vini ingurgitatione extinguenda. Rariores caeteroquin horripilationes, ut aeger servitio suo adhuc fungeretur. Die 24 Martii continua aegrum prehendit febris.

27. Mart. 4. m. d.

Caput temulentum: continuus amaro oris, Albida, subflavescentes in medio lingua.

Affidua thoracis oppressio, ad profundiores inspirationes interveniente tussi impedita. Sputa quaedam pauca sanguine striata.

Dolor

Dolor in regione hepatis ab at-
tactu auctus.

Vrinae coloratiores, alvus soluta.

Pulsus celer, plenus, durus, vi-
brans.

Venae sectio unc. X.

Cataplasma emolliens.

Potus emoll. nitrosi tepidus.

28. Mart.

Levior thoracis oppressio Hypo-
condrium dextrum vix non indolens.
Rarior tussis. Sputa crassa, bile tincta.

Os amarum, lingua albida. Bilio-
sum in urina sedimentum, alvus 5.
mota.

Minor pulsuum durities. Sanguis
e vena missus crusta gelatinosa, scissi-
li, diffusa tectus.

Antiphlogistica continuantur.

29. *Mart.*

Validum hac nocte delirium. Os amarum, lingua albida. Sputa viridia, flavescentia, quaedam sanguine tincta. Nullus hypocondriorum dolor. Pulsus celerior, subdurus.

Antiphlogistica, emollientia
subacida.

30. *Mart.*

Remissius noctu delirium. Inaequalis in profundiori inspiratione dextri thoracis elevatio. Sputa quaedam puriformia. Celer, duriusculus pulsus.

31. Martii. Nox absque delirio. peracta. Tussis crebrior, sputa purulenta, quaedam cruenta. Hinc

Eadem continuata.

1 — 3. April.

Capitis temulentia, prompta tamen ad interrogata responsio. Oculi obiecta oblique intuentes, conniventes, limosi, plorantes, tendinum subfultus. Pulsuum debilitas. Indolens et thorax, et hypocondrium.

Camph. gr. IV. in emulso.

4. April.

Leni hac cardiaco emollientibus juncto per tres dies continuato modica tantum lanquentium virium elatio.

At praegressa nocte frequentior tussis inspirationem profundiorum intercipientis. Sputa levissime sanguine striata, quaedam purulenta. Pulsus celerior, elatiorque.

Decoctum salap.

5. April.

5. April.

Thorax dexter fere immobilis. Continuus in latere dextro decubitus, immoto fere corpore, oculisque clausis. Sputa purulenta, flavescentia, quaedam cruenta. Pulsus incitator, plenus, durus.

Emollientia tepida continuantur.

6 — 11. April.

Nulla sequentibus diebus respirationis emendatio. Sputa in dies pauciora. 11. April respiratio stertorosa, sequente nocte aeger suffocatus periit, morbi die 18.

Sectio.

Pleura costis pluribus locis acreta.

Vterque pulmo dire inflammatus.

Intesti-

Intestinum ileum in inferiori praecipue parte et inflammatum, et gangraenosum. In crassis quoque intestinis aliqua inflammationis vestigia.

Epicrisis.

In hoc quoque aegro, quamvis dira fuerit pulmonum inflammatio, saburralia signa accedebant, ab adfecto in initio hepate, et leviori intestinorum inflammatione. Sed vitium simul ruina superveniens lene cardiacum indicabant, at post paucos dies inflammatorium vitium iterum urgebat, et aeger periit.

III.

Diversa genii epidemici facies.

Rheumatico-inflammatoria febris, quae jam per tres fere annos dominabatur, inclinante mense Martio mutatam hinc inde faciem exhibuit. Rheuma enim phlogisticum et novissima hyeme aegros vix non omnes vexabat, et in viscera pleraque decubuit, pleuritides, peripneumonias, hepatitides, vomitus continuos, intestinorum inflammationes, diarrheas profusissimas, articulorum dolores mira varietate excitans. Tam diversis primo intuitu morbis methodus unica profuit. Venae sectiones largae, repetitae, potus emollientes tepidi, fomentum partium vexatarum emolliens, et fatigante tandem febre sambucina, vesicans, tartarus emeticus refracta dosi ad profligandas rheumatis reliquias.

Sensim

Sensim vero alia symptomata accedebant a stimulo inflammatorio haud excitata, amaror oris assiduus, vomituritiones, vomitus, sputa bile tincta, urina alvusque biliosa, sanguis ipse e vena missus viridescens, flavescens serum exhibens, et crusta phlogistica bile intense tincta, manifesta denique febris remittens typus, et facilis in intermittentes transitus.

In hac genii epidemici mutatione duplex habetur febrium genus, unum antiquae constitutionis, alterum ingredientis novae per dies magis magisque evolvendae. Hinc medicus quoque in medendo id moliri debet, ut emorientis equidem epidemici genii ratio habeatur, non neglecta tamen subnascentis consideratione.

Id praecipue, cum phlogistica constitutio in biliosam transit, medicum in medendo circa usum venae sectionis

nis maxime dirigit. Experientia enim constat: ingrediente biliosa constitutione et ipsam phlogisticam viscerum affectio parca saepe venae sectione profligari, quae aliis temporibus largas et repetitas petiisset: evacuantium vero remediorum usum, dummodo indicantur, phlogosi etiam nondum omni absterfa, aegris plurimum prodesse.

Observatio I.

Ancilla 23 annorum ab octo diebus febre continua laborat, cum cephalalgia, thoracis dextri oppressione, et artuum inferiorum daedolatione, 5 morbi die ab assumpta purgante medicina alvus 5 mota.

25. April. 9. m. d.

Caput vertiginosum. Oris amarus. Lingua albescens.

Oppressio continua in medio thorace, inspiratione et tussi aucta. Sputa mucosa.

Hypocondrium dextrum dolens. Abdomen tumidulum.

Vrina cum sedimento lateritio, alvus soluta.

Pulsus naturali celerior.

Mixtu.

Mixtura ex Aqua communi,
 Cremor tart. et syr. ribes.
 et
 Decoctum hordei cum mul-
 to oxymelli simplici.

26. April.

Oppressio thoracis levior. Hypo-
 condrium dextrum indolens.

Os amarum, lingua minus albes-
 cens.

Vrina naturali coloratior, alvus
 5 mota.

Pulsus naturali celeritate, mollis.

Solventia continuantur.

27. April idem morbi status.

28. *April.*

Dolor punctorius in infimo thorace tussi et inspiratione auctus. Sputa quaedam crocea. Lingua versus apicem albescent. Os amarum. Abdomen molle, indolens. Alvus 2 mota, urinae biliosae absque sedimento. Pulsus naturalis.

Decoctum Salap. tepide.

29. *April.*

Oppressio nulla, tussis rarior. Sputa nullo sanguine tincta, inaequalis tamen et difficilis profunda inspiratio.

Alvus 5 mota. Urinae turbidae. Pulsus naturalis celeritas, aliqua tamen durities. Os amarum, et albescent lingua.

Emollientia continuantur.

30. April. — 8. Maii.

Sub usu emollientium plena sensim thoraci libertas rediit, rudimenta peripneumoniae penitus profligata, sapor quoque oris, et omnium ultimo lingua emendata. Aegra 8. Maii 20. m. d. e nosocomio discessit.

Obfer.

Observatio II.

Operarius 63 annorum ante 5 dies febre continua corripitur, cum magna daedolatione, dolore in regione epigastrica, et vagis artuum doloribus.

8. Maii. 6. m. d.

Caput vertiginosum, os amarum, lingua flavescent, arida, dolens.

Oppressio thoracis nulla. Tussis frequens. Sputa flavescentia, nunc pauca, in initio morbi multo sanguine tincta.

Diffusus per regionem epigastricam dolor, tussi, decubitu, tactu externo auctus.

Vrinae ictericorum, alvus in hesternam usque diem obstructa.

Pulsus

Pulsus celer, plenus, fortis, durus,
durior in carpo sinistro.

Calor fere urens, intensa faciei
et oculorum flavedo.

Venae sectio unc. VII.

Cataplasma emolliens.

Potus emolliens, nitrosus,
tepidus.

9. Maii.

Dolor multum imminutus: mollis
dextri hypocondrii pars rudior em at-
tactum ferens.

In inspiratione profundiori minor
thoracis inferioris elevatio. Tussis
frequens. Sputa viridescencia, flava,
pauca crocea. Lingua arida, fissa,
scabra, dolens, circa margines glutine
flavescente obducta.

Vrinae

Vrinae intense flavae cum mucoso
sedimento. Alvus bis mota, biliosa.

Pulsus naturali modice celerior,
fortis, durus, subinde intermittens.

Sanguis e vena missus multa bile
tinctus.

Emollientia continuantur.

10. Maii.

Major inspirationis libertas, fre-
quens tussis, sputa flavescentia, pauco
sanguine striata. Lingua minus ari-
da, molliorque.

Hypocondrium utrumque molle,
indolens.

Vrinae ictericae, alvus copiosa,
enemate sollicitata.

Pulsus

Pulsus modice celerior, aequalis.

Emollientium continuatio.

II. Maii.

Incalescentia noctu et inquires.
Liberior inspiratio.

Tussis frequens, sputa viridescen-
tia, flava, cruentata.

Hypocondrium dextrum urgente
tussi dolens,

Alvus copiosa, urinae ictericorum.

Pulsus fere naturali celeritate,
cum aliqua duritie. Dilutior faciei
flavedo.

Decoctum rad. gram. et al-
the. cum cremore tartari.

12 — 15. *Maii.*

Continuatis solventibus antiphlogisticis manifestum morbi decrementum.

At 15 tumor hypocondrii dextri, et recrudescens ad attactum dolor. Sputa multa bile tincta. Alvus soluta. Pulsus aliqua durities, naturalis tamen celeritas.

Venae sectio unc. V.

Emollientia nitrosa.

16. *Maii.*

Dolor hypocondrii dextri plurimum imminutus, abdomen molle.

Thorax liber, tussis rarior, sputa tenacia, bile tincta. Lingua purior, mollior, indolens.

Vrina fere sanorum.

San-

Sanguis e vena missus pleuriticus,
cum flavo virescente fero.

Emollientia continuantur.

17. *Maii.*

Aucta thoracis et circa cardiam
oppressio. Tussis visceralis.

Vrinae copiosae, fere naturales:
alvus copiosa enemate sollicitata.

Venae sectio unc. V.

Emollientium continuatio.

18. *Maii.*

Minor oppressio thoracis, aliquis
tamen in infimo thorace et circa car-
diam dolor inspiratione profundiori
auctus.

Sanguis e vena missus pleuritico-
rum crassa tectus, cum flavesciente fero.

Eadem continuantur.

19 — 23. *Maii.*

Heri circa vesperam manifesta febrilis exacerbatio accessit, eademque sequentibus modo mitior, modo intensior rediit.

Finito tamen semper paroxismo thoracis libertas, inspiratio aequalis, tussis rarior, pectoralis. Sputa minus flavescentia, at mucosa, puriformia. Diluta faciei flavedo.

24. *Maii* — 1. *Iunii.*

Emollientia tepida continuata. Heri nulla febris exacerbatio. Omnia tandem sensim emendata, cum aliqua tamen alvi morositate, purulenta sputorum conditione, et exiguo superstitite tussis a dolente plagula irritamento. Sanus tandem 24. Jun. discessit.

Epicri-

Epicrisis.

Quamvis valida fuerit jam in initio et pulmonum et hepatis inflammatio, biliosa tamen labes simul adfuit, ex sputorum, urinae, et sanguinis conditione facile dignoscenda. At haec inflammatoria viscerum affectio vel prima venae sectione plurimum mitigata est: aliter certe regnante adhuc antiqua constitutione contigisset, et probabilius tabifica a suppurato pulmone mors morbum terminasset: tantum interest, in quae tempora morbus inciderit. Exacerbatio vespertina, quae per aliquot dies observabatur, dubium movebat, an id suppuratis pulmonibus, aut bilioso vitio adscribendum esset. At ex thoracis libertate, quae finito semper paroxismo rediit, patebat, biliformem materiam harum exacerbationum causam fuisse.

IV.

Februm in eodem aegro successio.

Non infrequenter accidit, ut in eodem homine febre aliqua detento nova oriatur febris diversam omnino a priori medelam sibi vindicans. In febris inflammatoriae simplicis decursu biliosum saepe vitium ita evolvitur, ut turgescens materia emeticis aut purgantibus, quae urgente phlogosi exitio fuissent, evacuari debeat. Hinc medicum primae morbi notioni pertinaciter inhaerentem lentus ille in novam febrim transitus saepe fugit, et illa etiam luculentius jam evoluta de priori potius jam emortua febre solliciti sumus. Morbum ergo presso pede sequi oportet, ne quid inopinate nobis accadat, quo et aegrorum saluti et medicorum famae pessime consulitur.

Inter omnes febrium successiones illa forte omnium rarissima est; cum inflammatoria febris in pituitosam transit; quod etiam ex symptomatibus et causis utriusque febris longe a se invicem diversis difficiliter expectari deberet. Vidimus tamen saepe ejusmodi successiones, et hoc anno quoque bina habuimus hujus morbi exempla.

Observatio I.

Puella 16 annorum morbis infantilibus nondum defuncta, et ante 14 dies prima menstruorum conamina experta, per 9 dies praegressa ingurgitatione pascali, febre continua laborat, cum cephalalgia valida daedolatione, et lumborum atque praecordiorum dolore.

Primis morbi diebus purgans sumpsit, unde alvus 4—5 per diem mota.

27. April. 11. m. d.

Cephalalgia. Lingua arida, fissa.

Oppressio thoracis per vices aucta, et dolor in medio sterni. Tussis, etsi rarae, irritamentum in praecordiis. Sputa mucosa.

Hypocondrium dextrum tensum, durum, dolensque.

In urina brevi jumentosa biliofum
sedimentum. Alvus 5 posita.

Pulsus celer, subdurus.

Facies terrea, ambulatorius gena-
rum rubor, inperspirabilis cutis.

Decoctum hordei cum roob
ribesiorium, et syr. ace-
tos. citri.

Cataplafma emolliens.

28. *April.*

Nulla thoracis oppressio. Tussi-
cula frequens, visceralis. Lingua al-
bida, mucosa.

Hypocondrium dextrum molle, in-
dolens.

Vrinae coloratiores absque sedi-
mento. Diarrhaeica alvus octies
mota.

Pulsus

Pulsus celerior, absque duritie.
Cutis strigosa.

Decoctum emolliens sine nitro.

29. *April.*

Alvus 6 posita. Lingua albescens, in medio arida. Tussis catarrholorum. Minor pulsuum celeritas.

Eadem continuantur.

Eodem fere sequentibus diebus rerum facies placidis accedentibus nocturnis deliriis. At 2 Maii sera vespera plenus fortis, durusque assurgebat. Vnciae VIII. sanguinis educatae. Cruor compactus. Pulsus altera die ad justum moderamen redactus.

4. *Maii.*

4. *Maii.*

Plena animi praesentia. Tussicula frequens. Lingua albida, siccescens.

Vrinae naturales, parcae alvi dejectiones.

Pulsus modice celerior.

Cutis inperspirabilis, strigosa, et deciduae hinc inde squamulae.

Sambucina cum spiritu Mindereri.

Cataplasma abdomini applicandum.

5. *Maii.*

Major pulsuum debilitas, faciei pallor, alvus 5 mota, et ab aliquot diebus infcio in lectum dejecta, accedente miti delirio. Cutis sicca.

Cortex peruvianus emollienti decocto junctus.

6. Maii.

Continuato corticis peruviani cum emollientibus connubio actionum vitalium vigor sensim rediit, alvo continuo fluente, tussicula frequenti, cuti siccescente et desquamata. Absque ulla alia accedente evacuatione aegra tandem convaluit, et 27. Maii e nosocomio dimissa.

Mors improvisa a vero cordis polypo.

Sartor 37 annorum ante quatuor septimanas ex pleuritide decumbens generosa antiphlogistica methodo sanatus e nosocomio magno discessit. Duabus septimanis incolumis vixit. Die Dominica paschatis 16. April. vino largius ingurgitato fera vespera horripilatio, sequentibus etiam diebus incerta lege recurrens. Continua haec febris die 24. Aprilis adeo increvit accedente valida daedolatione, tensione dolente per thoracem ad abdomen usque diffusa, et diarrhaeica alvo, ut vi morbi aeger decumbere cogeretur.

24. April. 9. m. d.

Cephalalgia, aurium tinnitus. Lingua albida, mucosa, subflavescent.

Tensio.

Tensionis in thorace ad abdomen
usque protractae sensus.

Alvus noctu bis mota. Vrina
multa bile tincta.

Pulsus acceleratus, fortis, subdurus
idque eminentius in carpo dextro.

Subflavescens faciei color.

In sanguine e vena heri misso cru-
sta pleuritica.

Mixtura salina.

25. April.

Praecedente die fera vespera bi-
liosia vomuit.

Mane assiduus aurium tinnitus.
Lingua albida flavescens, intensus ama-
ror oris.

Oppres.

Oppressio thoracis per vices, alias plena respirationis libertas.

Alvus quinquies mota. Urinae biliosae, sedimentum mucosum.

Minor pulsuum celeritas, major mollities.

Ipecacuanhae gr. XXIV.

Elapsa dimidia ab emetico assumpto hora aeger ad fellam perforatam propriis viribus ivit, rediitque in lectum. Mox violenta artuum omnium tensio, et aeger animam dedit.

Sectio Cadaveris.

Aperto thorace uterque pulmo cum pleura concretus. In superiori dextri pulmonis parte cicatrix praegressante peripneumonia relicta.

In cordis sinistro ventriculo polyposa substantia ex imo ventriculi ad aortae usque initia ascendens.

In auricula sinistra eadem polyposa, at majoris voluminis substantia in ipsum ventriculum propendens. Vterque polypus propria fere tendinea vagina continebatur, ipsis cordis parietibus miris modis intime nexa.

Epicripsis.

Febris ab initio inflammatoria admixta biliosa labe.

Et praegressa pleuritis, et praesentia morbi symptomata, et sanguinis e vena missi conditio, ortumque inde levamen inflammatoriam febris indolem comprobant.

At conspicuus epidemiae rheumatico-inflammatoriae in biliosam epidemiam transitus, oris amaror assiduus,

duus, vomitus, vomituriatio, discussa phlogosi biliformem materiam paratam esse, exitumque moliri aequum erat. Exhibitum ergo est emeticum. At priusquam vomitum ciebat, mortuus repente est aeger.

Erronea certe medicorum elapsi saeculi sententia fuit, qui sanguinem grumofum a morte in ventriculis cordis repertum et polypum et mortis causam esse dixerunt. Concrefcentis enim sanguinis emoriente fenfim circuitu effectus non causa mortis funt.

Aliam polypi imaginem lymphadat coagulabilis in morbis, pectoris praecipue, paucis ante mortem horis transfudans, quam faepius in cada-veribus vidimus. Neque illa polypi species genuina est, et ad effectus praefentis morbi pertinet.

Vera polyposa substantia, neque grumofam, neque lymphaticam, sed privam faciem exhibet, atque ita intime cordis substantiae copiosis ramis inhaeret, ut facile agnoscas novum id esse corpus non paucis ante mortem diebus horisve conflatum, sed ab antiquis vitiis progenitum. Accedit, quod ex historia antea actae aegrorum vitae, symptomata innotescant, quae mali hujus suspicionem praebuerent. Neque dubito, in hoc quoque aegro talia symptomata saepius fuisse observata, quod tamen, cum aeger sine ullo consanguineo aut vitae socio obscurus obierit, rescire haud licuit.

Status nervosus in febribus acutis.

Multum interest, quomodo quis praedispositus ad morbum accesserit. Varia inde ejusdem morbi in variis hominibus facies, imo in eodem homine, si diversis temporibus in eundem morbum inciderit. Ad nervos haec observatio potissimum pertinet. Ea enim subinde est peculiaris nervorum debilitas ut vel levissimo stimulo ex corpore eliminando impar, inani conatu in vehementissimos motus concitetur. Status hic congruo sane vocabulo *aucta nervorum irritabilitas* vocari poterit. Praesente hoc stadio varia erit ab eodem stimulo, corporis affectio. Cur infantes, pueri, foeminae in convulsionum genus omne ita proclives? Intermittens febris, levior etiam, quae in firmiori corporum compage transitorio horrore

rore solet incipere, in pueris saepe convulsionibus tragoediam ludit.

Pone puerperam in biliosam febrim incidere, mox inde deliria, convulsiones, et multiplex nervorum lusus, cum tamen eadem foemina, extra puerperii tempora, non ita impatenter hunc morbum tulisset. Eodem modo, si quis praegressis iisque largis haemorrhagiis, aut alia praegressa valida humorum jactura ab epidemica febre corripiatur, aucta certe nervo-irritabilitas terrificam symptomatum seriem excitabit.

Haec itaque diversa ab eodem febrili stimulo excitata symptomata feбри et inflammatoriae, et biliosae, et pituitosae, verbo, omni feбри principi jungi possunt, ut ergo *status nervosus* non inter propria cujusdam febris principis, sed inter communia omnibus febribus symptomata reponendus

nendus sit. Statu ergo hoc irritabilitatis nervorum auctae morbo febrili juncto, id facere debet medicus, ut morbo praesenti ex notione febris principis, sub qua juxta reductionis legem continetur, medelam faciat, atque symptomata interim nervosa, ne ultra modum exorbitent, attentus sit. Sequens observatio exemplum exhibet synochi imputris simplicissima antiphlogistica methodo curatae, quamvis ferocissimum delirium, summa inquietas, et convulsiones validissimae febris *nervosae acutae* suspicionem potuissent incutere.

Observatio.

Studiofus medicinae 26 annorum nervorum irritabilitatem si excipias, sanissimus 21. Aprilis febricula tenui corripitur vagis artuum rheumaticis doloribus stipata. Versus vesperam accessit delirium, ejulatio, spasmi, convulsiones.

vulSIONES. Mixtura primum salina, deinde ob continuum oris amarorem emeticum praescribatur. Nullo inde apparente morbi levamine vena secabatur. Morbo parum fracto in scholam clinicam delatus est.

5. April. 4. m. d.

Noctu ferocissimum delirium.

Capitis stupor. Oris siccitas, lingua albida.

Oppressio thoracis, si aegro credidisses, assidua, alte tamen inspirando thorax attollebatur.

Abdomen indolens. Urina coloratior, alvus bis mota.

Pulsus naturali modice celerior, debite fortis.

Decoctum altheae cum nitro

Syllog. III.

E

6.

6. *April.*

Noctu ferox iterum delirium rediit, clamores validi, jactitatio summa.

Magna animi dejectio. Lingua al-bida.

Respiratio libera, aequalis.

Major paulo abdominis turgescencia.

Vrinae biliosae, alvus ter mota.

Naturalis fere pulsus celeritas, nulla vibratio.

Camphorae gr. IV. in mix-tura.

7. *April.*

Heri a meridie horrenda iterum et plurima ejulatio. Nox paulo quietior.

Mane

Mane capitis stupor. Lingua al-
bida.

Oppressio thoracis nulla.

Abdomen magis tumidulum.

Pulsus fere naturalis.

Eccoproticum ex manna et
cremore tartari.

8. *April.*

Ferox iterum noctu delirium cum
intensis clamoribus.

Lingua albida, abdomen, alvo se-
mel enemate sollicitata, minus tumidum.

Vrinae cum sedimento lateritio.

Pulsus, quamvis naturali celerita-
te, fortis tamen, et subdurus.

Venae sectio unc. VIII.

Emulsum cum nitro.

9. *April.*

Noctu iterum clamores.

Lingua albida flavescens.

Major pulsuum durities et vibratio.

Vrina cum sedimento lateritio.

Sanguis e vena missus initiantem
crustam exhibuit.

Venae sectio unc. VIII.

Potus antiphlogisticus.

10. *April.*

Prima noctu quies. Naturalis
plane pulsuum affectio.

Sanguis e vena missus crusta pleu-
ritica tectus.

II — 19. *April.*

Continuatis antiphlogisticis emollientibus omnia ita sunt emendata, ut binis tantum vicibus, et mitius delirium accesserit, ut aeger perfecte sanatus die 20. Aprilis e nosocomio discesserit.

VII.

Non nulla de verme Taenia.

Quamvis multa sint nostro aevo ad expellendam ex hominum intestinis vermem taeniam ventilata et caro etiam pretio redempta remedia; ea tamen est horum omnium indoles, ut saepe medicorum et aegrorum spem fefellerint. Eminent inter haec remedia et fama, et fausto ut plurimum eventu *Noufferiana* taeniam pellendi methodus. At tamen et haec methodus frustra saepe adhibetur, ut nescias an remedii inefficaciam, aut methodum illud adhibendi accuses. Non ergo superfluum esse puto methodum in schola clinica et prioribus annis, et hoc etiam anno felici semper rerum eventu adhibitam fusius exponere, ut alii etiam medici, quibus occasio taenias expellere contigerit, observationibus repetitis methodi nostrae efficaciam comprobent.

I. Pri.

1. Primis tribus diebus, praescripta tenuissima diaeta, ter de die uncia dimidia olei ricini americani juscule diluti assumenda est.

2. Quarta die omni hora drachma una aut omni bihorio drachmae duae pulveris radice felice maris assumitur, ultima dosi assumpta haustus purgans ex solutione salis amari exhibetur.

3. Expulsa hoc modo taenia Vfus Elixirii Stomachici praescribitur, per aliquot dies continuandus. Univerfim virium coëctricium ratio habenda est.

Hac methodo plurimae taeniae fuerunt expulsa, paucas tantummodo addam observationes, quas hoc anno colligere datum est.

Obfer-

Observatio I.

Coqua 23 annorum per 4 fere annos Taenia vexabatur. Variis utebatur remediis. Aliquoties frustra 3 — 4 ulnarum dejecta, ultimo ante dimidium annum frustum 3 et $1\frac{1}{2}$ ulnarum.

Prima die, quo oleum ricini exhibebatur, cum aegrius ferret nauseosum hoc medicamentum, sexties vomuit. Secunda die ter tantum vomuit. Tertia die nullus vomitus, at frequens vomituritio, et nausea, et alvus decies mota. Quarta die omni bihorio pulveris radice filicis maris drachmam unam assumpsit. Assumpta octava dosi taenia dejecta est 2 et $1\frac{1}{2}$ ulnarum, in tenuissimum apicem definens. Quarta die Elixir stomachicum temperatum praescribatur, octava die e nosocomio discessit usum stomachicorum continuare iussa.

Obser-

13

Observatio II.

Coqua 20 annorum a tenera aetate vermibus e lumbricorum genere vixit obnoxia. Ante annum circiter prima vice taenia $3\frac{1}{2}$ ulnarum sponte cum alvo secessit. Ante dimidium annum a lacte, quo allium decoctum fuerat, frustum $1\frac{1}{2}$ ulnae longum eiiciebatur. Ante 14 dies in nosocomio magno febris pituitosa laborabat. Curata febre persistente cardialgia anthelmintica praescribebantur. Alvus non asservabatur. Die 2. April in scholam clinicam recepta. Facilius tulit oleum ricini, secunda ab ejus usu die fragmentum vermis alvo frequentius mota una movebatur. Quarta die omnibihorio drachmas duas radicis filicis maris, assumpsit, quarta dosi assumpta taenia aliquot ulnarum pellebatur, in partem valde tenuem desinens, apice forsan jam prius ejecta, vel in copio-

Syllog. III.

F

fa

sa et pituitosa forsan alvi materie delitescens. Vt omne tolleretur dubium binas adhuc assumpsit doses, et solutionem insuper salis amari; nulla amplius taeniae frustula alvo dejiciebantur. Cura dein confirmatoria stomachicis inchoata.

Haec methodus, quae certe est simplicissima, dummodo exacte aegri illam sint secuti, nunquam nos fefellit. Ratio autem omnis in cura taeniae ad duo potissimum redit, ut vermis una cum seminio verminoso expellatur, deinde ut vires coctrices, quibus lanquentibus vermium morbofa evolutio adjuvatur, roborante methodo contra novam taeniam muniantur.

Primum obtinetur ingestis oleosis, quibus oscula taeniae, si semel sint ab oleo sucto repleta, parietibus intestinorum minus firmiter adhaerere

rere possunt, et validiori accedente stimulo motum peristalticum intesti-
norum augente facile expellantur.
Forſan etiam in naſeoſo ricini ame-
ricani oleo aliquid latet, quod huic
vermium generi peculiariter eſt ini-
micum. Pulvis radicis filicis maris,
ut validius purgans, ſuperaddito etiam
purgante ſalino hauſtu per glomeres
ſaepe, rarius fruſtuatim taenia ejici-
tur. Tenuiſſima hoc tempore ſit
diaeta, et juſcula tantum, eaque pin-
quiora concedantur.

Expulſa Taenia, confortativa me-
thodus per longiora etiam tempora
continuanda eſt, ut omnis ea diſpoſi-
tio, quam verminofam dixeris, peni-
tus deleatur.

OBSERVATIONES

MEDICAE

VARIi ARGVMENTI.

EDIDIT

IOSEPHVS EYEREL.

STYLOGE IV.

VIENNAE ET LIPSIAE,

APVD GEORG PHILIPP WVCHERER.

MDCCLXXXVI.

I.

*Quaedam in variolarum insitibnem
animadversiones.*

*Et naturales quoque variolae insitae
sunt.*

Multorum adhuc animis alte inhaeret de variolarum naturalium et insitarum discrimine opinio, ut existiment, morbum utrumque externa equidem specie simillimum, natura autem et indole sua dissimillimum esse. Ex quo errore pia quorundam deliria, religioni sibi ducentium in hominum corporibus morbum excitare, quod maxima esset ulciscientis, fulminan-

tisque Numinis praerogativa. Doleo nostro etiam philosophico, si superis placet, saeculo et medicos et philosophos, cum hac imperita turba una vociferasse. Alii, qui prae illis sapere sibi magis videbantur, modestius de ea re sentiebant, id tantum metuentes, ne variolarum excitandarum negotium intempestive a medicis peragatur, quod consultius *Naturae* fuisset relinquendum. Eminent inter hos celeberrimus nostra aetate philosophus, quem inita quasi conspiratione et sacerdotes, et philosophi, et omnium saevissime ipfissimae suae depravatae imaginationis ludibria persequebantur, *Jacobus Rousseau* hominum per saepe turbans capita circulosque. At verbo *Natura* ludere, quod et antiquitus fecere, et nunc etiam faciunt Philosophi, ingenuo Medico indignum est.

Non magna certe aut sensuum aut iudicii acies requiritur, ut omnino convincamur inter naturales et insitivas variolas discrimen nullum intercedere, nisi quis ita argumenti claritate percellatur, ut sylvam prae arboribus praetervideat. Inquiramus in modum, quo naturales variolae, et quonam artificiales oriantur. Eo enim commento, Naturam corporis humani humoribus incubando, post annos tandem miasma variolosum excludere, atque foris amandare, aetas nostra nunc non laborat.

Cum ergo a natura variola produ-
euntur, id contingere solet, ut mate-
ria variolosa ex variolantium corpo-
ribus tenuissima exhalans, in vario
vehiculo, a variis corporis partibus
excipiatur, et a venulis bibulis resor-
benda sangninique commiscenda, ex
quo tandem a natura, omnis extranei
stimuli inimica, extricatur, atque ex-
pelli-

pellitur. Atqui haec miasmatis ex alio corpore in aliud traductio, atque eiusdem morbi ab eodem contagio excitatio, quid, per deum, aliud est, quam *infitio*? Si ergo *Natura* idem facit ac *Ars*, quodnam nunc est illud ingens discrimen? Reapse nullum est.

Viae tantum, per quas venenum intrat, variae dantur. In suburbio Vindobonensi Maria Hilf Epidemia quondam regnante plures cuiusdam pistoris infantes variolis confertissimis decumbebant in eodem cubiculo, ubi panes, antequam venderentur, asservabantur. Per totam eam regionem variolae mox grassabantur, eas praecipue in domus dissipata, in quas panes ab hoc pistore, divendebantur. Alia via linteamina sunt, quae apud lotrices ex variolantium linteaminibus miasma inbibebant, et sanis dein corporibus communicabant. Sufficiat haec

haec communissima exempla adduxisse, ut respondeant oſores inoculationis, cur mater *Natura* (varias enim fingunt *Naturae* formas) ac fortuito potius, quam per medicos ex instituto variolas velit communicare?

Tantum igitur interſeſt inter *Naturae* et *Artis* inſitionem, quantum inter varias methodos inoculandi a variis medicis adhiberi ſolitas.

Commoda inſitionis.

Niſi utile eſt, quod facimus, ſtulta eſt gloria. Nolo eam utilitatem inoculationis ab eius primordiis repetere, ſed ex ipſa inſitionis natura demonſtrare. At illa inſitionis utilitas ita ſimplex eſt, ut haec ipſa ſimplicitas maxima ſit aſſerti huius commendatio.

Selectus conſtitutionis epidemi-
cae, ſelectus anni temporis, ſelectus
vale-

valetudinis, en tres illas conditiones, a quibus, cum in medici sint potestate, omnis pendet variolarum inferendarum utilitas.

Magni Sydenhami effatum, morbum regnantem epidemicum omnes alias intercurrentes febres in suam potestatem redigere, et cognitionem, et curam variolarum facillimam reddidit, ut vel ex eo capite gratam vir divinus posteritatem debuisset spectare. Nostra certa aetas, qua certe erga inventa meritaque magnorum virorum vix ulla fuit ingrator, in omni alia re potius, quam in erutis a Sydenhamo Epidemicorum morborum legibus Virum hunc excellere existimant, forsan ideo, quod eius opera, cum *latina* sint, non legantur.

Regnante itaque epidemia mali moris, e. g. grassantibus passim febribus putridis medicus variolas non inferat,

ferat, pessimum enim et variolosae, et putridae febris connubium variolas pessimi moris progigneret. Eo magis abstinendum est, si variolosa iam inciderit epidemia, et eam gravia ac perniciofa symptomata comitentur. Id ergo periculum medicus a suis variolosis infitis potuit avertere. Accedit, quod magna sit probabilitas, corpus humanum, variolis per populum non grassantibus, ita esse dispositum, ut miasmati varioloso potentius resistat; et hinc a viro varioloso etiam arte infito minus turbetur.

Anni etiam tempus infitionis negotium aut facile iucundumve, aut periculosum etiam atque inamoenum efficit. Aeris inclementia, pluviae nivesque, aut sine ullis folibus triste caelum, denegatus liberior aeris accessus tantopere inoculationi salutaris, et ob instituenda animi oblectamenta inoculatis pueris aequae proficua,

cua, hyemale tempus insitioni parum optum reddit. Omnium minime autumnus morborum popularium feracissimus huic negotio favet, nisi simul variolas, et regnantes morbos velis inferere. Aestuosa quoque aestatis tempora, cum aegri non possint continuo umbras inter et frigora contineri variolarum insitionem minus commodam reddunt. Omnium ergo exoptatissimum est ver adultum. Benignior enim solet esse epidemiarum vernalium indoles. Praeterea liberior et grata aura febriles motus compescit, horti, in qua inoculati per diem una degunt, amoenitas, amicorum et affinium confabulatio musicam inter lususque varios id certe efficiunt, ut omnis insitio variolarum ab initio ad finem usque rusticationi sit simillima. Magna denique vernalis temporis praerogativa in eo est, quod variolosi miasmatis reliquiae, quae post insitas pariter, ac naturales subinde supersunt,

superfunt, subsequenter aëstivis caloribus sudores inter facillime difflantur; quod minus commode infusione aëstate aut hyeme peracta poterit obtineri, ob imminutam corporis a frigidiori atmosphaera transpiratione.

Valetudinis denique corporis, cui variolas medicus velit inferere, ratio habenda est. Male instituitur febre quacunque corpus infestante, primis apparentibus menstruis, in foemina gravida, in puerpera; in morbo etiam quocunque, a superveniente febre exacerbando, ut in haemoptoe, in pthysi. Minus metuendum est praesente vitio rachitico, vitio scrophuloso, debilitate infantum chronica, et ab ipsa dentitione levioribus symptomatibus stipata; adeo enim insitio iis non nocet, ut potius ob iustum forte vitae institutum regimen, mire proficit. Habuimus et priori anno, et hoc
etiam,

etiam, cum infitio fieret, infantum rachiticorum, et dentitione laborantium exempla, quibus infitio ex voto cessit.

Nulla praeparatio, optima est praeparatio.

Plurimi medicorum, qui variolarum infitione inclaruerunt, corpora licet sanissima praeparatione varia ad infitionem aptiora reddere studebant. Aliqui largis venae sectionibus excitandam a miasmate varioloso phlogosin avertere cogitabant, sed aegros et vires perdidere. Alii purgantibus ante infitionem saepius repetitis virium ruinam induxere. Neque in mercurio aut antimonio aliquid latet, quod venenum variolosum destrueret. Multi diaetam lacteam commendant, quae tamen aequè parum illorum votis respondet. Neque praecedens longa a carnibus abstinencia, et victus

tus mere vegetabilis proderit, debilitatem enim corporibus inducit. Nil ergo mutandum est in homine sano, cum omnis intempestiva medicina vires labefactet.

Modus inoculandi.

Ea methodus, quae punctura non cruenta in utroque humero ad radicem musculi deltoidei apice lanceolae virus sublatam inter epidermidem et cutim miasma variolosum immittit, et ob incruentum vulnusculum, et ob locum, in quo peragitur operatio, omnibus aliis praeferri meretur. Nam stillans ex profundiori vulnusculo sanguis, ne omne miasma variolosum abluat, et infitionem irritam reddat, metum iniicit. Exemplis id Vienne comprobatum est, cum infantes, punctura cruenta variolosum miasma nullatenus, sequenti nihilominus anno incruenta susceperant. Pejor adhuc erat

erat antiquior methodus vulneribus latis virus variolosum immitens, mala enim inde per saepe ulcera, nulla arte sananda ortum duxere. Locus etiam, in quo operatio instituitur id commodi habet, ut pars pruritus minus sit exposita, et pustulae genitricis mutationes accuratius possint observari. Taceo alias methodos, cum naribus venenum attrahitur, aut crusta pustulae in pulverem redacta vario modo condita ore deglutitur. Nam prava inde symptomata, cum pustula genitrix in pulmonibus aut in ventriculo nascatur. Et hic Viennae ab ingesto in ventriculum veneno lethalis vomitus observatus est.

Diversa stadia variolarum insitarum.

I. *Stadium susceptionis.* Est haec non ultima insitionis praerogativa, ut veneni variolosi in corpus humanum effectum mox ab exordio obser-

vare

vare liceat. Id omne stadium partialis tantummodo corporis affectio est, quae per varios gradus fatiscens morbum tandem universalem accendit. Iuvabit eas mutationes ordine persequi, cum ex regulari huius stadii decursu pateat, quae ab universali subsequente morbo sperare aut metuere debeamus.

1. In primis 24 horis vix aliqua mutatio est conspicua.

2. Die secunda tertiave in loco infitionis macula dilutissima rubra apparet, et durities lenticularis tactu dignoscenda.

3. Maior durities, rubedo intensior, et pruritus. Ea durities abest, si aeger variolas iam olim passus est. Tunc enim solum rubra plaga veluti a morfu pulicis; tertia et quarta die ulcusculum suppurat; et sexta die
vix

vix aliquid in loco vulnerato conspicuum est. Hac itaque duritie apparente de suscepto veneno varioloso certi esse possumus.

4. Vergente quarta die insolita aut morositas aut hilaritas in infantibus observatur. Pulsuum levior inconstantia, glandularum subaxillarum dolores tractivi, somnus turbatus, propensio in sudores absque manifestiori febre.

5. Die quinto plaga amplior, et microscopio, aut subinde etiam nudo oculo plura punctula, totidem parvae vesiculae deteguntur. Complexus harum vesicularum *Pustula genitrix* vocatur.

6. Die sexto pustula haec genitrix insigniter elevata et acuminata, limbo rubro ardente, pruriente circumscripta,

scripta, vesiculam pure crassiori plenam exhibet.

7. Die septimo maior pustulae elevatio, pus spissius, et maior limbi tensio. Ea die et initio octavi pustula genitrix maturatur, et topicus morbus finitus est.

II. Stadium ebullitionis. *Febris variolosa primaria.*

Vergente septima die, pustula genitrice ad maturationem perducta, universalis incipit morbus, febris nempe variolosa. Febris haec *indeterminata* est, ad nullam febrim principem reducenda. Typus remittentium est, accedente ad vesperam nunc graviori, nunc mitiori exacerbatione, variis stipata adfectionibus systematis nervosi et gastrici. Morositas inconsueta, inquietas nocturna, pavores, capitis et lumborum dolor, nausea, vomituriatio, cardialgia, daedolatio

praecipua huius stadii symptomata sunt, et multum mitiora; quam in naturalibus variolis esse solent.

III. *Stadium eruptionis.* Die nona finita, et decima initiante variolae tandem erumpunt; primo punctula rubella morfus pulicum aemulantia apparent, mox in pustulas assurgunt, duriusculas, discretas, cum puncto albicante sphaeroideo lymphâ variolosa repleto. Eruptione facta, symptomata febrilia, utpote absoluta crissi, cessant. At ipsius variolarum eruptionis non unus est modus. Subinde enim universalis est, ubi simul et semel contingit, subinde partitis vicibus, ut post duos tresve dies nova variolarum series prorumpat. Si primum, quod communissime fieri solet, febris mox omnis cessat; non item, si partitae crises contingant, tunc enim temporario levamini brevi nova febris succedit, idque eo repetitur,

tur, donec omnis variolosa materia sit eliminata.

IV. *Stadium maturationis.* Circa 11 aut 12 diem pustulis sensim incrementibus, limbo magis rubescente circumscriptis, interstitiisque tensis, inflammatis, lymphaque variolosa in pus spissum et flavescens transmutata novi oriuntur febriles motus. Emphysematosa partium inflammatio, salivae sputatio frequens, et diarrhaeica alvus in hoc stadio frequentiora sunt symptomata.

V. *Stadium Exarescentiae.* Duodecima circiter ab insitione die variola, postquam per diem consistere visa est, pus, dispersa fluidiori parte, spissescit, pustula ipsa siccescit, et crusta obducitur flavescente, decidua. Pruritus molesta potius, quam morbosae affectio in hoc stadio aegros vexat.

VI. *Stadium desquamationis.* Exarescentia intra triduum fere perfecta, rumpuntur tandem pustulae, et sub furfurum specie decidunt. Succedentes foveae sensim replentur, et stigmata diutius manentia, crassioribus sensim factis cicatricibus, tandem delentur.

Methodus tractandi variolas artificiales.

I. *Methodus praeparatoria.* Nullam praeparationem, si medicamenta spectes, optimam esse, supra monuimus. Diaetae etiam repentina mutatio sanitati inimica est. Totum, quod agere licet, illud est, ut inoculandi ante insitionem per aliquot dies et aeri liberiori, et novo hominum consortio sensim assuefiant. Medicus interim attentus, qua sanitate utantur, quid forte mutandum sit, recte intelliget. Saburra forte, in
primis

primis viis praesente, lene tamarindinum convenit.

II. *Inoculatio ipsa* fiat in horto amoeno arboribus obsito, atque ruri, si id fieri potest, methodo nunc enarrata.

III. *Inoculatione peracta*, cura omnis in eo versatur. Imo ut eo toto tempore alienos morbos prohibeas, quibus placidus variolarum decursus abnormis et fatalis redderetur. Ideo Diaeta variolantium talis sit, ut a victu consueto non recedat, et ab ipso victu carneo ea ratione sensim detrahatur, quo propius variolosae febris accedunt. Illto Toto morbi tempore aegri in aere frigidiusculo sunt retinendi. Neque id volumus, ut etiam in frigida et immiti aere sub diu versari cogantur. In teneris enim, et non assuetis infantibus, ne peripneumonicum inde vitium accedat, metuendum

tuendum est. IVto Moderata sint corporis exercitia, grata varietate vagos febriculae motus compescentia. Vto A somno, quantum fieri poterit, arceantur, somni enim tempora convulsionibus amicissima. VIto Die tertia quartave ab infitione lene exhibeatur eccoprocticum, subinde etiam maturationis tempore lene purgans, e. g. hydromele infantum, aut aqua laxativa Viennensis exhibeatur.

Praemissa nunc generaliori variolas infitas tractandi methodo, adnotationes quosdam peculiare subiungo, quae variolosam potissimum febrim spectant. Die ab infitione decima, adproximante iam eruptionis stadio, somnus et interdium, et noctu, quantum fieri potest, sit parcissimus. Novimus enim, non nisi indormientes convulsionibus corripiri. Hinc de die placido corporis exercitio, hominum consortio, imo artis musicae incantamentis

mentis sopor discutiendus. Noctu, dum somnus tamen aliquis concedi debeat, stragula et pulvinaria saepius vertantur, ne nimis incalescant dormientes. Fenestrae in contiguo conclavi, aut procellosa tempestate januae ferventur apertae. Sub ipsis autem eruptionis moliminibus, convulsionibus somno supervenientibus, infantes e lecto eximendi, spiritu cornu cervi aut frigida excitandi, et aeri frigido mox admovendi, quo incantamenti instar ad se redeunt.

Sub ipsa eruptione saepius praesertim si sit universalis, tota facies ita intense rubet, ut confluentium variolarum metus subfit. Sed vanus est timor. Post aliquot enim horas sub continuato corporis in aura frigidiuscula exercitio pars maxima variolosi miasmatis in auras diffatur.

Solemne est eruptione variolarum facta febriles motus cessare. Febris igitur si non cessat, aut ideo fit, quod materia non omnis simul et semel sit deposita, sed partitis vicibus erumpat, vel si id quoque non fit, ea febris aut epidemica, aut sporadica causa excitata. Magna prudentia et exercitatione multa opus est, ne id, quod temporarium est, et ejusdem morbi continuatio, pro novo morbo habeatur. Evidens huius rei exemplum inoculatio priori anno in pago *Herrnals* peracta, praebuit. Infans lacte nutricis enutriendus facta insitione ad eruptionis usque stadium bene valuit. Eruptio etiam optime cesserat. At subito morositas, novum febris augmentum, inquietas multas, convulsiones, artuum inferiorum ad superiora retractio, et doloris etiam in abdomine acutus sensus sola accuratio-ri contrectatione dignoscendus. Tam praeceps rerum mutatio nullae epidemicae

demicae nunc supervenienti feбри ad-
 scribi poterat. At neque privatam
 aliquam causam rescire ab adstantibus
 licuit. Stante hac ignoti huius sti-
 muli incertitudine, variolas nunc non
 amplius respiciendo, soli intestinorum
 inflammationi medebatur *Stollus*. Ab-
 domen totum cataplasmate emolliente
 continuo fovebatur, clysmata emol-
 lientia omni bihorio injecta, mixtura
 mucilaginosā, et potus insuper emol-
 liens, tepidus, frequenter, at parce
 exhibebantur, hirudines insuper fe-
 bre non imminuta applicatae. Nu-
 trici quoque conveniens diaeta prae-
 scripta. Continuato ad amissum ho-
 rum remediorum usu omnia intra pau-
 cos dies emendabantur, rediit vario-
 losa febris, et reliqua quoque stadia
 ex ordine ad finem usque percurrere-
 bant. Infante dein extra periculum
 posito demum constitit, nutricem a
 cane domestico, se inscia ipsius dorso
 insiliente, territam, ubera parvum
 post

post temporis intervallum, pufioni
praebuiffe. Observationibus certe
conftat, lac nutricum a terrore ita im-
mutari, ut non blandus amplius hu-
mor, fed fumme acris, et vix non ve-
nenofus evadat. Non ergo mirum
eft, tot tantafque turbas in teneris
infantum inteftinulis excitari.

(Reliqua in proxima Sylloge.)

II.

Febris bilioso-putrida, accedente pulmonum inflammatione.

Vidua 52 annorum, cum per biduum de vehementi siti conquesta esset, ante 13 dies continua febre corripitur, daedolatione, oris amarore et foetore, et foetidissima diarrhaeica alvo accedentibus.

23 Maii, 13 m. d.

Cephalalgia; aurium susurrus assiduus. Foetor amarorque oris. Lingua albescens.

Nulla thoracis oppressio.

Levior dextri atque a rudiori tactu dolens intumescencia.

Vrinae mucosum sedimentum. Alvus noctu 10 mota.

Pulsus

Pulsus acceleratus, debilis, inaequalis, remittens.

Color faciei circa labia praepriis et labia terreus. Petechiae lentculares hinc inde per corpus dispersae.

Librae ij Decoct. corticis peruviani.

24. *Mai.*

Noctu calor et miliaria alba inter largos sudores prodeuntia. Mane bis vomuit biliosa. Vomituritio assidua. Lingua minus tenaci glutine obducta. In profundiori inspiratione exiguus in thorace dolor.

Hypocondrium dextrum minus infarctum. Reliquum abdomen molle.

Alvus 7 mota, urinae biliosae cum sedimento mucoso.

Pulsus

Pulfus celerior, paulo elatior.

Eadem continuantur.

25. *Mai.*

Affidua adhuc temulentia. Foetor oris. Bis vomuit. Copiosa miliaria petechiis intermixta. Vegetior pulfus.

Corticis peruviani decoctum.

26. *Mai.*

Semel vomuit. Os minus amarefcens, minusque foetens.

Levior in medio thorace dolor.

Alvus 5 mota, urina fine contentis.

Pulfuum maius robur. Pars maxima exanthematum disparuit.

Eadem remedia.

27. *Mai.*

Semel vomuit. Sapor emendatus. Lingua albida.

Levior thoracis oppressio.

Alvus bis posita. Vrina fere sanorum; elatusque pulsus.

Eadem continuantur.

28. *Mai.*

Vomitus. Oppressio thoracis paulo maior, et profundioris inspirationis impedimentum.

Alvus 6 mota, urinae turbidae. Sudor noctu largus.

29. *Mai.*

Noctu manifesta exacerbatio; ea finita levamen.

Lingua

Lingua albida. Doloris punctorii in thorace sensus, inspiratione profundiori et tussi auctus. Sputa mucosa. Maior incalescentia, et aliqua pulsum acceleratio.

Decoctum Salap. tepide.

30. *Mai.* — 2. *Iunii.*

Emollientium usu respirationis libertas rediit, doloris et oppressio- nis sensu sublato. Alvus semper soluta, subinde diarrhaeica, et naturalis pulsum celeritas.

2. *Iunii.*

Copiosus noctu sudor. Lingua alba, levissime flavescens.

Vix aliquod doloris in thorace vestigium. Sputa puriformia. In profunda inspiratione inaequalis thoracis elevatio.

Alvus

Alvus 7 mota. Insignis pulsuum debilitas.

Cortic. peruv. et rad. falap.
decoct.

3 — 4. *Iunii.*

Semel iterum amara vomuit. Oppressio et dolor thoracis recrudit. Acceleratus pulsus.

Idem fere sequenti die morbi status.

5. *Iunii.*

At quinta Iunii frequens tussis, et sputa sanguine tincta, et aliqua pulsuum durities.

Venae sectio unc. V.
Emollientia.

6. *Iun.*

Noctu multa tussis. Profundior inspiratio tussi impedita. Pulsuum
natu-

naturalis celeritas, et maior iterum mollities. Sanguis e vena missus crassa phlogistica tectus.

Venae sectio unc. V.

Emolliens potus.

7 — 13. *Iunii.*

Sanguis e vena missus crassam initiantem exhibuit. Dolor thoracis mitior, tussis tamen frequens, et inaequalis inspiratio. Sputa puriformia.

Sequentibus diebus major inspirationis libertas, et rarior tussis. Emollientia continuata.

13. *Iunii.*

Inspiratio profunda dolens, et inaequalis. Tussis frequentior, irritamentum in supremo thorace. Pulsus duriusculus, vibrans.

Venae sectio unc. VI.

Decoct. Salap.

Syll. IV.

6

24.

14 — 23. *Iunii.*

Sanguis crusta tectus. Continuat^{is} emollientibus tepidis cortici peruviano iunctis thoraci sensim libertas, pulsui mollities rediit. Rarior continuo tussis, at eadem sputorum conditio.

23. *Iunii.*

Maior iterum thoracis oppressio, et inaequalis inspiratio. Sputa quaedam cruenta.

Decoctum salap. sine cortice peruviano.

24. *Iun.* — 5. *Iul.*

Intra biduum thoracis libertas restituta, sola superstitie debilitate, quae cortice iterum peruviano emollientibus iuncto tandem profligata. Aegra sana discessit 5to Iulii, morbi die 56.

Epicripsis.

Epicrisis.

Quamvis in hac febre, quae in initio bilioso-putrida fuerat, materia biliosa turgeret, ingens tamen virium vitalium debilitas prohibebat, ne emetico saburra eiiceretur. Etiam pravi humores in tanta virium vacillatione haud impune moventur. Emeticum enim propinatum profusam reddit alvum, et pravos succos bonis una mixtos ducendo virium ruinam accelerat. Consultius in hoc rerum statu erigendis viribus insistit medicus, expectans, quid natura ipsa molietur. In hac aegra spontaneus vomitus absque magno tumultu, cum vires interim insurgerent, maximam partem turgescens materiae eliminavit.

At sublato bilioso vitio, et viribus iamiam restitutis inflammatoria pulmonum affectio omnem medentis attentionem postulabat. Fuit haec

thoracis inflammatio eo peior, quod in aegram incideret longo iam eoque exhaustante morbo conflctantem. At parca, repetita venae sectio, pulmonum fatus assiduus emollienti tepidoque potu sanitatem tandem restituerunt.

III.

*Haemorrhagia uteri a rheumate illic
deposito.*

Ancilla 24 annorum, catameniis per duos menses suppressis, eo toto tempore de cephalalgia conquerebatur. Vena tunc secabatur absque levamine. Ante 3 dies a vehementiori saltatione circa vesperam febris, intensus in abdomine dolor, et sanguinis ex genitalibus stillicidium. Altera die, cum per suburbium excurreret, in via profusissima uteri haemorrhagia corripitur. Continua febris, et dolens abdomen. Heri in nosocomium delata. Secta vena est unc. VII.

12. Jun. 3. morbi dies.

Noctu biliosa vomuit. Largissima uteri haemorrhagia saevos inter abdominis dolores.

Assi-

Affiduus diffususque in regione epigastrica dolor, attactus externi impatientissimus.

Lingua albida. Pulsus vix celerior naturali, ad debilem accedens.

In sanguine e vena heri misso inchoans crusta.

Venae sectio unc. VI.

Cataplasma emolliens.

Decoctum Salap.

13. *Iun.*

Multa noctu ob saevitiem dolorum inquires. Haemorrhagia, quae per diem parcior evaserat, noctu iterum profusior. Biliosa quoque semel vomuit.

Mane dolor abdominis paulo mitior. Pulsus debilis.

Vrinae

Vrinae biliofae. Alvus semel mota.

Sanguinis e vena missi inchoans
crusta.

Emollientia continuantur.

14. *Iun.*

Nox tranquilla. Conticuit enim
dolor, et vix ullum sanguinis proflu-
vium.

Mane dolor iterum recrudit, at
magis per abdomen vagabatur, rudio-
rem etiam attactum ferens. Heri se-
mel tantum vomuerat.

Pulsus paulo acceleratior, at ma-
gis evolutus, cum aliqua duritie.

Eadem continuantur.

15. *Iun.*

Dolor abdominis plurimum miti-
gatus, erransque ad humeros usque.

Par-

40

Parcum sanguinis profluvium, pallescensque. Vomitus nullus.

Pulsus plenus, fortis.

Emollientia continuantur.

16. *Iun.*

Noctu saevus et diffusus capitis dolor, mane remissior factus.

Fluxus loturae carniū ad instar.

Lingua adhuc albescens.

Pulsus plenus, fortis, subdurus.

17 — 28. *Iun.*

Continuatis emollientibus sensim pulsum naturalis molities rediit. Pallescens magis magisque fluxus applicato fomenti specie aceto lythargirii aqua diluto tandem omnis substitit, et aegra 28 Iuni e nosocomio dimissa.

Epi-

Epicrisis.

Vix ullum fuit corporis humani viscus, quod non aliquando dominante hac febre stationaria ab inflammatorio rheumate esset vexatum. In hac aegra, de qua non dixerim, an non abortum passa sit, rheuma inflammatorium ad uterum potissimum incumbens genitale sanguinis profluvium produxerat. Diffundebatur enim dolor per totum fere abdomen, et ad diffusa non nunquam corporis loca errabundus. Antiphlogistica emolliensque methodus fluxum hunc compescebant, quem certe roborando, adstringendoque adeo non sanasses, ut vehementius longe inflammatio utero et intestinis fuisset infixata.

IV.

Vomitus ab infarctu lento hepatis.

Caelebs foemina 34 annorum ante 6 septimanas ex pleuritide decumbens sanata 24 April. dolores abdominis erumpentium catameniorum in se prodromos sentiebat. At altera die febre continua corripitur, accedente gravi cephalalgia et artuum daedolatione. Die tertia morbi petechiae morbilliformes apparuere. Quarta morbi die vena secta est, sanguine phlogisticam crustam exhibente. Modicum et inconstans inde levamen.

3. Maii, 11. m. d.

Caput temulentum. Os amarum.
Lingua arida, ficcescens.

Nulla thoracis oppressio. Tussis
rara.

Obtu-

Obtusus in regione hepatis dolor,
attactum ferens.

Alvus soluta. Urinae coloratio-
res cum sedimento imperfecte de-
posito.

Pulsuum acceleratio, et debilitas.

Calor naturali paulo maior. Co-
lor faciei circa labia et nares vires-
cens. Noctu petechiae apparuere
nunc iterum evanidae. Cutis imper-
spirabilis.

Radicis alth. unc. β .

Cum cortic. peruv. \mathfrak{z} VI.
decoct.

4. *Maii.*

Mitior in hepatis regione dolor.
Tussis frequens. Oppressio thoracis
nulla.

Alvus

Alvus semel mota, parca. Urinae coloratiores absque sedimento.

Pulsuum maior celeritas, mollities cum debilitate.

Color corporis dilutissime flaves-
cens, genis rubentibus, atque levi
circa labia et nares pallore. Dae-
dolatio.

Eadem continuantur.

5. Maii.

Sapor oris amarus. Lingua ari-
da, marginibus albicante muco ob-
ductis.

Pulsus paulo elatior.

Eadem remedia.

Idem fere sequenti die morbi sta-
tus.

7. Maii.

7. *Mai.*

Hora 8 matutina manifesta febris
exacerbatio.

Copiosum in urina lateritium se-
dimentum.

Corticis peruv. unc. ij. de-
coct. cum oxymelle sim-
plici.

8. *Mai.*

Largus noctu sudor. Sapor ama-
rus. Thoracis et abdominis libertas.
Vrinae absque sedimento.

Naturalis pulsuum celeritas, et
debilitas.

Petechiae inconstanter apparent
disparentque.

Rad. gram. taraxac. et corti-
cis peruv. unc. I. decoct.

9. *Mai.*

9. *Mai.*

Heri tota die nulla febris. At hodie iterum hora octava matutina febris accessio rediit. Mitior tamen paroxysmus, solo fere calore absolutus.

Pulsus fere naturalis, dilutior corporis flavedo.

Eadem continuantur.

10. *Mai.*

Pridie circa septimana vespertinum levis horripilatio. Mane os minus amarescens.

Pulsus naturali celeritate, paulo debilior.

Idem decoctum, additis drachmis tribus arcani duplicati.

11. *Mai.*

11. *Mai.*

Sapor amarus. Lingua multum emendata, humidior.

Alvus enemate sollicitata, copiosa. Urinae cum sedimento mucoso.

Naturalis pulsus celeritas, atque maius robur. Color corporis et faciei minus flavescens.

Eadem remedia.

12 — 13. *Mai.*

Bis vomuit circa vesperam.

Alteraque quoque die aeruginosa vomuit. Lingua flavescens. Amarus oris.

Urinae coloratiores. Alvus ter mota. Pulsus sanctorum.

14 — 17. *Mai.*

Per subsequens triduum bis de die aeruginosa vomuit. Levior interim abdominis intumescencia, urinae magis coloratae. Naturalis pulsuum conditio.

Tertia die decoctum solvens sine cortice peruviano cum drachmis tribus salis mir. Glaub.

17 — 27. *Mai.*

Per tres iterum subsequentes dies semel tandem per diem vomuit. Abdomen detumuit. Alvus copiosa, pul-
tacea, Urinae minus coloratae. Et color faciei multum emendatus.

Eadem remedia continuabatur. 24
Mai. Extracti corticis peruviani
drachm. una quotidie in aqua men-
thae solutum exhibebatur, urinis nunc
plane

plane naturalibus, et solutiori fluente alvo.

27. Mai. — 17. Jun.

Dolor iterum in regione hepatis per vices recrudescens. Levior cardialgia, et anxietas. Capitis itupor.

Mixtura salina ex cremore tartari drachm. tribus. Roob Ribes. unc. I. et dimidia. Aquae communis unc. V.

Continuato solventium usu cardialgia et anxietatis sensus sensim evanuerunt, et aegra perfecte tandem sanata 17. Junii, die m. 56 dimissa.

Epicripsis.

Febris in initio inflammatorio-biliofa in putridam tendens, ut ex virium vitalium dejectione colligebatur.

Syll. IV.

D

tur.

tur. Accedebat topica hepatis adfectio. Discussa phlogosi remittere incipiebat febris, quod biliosis febribus fere proprium est, ut postea tandem plene intermittant. At non ex voto res omnis cessit. Cessante enim iam febre frequens et pertinax accessit vomitus, cui male emetico facta esset medicina, cum non a turgente sursum bile oriebatur. Solventium tandem usu, virium simul vitalium habita ratione, et vomitus cessavit, et virium iactura recuperata est.

V.

Infausta Crisis per parotides.

Ancilla 28 annorum sanissima semper per octo dies febre continua laborat cum susurru aurium, cophosi, daedolatione artuum. Alvus per 3 septimanas morosior.

20. Jun. 8. m. d.

Cephalalgia. Aurium tinnitus, cophosis.

Continuus amaror oris. Sitis valida. Lingua albida, siccescens.

Affidua thoracis oppressio, tussis rara, sputa mucosa.

Obtusior doloris in abdomine sensus.

Alvus enemate sollicitata copiosa, scybalosa. Urinae intense flavae.

D 2 Pul-

Pulsus acceleratus, fortis, durus, vibrans.

Calor fere urens. Rubentes oculi, et rubra quoque facies. Petechiae hinc inde lenticulares.

Venae sectio unc. VIII.
Potus emolliens, tepidus.

21. Iunii.

Intensus noctu calor. Capitis stupor, lingua albida flavescentes.

Maior per vices thoracis oppressio. Rarior tussis. Sputa sanguine tincta.

Abdomen non plane indolens.

Alvus semel mota. Urinae biliosae.

Pulsus acceleratus, fortis, subdurus.

Calor

Calor primo attactu urens , manu
diutius admota, remissior.

In sanguine e vena heri misso cru-
sta rheumatica, diffusa.

Emollientia continuantur.

22. *Iunii.*

Nox phantasmata inter validosque
aestus peracta. Cephalalgia. Lingua
ficcescens.

Oppressio thoracis. Tussis rara,
pectoralis. Sputa quaedam cruenta.

Hypocondrium utrumque dolens.

Alvus ab enemate non mota.

Pulsus celerior, at minus durus.

Oculorum et faciei robur.

Mixtura salina.

23. Iunii.

Heri a meridie abdominis dolor auctus, attactusque impatiens. Mixtura falina cum decocto falap. commutata.

Nox magis placida, non tamen phantasmatum experts.

Mane capitis stupor, cophosis, lingua albida siccescens.

Oppressio thoracis, inaequalis inspiratio inferiori thoracis parte impedita. Sinistrum hypocondrium praecipue dolens.

Alvus nulla, urina cum sedimento bilioso.

Pulsus acceleratus, plenus, durus. Calor urens, facies rubicunda.

Venae sectio unc. V.

Antiphlogistica emollientia.

24. *Iunii.*

Multa noctu inquietus. Mentis vix non plena absentia. Lingua sicca, flavescente mucro obducta.

Alvus nulla, urinae biliosae.

Pulsus acceleratus, vibrans. Calor urens, minor faciei, et maior oculorum rubedo.

Sanguis heri e vena missus crassa rheumatica tectus. Serum copiosum, viridescens.

Decoct. Salap. cum succo citri.

25. *Iun.*

Heri circa vesperam intensior sinistri hypocondrii dolor, et insignis pulsuum durities. Secta vena est ad uncias V. Nullum noctu levamen. Neque mens rediit.

Mane

Mane ficca lingua, tenaci flavescente muco obducta.

Hypocondrii sinistri minor durities atque dolor. Et dextrum quoque tumidum, dolensque.

Alvus nulla. Vrina cum sedimento mucofo.

Pulsus plenus, fortis, vibrans, durus.

Calor urens. Oculi minus rubentes.

Sanguis e vena missus crustam rheumaticam exhibuit.

Venae sectio unc. V.

Decoctum salap. cum succo citri.

26 — 27. Jun.

Plena mentis absentia, status quasi femiapoplecticus. Respiratio anxiosa,
et

et difficilis. Dolens utrumque hypocondrium, atque tensum, alvus pertinaciter clausa, et parcae urinae.

Propinabatur olei ricini uncia dimidia cum succo citri. Atque hircines applicabantur, quo facto sinistra parotis tumere incepit, cum exiguo aegrae levamine.

A meridie alvus copiosa ponebatur.

Sera vespere maior iterum pulsuum durities. Scarificatione ad nucham instituta sanguinis unc. VI educatae. Magna proxima nocte inquietudo et iactitatio. Sopor assiduus. Alvus bis mota, copiosissima. Abdomen collapsum. Parotis summe intumuit, dura, tensa.

Pulsus non multum ab hesternae duritie recessit.

Emol-

Emollientia interna continuabantur, et externe parotidi dolenti applicata.

28. *Iun.*

Noctu clamores et iactitatio. Eadem nocte et in altero latere parotis intumuit, absque ullo levamine. Coma vigil. Abdomen tumidulum.

Alvus enemate sollicitata, copiosa.

Scarificatio ad nucham. Cataplasma emolliens utrique parotidi circumvolutum.

29. *Iun.*

Ad initium 29 Iunii, morbi die 17. aegra defuncta est.

Sectio Cadaveris.

Magna feri copia intra integumenta communia, et musculum crotaphitem.

Intra

Intra meninges et ventriculos magna feri copia.

In utraque parotide inchoans suppuratio, ita ut hinc inde vesiculae pure plene repertae sint.

Pulmo uterque inflammatus, inflammatione tamen non dirissima.

Magna hepatis moles. Gibba pars inflammata. Vesicula fellea multum bile virescente distenta.

In intestinis tenuibus plagae hinc inde subinflammatae.

Epicrisis.

Febri huic, quam synochum imputrem admixta aliqua biliosa labe in initio recte dixeris, topica brevi et thoracis, et viscerum abdominalium inflammatio accessit. Validus in initio

tio humorum ad encephalum raptus ex vultuosa facie et rubentibus oculis apparebat. Maiori mox impetu humores ad superiora ferebantur, visceribus abdominalibus spasmō affectis, ut parcae urinae fluerent, et pertinax esset alvi stricture. Non levem in hoc rerum statu operam tulit oleum ricini americani, alvum, quae ecoprocticorum stimulum haud tulisset, blande aperiens. At inconstans levamen humorum vi ad parotides appulsa, et tristem morbi exitum accelerante. Raro enim contingit, ut ea crisis fausta sit, magno mox et constanti aegri levamine subsecuto. Frequentius imperfecta crisis per parotides, quae longo tantum tempore discutuntur, aut suppuratione terminantur. At plerumque, praesertim si in utroque latere parotis oriatur, mors certa instat. Mole enim et magnitudine parotidis humores maiori vi ad encephalum ruunt, et premendo apoplexia aegros

aegros interimunt. Subinde aegri suffocati pereunt, compressis a parotidum volumine respirationis viis. Accedit, quod ab eadem causa reditus sanguinis ex capite prohibeatur. Nonnunquam, magna humorum pravitate parotis subito gangraena corripitur. Non raro etiam is funestus exitus est, ut suppurata parotis ulcus fistulosum immedicabile relinquat.

VI.

*Commendatio**Olei Ricini Americani in colica
Pictorum.*

Pertinax alvi obstructio, et intestinorum a saturnino stimulo cruciatus dira sunt huius colicae symptomata non nisi emollientissimis remediis tollenda. Eminent inter haec olea recenter expressa, quae lubricando spasmodicas nervorum turbas sedant. Oleum praecipue Ricini americani id habet proprium, ut simul et emolliat, et mitissimo suo purgante stimulo leniter alvum ducat. In tribus aegris, quorum historia subiungitur, remedii huius singularis efficacia

● comprobatur.

Prima morbi historia aegram exhibet enteriticis doloribus saepe, et pertinacissime vexatam. Fracta iam phlogosi, dolor tamen aliqua adhuc
pulsuum

pulsuum durities et alvi morositas persistabant. Orta est tunc suspicio, an saturninus stimulus sublit. Quod iam ab initio ex aegra quaesitum erat, an saturnina tractaverit, idque semper tamen negaverat, nunc iterum querebatur. Tandem facta est, se per plures menses in cubiculo, ubi pigmenta terebantur, et interdium commoratum esse, et noctu etiam decubuisse. Scimus peius affici aegros, si plumbum parce, at repetitis vicibus, idque summo opere in pulverem redactum humano corpori ingeratur. Adhibitum est nunc oleum Ricini, quod per plures dies continuatum naturalem alvo lubricitatem restituit.

Secunda et tertia observatio miores a plumbo colicae sunt, quibus oleum Ricini Americani maximam citamque opem tulit.

Obfer-

Observatio I.

Ancilla 22 annorum mense Augusto elapsi anni 1784 enteritide laborabat, methodo generosa antiphlogistica, utpote quaternis venae sectionibus curata, at non perfecta ab hoc tempore sanitas rediit. Ante quatuor septimanas in eundem morbum incidit, per 14 dies decubuit. Sanata iterum, iterumque imperfecte convaleuit. 24 April febre continua corripitur, cum faevis abdominis doloribus, alvo diarrhaeica, tenesmoidea, atque cruenta. Heri, cum in nosocomium esset delata venae sectio unc. VIII. instituta.

26. April. 3. m. d.

Dolor per caput diffusus. Sapor oris pituitosus. Lingua ficescens.

Levior thoracis oppressio.

Dolor

Dolor per totum abdomen diffusus, in latere dextro maxime per intervalla faeviens, attactus impatientissimus, in thoracem usque protensus, decubitu insuper in utroque latere auctus.

Alvus bis mota, tenesmoidea, faeva inter tormina, non cruenta, at carnis loturae similior. Urinae vix coloratiores cum sedimento mucofo.

Pulsus celerior, at minor, quam praegressa nocte durities.

Color faciei leviter flavescens.

Sanguis heri e vena missus compactus.

Decoctum falap.

Cataplasma emolliens.

Enema emolliens.

27. *April.*

Heri a meridie intensius doluit abdomen. Magna noctu inquietas.

Mane eadem doloris per intervalla intensio in abdomine, thorax tamen liberior.

Lingua circa margines humidior.

Alvus parca absque tenesmo. Urinae fere naturales.

Pulsus celerior, fortis, subdurus, doloris vehementiae haud respondens.

Venae sectio unc. VI.

Emollientium continuatio.

28. *April.*

Nox parum tranquilla. Lingua albida, leviter flavescens in medio.

Eodem

Eadem fere doloris in abdomine
vehementia.

Alvus etiam ab enemate haud mota.

Minor et celeritas et durities pul-
suum.

Sanguis e vena missus crusta phlo-
gistica contracta tectus.

Emollientia continuantur.

29. *April.*

Mitior paulo abdominis dolor, per
vices intensior. Alvus, licet enema-
te sollicitata, non mota.

Pulsus naturali fere celeritate, at
plenior, subdurus.

Venae sectio unc. V.

Emollientia continuantur.

Vesicans ad nucham.

30. *April.*

Dolor minus intensus. Eadem pulsuum conditio. Alvus nulla. Sanguis e vena missus crusta pleuritica tectus.

Solutio Mannae unc. ij. β . in
emulsi Librar : ij.

Emollientium continuatio.

5. *Maii.*

Heri a meridie dolor abdominis intensior, ut mannae usus interdiceretur.

Noctu maior pulsuum durities. Secta vena est, unc. VIII.

Leve noctu levamen. Alvus semel movebatur, parca.

Dolor abdominis acutus, per vices tamen remissior, atque thoracis latera

ra minus vexans. Urinae cum sedimento mucofo.

Pulfus naturali celerior, fortis, fubdurus.

Sanguis e vena miffus initiantem cruftam exhibuit.

Vfus emollientium continuatur.

2 — 3. *Mai.*

Noctu rudiozem attactum abdomen bene tulit, mane iterum impatientius.

Alvus bis mota, parciffima. Aliqua adhuc pulfum durities.

Idem fere fequenti die morbi ftatus. Alvus tamen nulla.

Eadem continuata.

4. *Mai.*

4. *Maii.*

Aliqua doloris remissio. Alvus
nulla. Modica pulsuum durities.

Oleum ricini : ter de die unc.
dimidia iusculo dilut.
Potus emolliens.

5 — 15. *Maii.*

Prima die alvus non movebatur,
movebatur at altera binis vicibus.
Continuato olei ricini et potuum
emollientium usu alvus sequentibus
diebus liberrima.

At doloris haud magnum, et in-
constans exstitit levamen; circa ve-
speram plerumque recrudescentis.
Quandoque et thorax vexabatur.
Maior sensim pulsuum, et linguae
etiam mollities.

15. *Maii.*

15. *Maii.*

Dolor abdominis ultimis praecedentibus diebus sensim mitior factus, nunc cessans. At lateris iterum dolor, attactum non ferens. Artuum insuper superiorum vagi dolores. Pulsus naturalis, et soluta alvus.

Sambucina cum spiritu Min-
dereri.

16. *Mai.*

Dolor lateris imminutus. Abdomen vix non indolens. Pulsus naturalis.

Vesicans dolenti lateri: supra vesicans emolliens cataplasma.

Sambucinorum continuatio.

17. *Maii.*

Nox tranquilla. Levior in latere

re dolor. Abdomen vix non indolens. Pulsus sanorum.

Sambucina cum grano uno tartari emetici.

18. *Maii* — 5. *Iunii*.

Rheuma humerum potissimum occupans continuato usu tartari emetici sambucinis iuncto, tandem mitissimus, ut aegra 27. *Maii*, e lecto surgeret. Tartari emetici dein granum dimidium exhibebatur.

At tempestate frigidiori facta proximis diebus dolor et brachii et abdominis ita recrudit, ut 3. *Iunii* vesicans latum intra scapulas poneretur. Granum iterum recrudescentibus doloribus tartari emetici sambucinis addebatur.

5. *Iunii*.

Binis iam diebus vespertina doloris

ris exacerbatio, sine ulla tamen febre; decoctum Salap. iterum exhibitum, et cataplasma abdomini applicatum.

7. Iunii mitior equidem abdominis de die dolor. At in thorace doloris et ardoris sensus. Lingua leviter flavescens. Alvus nulla. Aliqua pulsuum durities. Vena secta est ad uncias V. sanguis incipiente crusta tectus. Vespertina iterum doloris intensio.

Altera die rheumate et pulmones, et dextrum iterum latus pertinaciter occupante vesicans nuchae applicabatur. Alvus per 4 dies clausa tandem copiosa ponebatur cum magno levamine. At dolores non penitus subacti, modo in brachium, modo in latera thoracis, aut in abdomen, subinde in omnes eas partes simul incubuit. Tartarus emeticus iterum sambucinis iungebatur, et 22. Iunii vesicans nuchae

chae applicatum fluxu seroso per tri-
dum continuato. His remediis do-
lores sensim mitissimi, ut aegra iterum
obambulare.

3. Iunii.

Circa meridiem subita magnaue
thoracis oppressio, et acutus dolor,
profundiori inspiratione auctus. Ve-
na iterum secta est ad uncias VII.
Vesicans iterum nuchae applicatum,
et decoctum Salap. exhibebatur tepi-
de. Tertia iam die liberior respira-
tio, et valde mirefcens dolor. Sub
continuato potuum emollientium usu
omnes tandem pertinacissimi huius
rheumatis reliquiae penitus everfae,
et aegra 15. Iulii 82 morbi die sana
discessit.

Observatio II.

Figulus 33 annorum per novem menses plumbata tractans, abhinc duobus mensibus de assidua daedolatione, et artuum quadam rigiditate conqueritur. Ante 4 dies febre continua corripitur, accessit altera die dolor abdominis, tertia die versus vespere aeruginosa vomuit, dolor intensior, et alvus pertinaciter clausa.

14. Jun. 4. m. d.

Caput grave. Sapor pituitosus, lingua albida. Dolor per totum abdomen diffusus, rudiori tactu modice auctus.

Alvus noctu semel ab enemate mota. Urinae intense flavae.

Pulsus naturali celeritate, plenus, fortis, durus chordae ferreae ad instar.

Cata-

Cataplasma emolliens.

Potus antiphlogisticus emolliens.

Olei ricini bis de die unc. dimidia.

15. *Iun.*

Nox inquieta. Versus auroram mitior paulo dolor. Lingua albida. Aliquoties biliosa vomuit.

Abdomen attactus minus impatiens. Alvus semel ab enemate sollicitata. Urinae biliosae sine contentis.

Pulsus plenus, fortis, durus.

Eadem continuantur.

16. *Jul.*

Nulla doloris mitigatio. Vagitantium dolores. Rarior vomitus.
Alvus

Alvus ab enemate bis mota. Minor
pulsuum durities.

Ter de die unc. dimidia olei
ricini

Potus emolliens, antiphlo-
gisticus.

17. *Iunii.*

Maior noctu quies. Aliqua dolo-
ris mitigatio. Alvus nulla. Vomi-
tus nullus.

Eadem continuantur.

18. *Iunii.*

Iterum vomuit biliosa. Dolor re-
missior. Alvus nunc etiam nulla.
Vrinae biliosae.

Emollientia et oleum con-
tinuantur.

19. *Iun.*

19. *Iun.*

Ingens foecum copia deiecta. Semel heri biliosa vomuit. Abdomen leviter dolens. Maior pulsuum molities.

Eadem fere altera die aegri conditio.

Eadem continuantur.

21. *Iun.*

Manifestus sub profundiori inspiratione oppressio et doloris sensus. Tussis pectoralis, sputa puriformia, duriorque iterum pulsus.

Lingua albescens, sapor oris pituitosus.

Alvus quater sponte mota, copiosa. Urinae intense flavae.

Abdo-

Abdomen molle, indolens.

Venae sectio unc. VIII.

Potus emolliens, tepidus.

Vfus olei ricini non continuatur.

22. *Iun.*

Levior et oppressio, et dolor. Pulsus mollior, naturali celeritate. Sanguis e venâ missus compactus.

Vrinae intense coloratae. Alvus bis mota, spontanea.

Emollientia continuantur.

23 — 25. *Iun.*

Plena thoracis libertas. Aequalis inspiratio. Vrinae minus coloratae, libera alvus. Pulsuum naturalis conditio.

Elapso biduo aeger sanus discessit.

Obser-

Observatio III.

Ancilla 18 annorum per novem menses apud pictorem terendis pigmentis inserviens ante 3 circiter menses vagis artuum doloribus vexari cepit. Ante 10 dies febre continua corripitur; accessit vomitus frequens, colicus dolor, et alvi morositas.

20. Jun. 10. m. d.

Cephalalgia, dolor per frontem ad utramque genam diffusus.

Lingua albida. Oris amaror. Hec primum vomitus cessavit.

Affidua, at levior thoracis oppressio, rara tussis.

Dolor per abdomen diffusus, versus dextrum hypocondrium magis acutus, attactu externo, et decubitu in sinistro latere auctus.

Alvus

Alvus ab aliquot diebus constipata. Urinae coloratiores cum sedimento mucoso.

Pulsus vix celerior, fortis cum aliqua durtie.

Venae sectio unc. VIII.

Cataplasma emolliens.

Potus emolliens tepidus.

21. *Iun.*

Nox tranquilla. Sapor oris pituitosus, albescens lingua. Levior thoracis oppressio. Dolorum in abdomine nulla mitigatio. Alvus pertinaciter clausa.

Pulsus plenus, fortis, vibrans.

Sanguis e vena missus crusta pleuritica tectus.

Continuantur emollient.

22. *Iun.*

Versus auroram aucta dolorum
 faevities. Alvus nulla. Aliqua pul-
 suum mollities.

Venae sectio unc. V.

Oleum ricini: ter de die
 uncia dimidia.


Emollientium continuatio.

23. *Iun.*

Heri circa vesperam alvus per 11
 dies pertinaciter clausa, sponte mota,
 stercorea, copiosa, noctu etiam bis
 posita. Insigne levamen. Mane do-
 lor plurimum mitigatus rudiores etiam
 attactus ferens. Urinae biliosae.
 Molliores pulsus. Sanguis e vena
 missus crustam iterum pleuriticam ex-
 hibuit.

Solo

Solo nunc emollientium usu continuato, misso ricini oleo, aegra intra paucos dies convaluit, et 28. Iunii morbi die 17. dimissa.



OBSERVATIONES

M E D I C A E

V A R I I A R G V M E N T I.

EDIDIT


IOSEPHVS EYEREL.

S T L L O G E . V.

VIENNAE ET LIPSIAE,

APVD GEORG PHILIPP WUCHERER.

MDCCLXXXVI.



I.

*Febris pituitosa febris inflammatoriae
succedens.*

Non infrequenter accidere, ut in eodem morbo febris febris succedat, in tertia harum observationum Sylloge p. 49 adnotavi. Ab eo tempore plures observare casus licuit februm inflammatoriarum in pituitosas tandem febres desinentium. Prima utique in his febribus inflammationis ratio habenda est, cavendum tamen, ne nimis faciles simus in mittendo sanguine, ut natura longo per se morbo ferendo par sit.

Observatio I.

Iuencula 17 annorum ante 14 dies prima vice catamenia experta est. Die 16 Aprilis Dominica paschatis et carnes et ova, ingurgitata simul cerevisia, devoravit. Altera die febre continua corripitur cum insigni lumborum et praecordiorum dolore. Primis mox diebus purgans fumsit, unde alvus quotidie 5 — 6 mota.

27. April. 11. m. d.

Cephalalgia, lingua arida, fissa.

Nullum profundioris inspirationis impedimentum. Dolor ad scrobiculum cordis assiduus.

Abdomen in regione hepatis acute dolens, tensumque.

Alvus

Alvus quinquies mota, aquosa.
Vrinae brevi iumentosae factae cum
sedimento bilioso.

Pulsus naturali multo celerior,
subdurus.

Terreus faciei color, genis alter-
ne rubentibus. Cutis inperspirabilis.

Decoctum hordei cum roob
ribesiorum, et syropo aci-
tosi: citri.

Cataplasma emolliens lateri
dolenti applicatum.

28. April.

Nox insomnis. Capitis dolor, lin-
gua albida mucosa. Tussis frequens
ab irritamento circa praecordia. Do-
lor in hepatis regione evanuit.

Alvus diarrhaeica octies mota.
Vrina coloratior absque sedimento.

Pul-

Pulsus celer sine duritie. Cutis
strigosa.

Decoctum salap.

29. April — 4. Maii.

Affidua sequentibus diebus tussicula, et cutis ficcitas. Diarrhaeica, non tamen profusa alvus. Urinae paulo coloratiores, decrescens pulsuum celeritas. Eadem continuata remedia.

At 2 Maii mite incescit delirium. Pulsus plenus fortis. Perstabat hoc delirium tota die; sera vespera maior pulsuum durities, ut sanguinis unciae VIII e vena mitterentur. Alvus interdiu in lectum posita.

Mane plena animi praesentia adfuit, iustumque pulsuum moderamen. Urinae fere naturales, alvus 5 mota.
San-

7

Sanguis e vena missus compactus,
Tussicula. Sicca cutis.

Emollientium continuatio.

4. *Maii.*

Tussis frequens catarrhosa, cutis
imperspirabilis. Hinc inde deciduae
cutis squamulae.

Alvus parcior, urinae naturales
cum sedimento mucoso. Pulsus natu-
rali modice celerior.

Sambucina cum spiritu Min-
dereri.

Cataplasma emolliens abdo-
mini et thoraci applica-
tum.

5. *Maii, 19. m. d.*

Alvus 7 mota, atque ut praegres-
sis diebus in lectum maximam partem
posita.

Pul-

Pulsus celerior, mollis, ad debilem accedens. Faciei pallor.

Corticis peruviani drachmae
VI. cum rad. alth. unc. I.
et dimidia decoct.

6 — 8. *Maii.*

Sexta Maii mitissimum delirium, altera die omnino nullum. Rarior tussicula. Urinae naturales cum paucio sedimento mucofo imperfecte deposito. Pulsuum debilitas. Cutis sicca.

Eadem continuata.

8. *Maii.*

Maxima noctu tranquillitas. Tussis frequens catarrhosa. Cutis sicca.

Alvus noctu bis mota, consistens. Urinae turbidae. Cuticula hinc inde instar furfurum secedens. Pulsus modice celerior.

Cortex

Cortex peruvianus emollientibus iunctus.

9 — 30. *Maii.*

Continuato horum remediorum connubio alvus continuo lubrica et assidua cutis desquamatio; pulsum vigor et appetitus sensim rediere. Tandem solum decoctum corticis exhibebatur, eoque continuato cura ad finem perducta.

Obfer-

Observatio II.

Textor 22 annorum ultima Aprilis vino largius indulgit. Sera vespere febre continua corripitur, praecordiis admodum dolentibus, cum vertigine et amarore oris. Nona morbi die vena secta est; modicum inde levamen.

II. Maii, II. m. d.

Minor capitis temulentia, osque minus amarum. Lingua albida flavescens.

Nulla thoracis oppressio. Tussis rara visceralis. Sputa mucosa.

Dolor auctus in tota regione epigastrica, circa hepar imprimis, tussi et attactu auctus.

Alvus ter mota, urinae paulo coloratiores.

Pul.

Pulsus acceleratus, plenus, vibrans.

Color faciei et oculorum dilutissime flavescens.

Venae sectio unc. VII.

Decoct. hordei cum nitro.

12. *Mai.*

Mitior noctu calor. Tussis frequens, visceralis. Sputa biliosa.

Minor abdominis dolor, rudiorum attactum ferens. Minor et celeritas et durities pulsuum. Sanguis e vena missus crusta tectus. Flavescens serum.

Alvus ter mota, urina fere naturalis.

Mixtura salina.

13 — 14. *Maii.*

Levior omni die dolor. Naturalis

lis pulsuum conditio. Accessit furditas. Alvus soluta. Tussicula.

Eadem continuata.

15. *Maii.*

Maior noctu incalescentia et vexans tussicula. Mane miliaria in abdomine apparuere.

Os amarum. Lingua albida flavescens, tenaci glutine obducta. Sputa pendula, glutinosa. Doloris in regione hepatis reliquiae.

Pulsus modice celerior.

Alvus quater mota, pultacea.

Sambucina.

16. *Maii.*

Copiosa miliaria. Rarior tussis. Sputa pendula, glutinosa. Lingua cir-

ca

ca margines albida. Levis ad cardiam dolor. Minor auditus difficultas. Alvus quater mota, pultacea. Naturalis pulsuum celeritas, cutis perspirabilis.

Eadem continuantur.

17. *Maii.*

Confertissima in thorace et abdomine miliaria. Tussicula. Dolor ad cardiam vix ullus. Naturalis urinarum et pulsuum conditio. Continuatis sambucinis aeger intra 14 dies sanatus e nosocomio discessit.

Obser.

Observatio III.

Ancilla 22 annorum 23. Iunii, cum frigidam affatim haussisset, vesperi febre corripitur, cum sensu oppressio- nis ad cardiam. Altera die, febre perstante, purgans sumpsit, hausta posthac cerevisia, qua vis purgans acueretur. Alvus ab eo tempore diarrhaeica. Quinta morbi die ab emetico assumpto quinquies vomuit, modico inde subsecuto levamine.

30. Iulii, 8. m. d.

Cephalalgia, sapor oris pituitosus. Lingua albida, modice flavescens.

Nulla thoracis oppressio, at frequens catarrhoforum tussicula. Sputa mucosa. Levior ad cardiam dolor.

Vrinae fere naturales, cum sedimento mucoso imperfecte deposito; alvus 8 mota.

Pul-

Pulsuum modica acceleratio, aliqua tamen durities et vibratio.

Sambucina.

1. *Iulii.*

Rarior tussis, Sputa glutinosa. Alvus quater mota. Pulsus naturali vix celerior.

Mixtura salina.

2 — 6. *Iulii.*

Febricula. Urinae breviter iumentosae factae, cum sedimento lateritio, copioso. Sputa pituitosa largiter affluunt cum magno aegrae levamine. Frequens tussis. Alvus soluta.

Eadem continuata,

6. *Iulii.*

Quinta Iulii sera vespera miliaria in abdomine prorupere. Frequens spu-

sputatio pituitae. Alvus semel mota, urina cum sedimento mucoso. Pulsus ferme sanorum.

Eadem remedia.

7. *Iulii.*

Largus noctu sudor. Tussis rarior. Lingua alba, flavescent. Sputa copiosa, glutinosa. Alvus semel mota. Copiosa miliaria. Ob alvum morosiores maior salis medii dosis exhibita.

8 — 14. *Iulii.*

Largae his diebus nocturnae sudatiunculae. Lingua albida. Frequens, copiosa glutinosae materiae sputatio. Alvus debite soluta. Urinae lateritiae. Febricula tenuissima. Miliaria abdomen obsidentia.

Sambucina cum spiritu Min-
dereri.

14 — 24. *Iulii.*

Fatisciente sensim febricula afflu-
xu glutinosae materiae imminuto, et
tenuiori, miliaribus disparentibus, et
desquamari incipiente cuticula, de-
coctum corticis peruviani exhibeba-
tur, sub cuius usu continuato aegra
sanata 24. Iulii discessit, m. d. 32.

Observatio IV.

Iuvenula 15 annorum, catamenia nondum experta, 25. Iunii febricula corripitur assidua, cum artuum daedolatione, ore amariuscule, inappetentia, et fixo in regione lienis dolore. Continuo fere obambulabat agenda perficiens. Ab assumptis domi suae pillulis 11. m. d. bis vomuit, 18. alvum deiecit, unde dolor intensior reddebatur, et alvus diarrhaeica perstabat.

11. Iul. 17. m. d.

Lingua alba, levissime flavescens.
Os minus amarum.

Abdomen in regione lienis tumidulum, modice dolens.

Alvus sexties mota. Urinae paulo coloratiores naturalibus.

Pulsus

Pulsus modice celerior, duriusculus.

Copiosa per totum abdomen miliaria. Pallescens facies. Artuum daedolatio.

Decoctum falap.

Cataplasma emolliens.

12. *Iulii.*

Noctu maior incalescentia, et largus sudor. Miliaria vix non omnia disparuere. Dolor in hypocondrio sinistro mitior. Tenuissima febris.

Alvus 7 mota, cutis perspirabilis.

Decoctum falap.

13. *Iulii.*

Nox placide peracta. Vix ullus in hypocondrio sinistro dolor. Pul-

fus ferme naturalis. Decidua hinc inde furfurum specie-cuticula.

Alvus 2 mota. Lingua alba.

Sambucina cum nitro.

14. *Iulii.*

Noctu copiosa iterum miliaria prorupere largos inter sudores pectus potissimum obfidentia. Abdomen molle, indolens. Naturalis pulsuum conditio. Alvus 4 mota. Cutis perspirabilis.

Eodem sambucino remedio continuo aegra sensim convaluit, et 28. Iulii morbi die 34. e nosocomio discessit.

II.

Peripneumonia cum febre bilioso-putrida complicata lethalis.

Ianitor 74 annorum, quondam miles, sanissimus semper, ante 18 circiter dies febre continua corripitur, cum aurium tinnitu, incalescentia magna, oris amarore, siti valida, daedolatione, dolore lateris sinistri punctorio, et alvo hucusque diarrhaeica. Quarta morbi die a vena secta dolor lateris sublatus.

22. Maii, 18. m. d.

Caput grave, susurus aurium.

Os amarescens. Lingua flaves-cens, intermixta albedine, hirsuta. Nulla thoracis oppressio. Levior dextri hypocondrii tensio.

Alvus 2 mota. Vrina coloratior.

Pul-

Pulsus acceleratus, plenus, cum aliqua duritie.

Color oculorum et faciei, circa labia et nares praesertim, dilutissime flavescens. Genarum rubor.

Mixtura falina cum roob ribesiorum.

23. *Maii.*

Maior capitis temulentia, et aurium fusurrus. Lingua hirsuta, albidoflavescens. Os amarum.

Abdomen infarctum. Alvus bis mota, parca. Urinae iumentosae, sedimento mox bilioso deposito. Naturalis fere pulsuum celeritas.

Eadem continuantur.

24. *Maii.*

Minor abdominis infarctus. Alvus bis mota, copiosa, stercorea. Urinae

nae iumentosae, cum sedimento bilioso imperfecte deposito.

Lingua alba, flavescens, tenaci glutine obducta. Pulsus naturalis.

Eadem remedia.

25. *Maii.*

Minor capitis temulentia. Lingua minus hirsuta. Abdominis infarctus. Alvus 2 mota. Vrina coloratior. Eadem conditio.

Solutio Mannae cum sale mirab. Gl. et cremore tart.

26. *Maii.*

Alvum quinquies posuit, minor abdominis infarctus. Vrinae brevi iumentosae factae cum sedimento lateritio. Pulsus modice acceleratus, ad debilem accedens. Magna caeteroquin animi indifferentia.

De-

Decoctum corticis peruviani
cum oxymelle.

27. *Maii.*

Alvus 2 mota. Eadem fere reli-
quorum conditio.

Mixtura salina ufui decoct.
cort. interpolata.

28. *Maii.*

Maior paulo pulsuum vigor. Al-
vus bis posita. Urinae biliosae. In-
differens animus. Lingua impura,
flava.

Eadem continuantur.

29. *Maii.*

Heri per totam fere diem magna
virium vitalium prostratio. Nox in-
ter deliria transacta.

Lingua

Lingua arrida, circa margines flavo glutine, tenaci, ductili, obducta. Pulsum debilitas. Abdomen turgidum. Alvus ab enemate ter mota. Delirium per vices mullitans. Coma. Tendinum subsultus.

Cortic. peruv. unc. una et dimidia, cum uncia dimidia fl. arnicae, decoct.

Latum vesicans intra scapulas.

30. Maii — 1. Iun.

Sub usu corticis peruviani floribus arnicae iuncti, et vires erigebantur, et gluten illud tenas os atque fauces obsidens incidebatur. Sopor tamen assiduus, et taciturna deliria. Alvus soluta, spontanea. 31. Maii accessit praecedo, et frequens tussis.

1. Iunii.

Maior animi praesentia. Oppressio

fio thoracis, tussis frequens, sputa crocea. Pulsus plenus, durus.

Alvus semel ab enemate mota.
Vrinae biliosae. Abdomen tumidulum.

Radix altheae unc. una et
dimidia cum unc. una fl.
arnicae decoct.

2. Iunii.

Minor thoracis oppressio. Tussis
rarior, sputa nulla; mollior pulsus.

Abdomen tumens, alvus ter posita. Vrina biliosa.

Lingua glutine minus tenaci obducta.

Cortex peruv. cum fl. arnicae.

3. Iunii.

Crebra noctu tussis. Abdomen
ten-

tensum. Alvus bis mota. Vrina copiosa, fere naturalis. Pulsus debite plenus. Sopor assiduus.

Eadem, addito rad. alth.

4. Iunii.

Maior thoracis oppressio. Frequens tussis, sputa nulla. Sudor universalis. A meridie accessit respiratio stertorosa, et aeger sera vespera periit.

Sectio cadaveris.

Thorace aperto pulmones pleurae firmiter adnexi apparuere, dexter praecipue.

Dexter pulmo crude, sinister leviter inflammatus.

In utroque thoracis cavo quatuor feri flavescantis librae contentae.

In

In cordis utroque ventriculo magna copia lymphae coagulabilis poly-
pi figuram effingens.

In intestinis, et in vesica quoque
urinaria sanguinis hinc inde suffusio.

Epicrisis.

Synochus fuerat in initio impu-
tris, biliosa tamen aspersa labe, quam
ex urina, linguae conditione, ore ama-
ro et anni epidemica constitutione col-
ligere licuit. At neglectus per octo-
decim dies morbus, et provector
aetas virium vitalium ruinam accele-
rabant, adeo, ut fractum corpus, ac-
cedente inflammatorio stimulo pulmo-
nes obsidente, morbo ferendo impar
fuerit.

III.

Exanthema urticatum.

Rarius occurrit inter exanthematicos morbos urticatum exanthema, ut vel ideo binos casus adnotari mereantur, quorum alter febrim urticato exanthemate iudicatam, et huius ipsius exanthematis non obscuram cum miliaribus affinitatem, utpote eodem catarrhoformi tussicula praenuntia, exhibet: alter autem casus febris est continuae remittentis, in qua cuti scarlatina continuo suffusae, urticatum inter febriles circuitus exanthema iungebatur, inter sudores iterum disparsens. Iusto febris principis, in utroque casu, moderamine, fatisciente febre exanthemata quoque disparuere.

Observatio I.

Puer 9 annorum 21 Martii febre continua corripitur, cum daedolatione artuum inferiorum, oppressione thoracis, abdominis doloribus assiduus, et diarrhaeica alvo. Die morbi octava in nosocomium magnum susceptus est. Secta est vena.

29. Martii, 9. m. d.

Caput vertiginosum. Os amarum. Lingua albido-flavescent.

Oppressio thoracis. Thorax sub profundiori inspiratione inaequaliter elevatus, inferiori sinistri thoracis parte introrsum tracto, et ferius elevato. Tussis pectoralis; irritamentum sub medio sternum. Os amarum. Lingua albido-flavescent.

Abdominis dolor assiduus, diffusus, attactum externo auctus. Genuum

num dolor rheumaticus, vage etiam
artuum dolores.

Pulsus acceleratus, fortis, durus,
vibrans. Calor magnus fere urens.

Vrinae biliosae absque contentis.
Alvus ter posita. Petechiae in pec-
tore lenticulares.

Venae sectio unc. VIII.
Cataplasma emolliens.
Decoctum salap.

30. *Martii.*

Vix ulla thoracis oppressio. In-
spiratio adhuc inaequalis, liberior ta-
men sinistri thoracis elevatio. Tuss-
ficula frequens. Sputa mucosa.

Arctiores doloris in abdomine li-
mites. Nulli artuum dolores. Pul-
sum eadem celeritas, minor tamen
duri-

durities. Sanguis e vena missus crassa phlogistica tectus.

Emollientia continuantur.

31. *Martii.*

Tussis frequens, pectoralis. Mitior abdominis dolor, at maior pulsuum celeritas, et durities.

Vrinae fere naturalis, alvus semel mota.

Venae sectio unc. VI.
Potus antiphlogisticus.

1 — 3. *April.*

Mitescens sensim abdominis dolor, rudiores tandem actum ferens. Tussicula gutturalis. Pulsuum celeritas, minor tamen vibratio.

Alvus sexies mota copiosa.

Idem

Idem fere fequenti biduo morbi status, eademque adhibita emollientia remedia.

4. *April.*

Vix ullae doloris in abdomine requiae. Tussicula frequentior. Pulsus minus celer.

Alvus bis mota. Vrinae sanorum.
Eadem remedia.

5. *April.*

Noctu in brachio dextro urticatum exanthema prorupuit. Rarior nunc tussis, mollesque pulsus. Abdomen indolens.

Alvus ter mota.

6. *April.* Exanthema urticatum disparuit. 7. *April.* aeger apyretos, solo usu largo potuum emollientium tepidorum continuato aeger 16. *April.* m. d. 26. sanus e nosocomio discessit.

Syll. V.

C

Obfer-

Observatio II.

Laniarius 32 annorum 18. Iulii
 mox ab esu raphani friguit, incaluit,
 prorumpente sub incalescentia in cru-
 ribus et pectore tuberculoso, ut dice-
 bat, exanthemate. Altera die nulla
 febris, at oppressio sensus circa
 praecordia. 20. Iulii frigore iterum
 corripitur, calore tamen nullo subse-
 quo. Bis ea die biliosa vomuit, cum
 aliquo levamine.

21. Iulii, 4. m. d.

Lingua alba levissime flavescens.
 Os minus amarefcens. Oppressio cir-
 ca praecordia. Urinae biliosae, al-
 vus semel mota. Color corporis et
 faciei flavescens. Scarlatinofum in
 facie et pectore exanthema. Pulsus
 paulo celerior cum aliqua durtie.

Mixtura salina.

22. *Iulii.*

Quinta matutina manifesta exacerbatio. Durante incalescentia urticatum quoque exanthema scarlatinoso iungebatur, thoracem et crura obfidens, inter sudores iterum disparsens.

Eadem remedia.

23. *Iulii.*

Alvus octies posita. Urinae coloratiores. Pulsus naturali celeritate, plenus, fortis. Abdomen molle, indolens. Dilutior scarlatina.

Decoctum solvens cum sale mirab. Gl.

24. *Iulii.*

Rediit circa septimam matutinam paroxysmus, praecedente mitior. Urticatum iterum exanthema apparuit.

25. Iulii aeger apyretos.

26. Iulii levissima exacerbatio.
Nullum exanthema urticatum.

27. Iulii. Alvus 6 mota. Pulsus
fanorum. Vix ulla scarlatinae ve-
stigia.

28. Iulii. Nulla exacerbatio re-
diit. Alvus quinquies mota. Lin-
gua levissime albida. Continuato de-
cocti solventis usu aeger 29. Iulii 12.
m. d. sanus discessit.

IV.

*Inflammatoria viscerum affectio cum
labe biliosa.**Observatio I.*

Scriniarius 31 annorum a quatuordecim circiter diebus de vertigine per vices accedente conqueſtus eſt. 12. Maii febre continua corripitur, accedente dolore lateris finiſtri punctorio. Eadem die bilem vomuit cum multa pituita.

15. Maii, 4. m. d.

Dolor lateris finiſtri aſſiduus a ſiniſtra mamma ad ultimam uſque coſtam ſpuriam diffuſus, tuſſi, inſpiratione et externo attactu auctus. Tuſſis rara, ſputa nulla. Puſſus celer, fortis, plenus, durus, vibranſque.

Lingua

Lingua albida, modice flavescens.
Os insipidum.

Abdomen indolens. Urinae paulo coloratiores absque contentis. Alvus semel posita, pultacea.

Color corporis dilute flavescens.
Calor naturali paulo maior.

Artuum inferiorum, et brachii potissimum dextri vagi dolores.

Secta vena est domi, tertia morbi diè, eaque cum in nosocomium magnum aeger deportaretur, repetita. Insigne inde levamen obtentum.

Venae sectio unc. VIII.
Potus emoll. nitros. tepid.

16. Maii.

Multa noctu inquietus. Dolor lateris angustioribus terminis circumscriptus,

scriptus, mitiorque. Oppressionis in medio thorace sensus, media sinistri thoracis parte, cum profunde spiritus duceretur, minus alte elevata.

Pulsus naturali parum celerior, vibrans, subdurus. In sanguinee venae misso crusta rheumatica.

Artuum praesertim inferiorum dolores vagi attactus externi impatientes.

Alvus semel mota, scybalosa. Urinae nebulosae. Corpus dilute flavescens.

Emollientia.

17. Maii.

Mitia hac etiam nocte phantasmata.

Dolor

Dolor lateris plurimum mitigatus.
 Inspiratio profunda liberior, nondum
 omni modo aequalis. Modica pul-
 suum celeritas, durities nulla.

Vrinae nebulosae. Alvus semel
 posita.

Capitis stupor, lingua albido fla-
 vescens. Dilutior corporis flavedo.

Mixtura salina cum roob ri-
 befiorum.

18. *Maii.*

Noctu somnus.

Mitis lateris dolor. Minor tho-
 racis oppressio, et profunda inspira-
 tio aequalior. Tussis pectoralis. Spu-
 ta quaedam sanguine striata. Pulsus
 sanorum.

Alvus

Alvus ab enemate semel mota, copiosa. Vrinae coloratiores.

Caput minus stupidum. Lingua minus albida, mollior.

Corpus dilutissime flavescens.

Mixtura salina.

19. *Maii.*

Thorax liberior, mitescens lateris dolor. Sputa mucosa paucio sanguine tincta. Tussis rara. Pulsus naturalis. Lingua levissime albicans.

Alvus ter mota, copiosa, scybalosa.

Idem remedium.

20 — 28. *Maii.*

Intra biduum dolor omnis continet, et plena thoracis libertas est restituta. Sputa tandem mere mucosa.

Pul-

Pulsus naturalis. Alvus bis mota.

Continuato cremoris tartari et roob ribesiorum usu aeger sensim convaluit, et 28. Maii morbi die 17. e nosocomio discessit.

Observatio II.

Operarius 30 annorum die 13. Iulii in febrim continuam incidit eum daedolatione, oris amaro, et alvo diarrhaeica 7 — 10 intra 24 horas. Quarta morbi die biliosus vomitus. Mixtura utebatur salina.

25. Iulii, 13. m. d.

Dolor in regione ventriculi assiduus ab attactu auctus. Pulsus celerior, subdurus.

Caput temulentum, os amarum. Lingua albido-flavescens.

Alvus

Alvus 9 mota, urinae biliosae.

Cataplasma emolliens.

Decoctum salap.

26. *Iulii.*

Dolor dextrum potissimum hypocondrium occupans. Levis amaror oris. Vrinae minus coloratae, alvus quinquies mota.

Pulsus naturali paulo celerior, at fortior, duriorque.

Venae sectio unc. VIII.

Emollient. continuantur.

27. *Iulii.*

Hypocondrium molle, indolens. Lingua levissime flavescens. Vrinae minus biliosae. Alius quater mota. Naturalis fere pulsuum celeritas, durities nulla.

In sanguine e vena misso inchoans
crusta.

Emollientia.

28. *Iulii.*

Levior hypocondrii dextri intumescencias dolor nullus.

Alvus bis mota, urinae coloratiores.

Pulsus paulo celerior cum aliquo iterum duritie.

Mixtura salina.

29. *Iulii.*

Hypocondrium molle, indolens.
Pulsuum naturalis conditio.

Dilutior urinarum flavedo: alvus bis posita.

Idem

Idem fere fequenti die morbi status.

31. *Iulii.*

Vrinae biliosae cum sedimento lateritio. Alvus ter posita. Tenuis febricula. Lingua albescens.

Solis solventibus lenioribus aeger sensim sine sensu pristinae sanitati restitutus e nosocomio discessit.

Observatio III.

Scriniarius 20 annorum hyeme praeterlapsa enteritide laborabat. Sanatus ad haec usque tempora bene valuit. 13 Maii, cum gravius portasset onus, et aestuante corpore cerevisiam largius ingurgitasset, eadem vespera febre continua corripitur, abdominis insuper doloribus vexatus. Secunda et tertia morbi die biliosa vomuit.

15. *Maii*, 3. *m. d.*

Affiduus in dextro hypocondrio dolor per vices intensior. Reliquum abdomen molle atque indolens. Pulsus naturali celerior, fortis, plenus absque duritie.

Lingua albida, flavescens. Nulla vomituritio.

Intensus facie rubor. Corpus dilutissime flavescens.

Decoctum hordei cum nitro
et oxymelle.

16. *Maii*.

Placidus tota fere noctu somnus. In dextro hypocondrio vix aliquod doloris vestigium. Naturalis pulsuum celeritas.

Lingua albedo-flavescens. Alvus bis mota, copiosa, scybalosa. Urinae
fere

fere naturales. Minor faciei rubor.
Corpus flavescens.

Mixtura falina.

17. *Maii.*

Intra biduum dolor omnis evanuit, et mollities rediit hypocondrio.

19 *Maii* alvus semel posita copiosissima. Pulsus et urinae sanorum. Diluta corporis flavedo.

Continuato solventium usu aeger
25 *Maii* m. d. 13 sanus discessit.

Observatio IV.

Piliarius 23 annorum 27 *Iulii* circa vesperam horruit, incaluitque valida sinistri thoracis oppressio, abdominis et artuum quoque erratici dolores febrim una comitabantur. Sequentibus diebus calor et oppressio thoracis perstabant.

6. *Iul.*

6. Iul. 9. m. d.

Oppressionis in medio thorace, ad
cardiam usque sensus.

Tussis frequens, pectoralis. Spu-
ta mucosa, sanguine hinc inde striata.

Levior ad scrobiculum doloris
sensus.

Pulsus celer, plenus, durus.

Sapor oris pituitosus, lingua albi-
do - flavescens.

Alvus ab aliquot diebus morosior
hac nocte 4 posita. Urinae coloratiores.

Venae sectio unc. VIII.

Decoctum salap.

7. Iul.

Multa noctu ob calorem inquietus.

Minor

Minor thoracis oppressio. Tussis
rara. Sputa pauxillo sanguine tincta.

Abdomen omne molle atque in-
dolens.

Minor pulsuum durities.

In sanguine e vena misso crusta
pleuritica.

Alvus 4 posita. Urinae colora-
tiores.

Lingua albida flavescens, et ama-
ror oris.

Emollientia.

8. *Iulii.*

Modica sub medio sterno oppres-
sio. Profundior inspiratio inaequalis.
Tussis frequens; sanguinis in sputis
striae.

Syll. V.

D

Hypo-

Hypocondria mollia.

Pulsus fere naturali celeritate,
subdurus.

Alvus septies mota. Mucosum
in urina sedimentum.

Os minus amarum; lingua albida
flavescent.

Emollientia.

9. *Iul.*

Liberior in profundiori in spira-
tione thoracis elevatio. Sputa pau-
ca sanguine striata; aliqua pulsuum
vibratio.

10. *Iulii.*

Oppressio nulla; tussis rarior.
Maior inspirationis aequalitas. Sputa
mere mucosa.

Alvus

Alvus bis mota, copiosa, pultacea. Vrinae sanorum. Pulsuum vibratio.

Sapor quoque oris emendatus, albedo-flavesceat lingua.

II. *Iulii.*

Nondum plena inspirationis profundae libertas. Tussis rara, sputa iterum pauca sanguine tincta. Pulsus modice vibrans.

Eorundem emollientium continuatio.

12. *Iul.*

Aliqua iterum inspirationis emendatio accessit. Pauca sanguinis in sputis vestigia. Pulsuum eadem conditio.

Continuato emollientium tepidorum usu intra paucos dies plena inspirationis libertas rediit; sputa tandem merè mucosa prodire, et vibratio pulsuum plane cessavit, ut aeger sanus e nosocomio discederet.

V.

Latens pulmonum inflammatio.

Textor 23 annorum parentes graviter aegrotantes invisebat. Iis ex eodem morbo defunctis, moestus ex itinere Viennam redux adversam praesensit valetudinem. Secunda Iunii febre continua corripitur, cum per biduum ardoris in thorace, et doloris in abdomine sensum per vices esset conquestus. Accessit valida artuum daedolatio. Quinta morbi die ab assumpto emetico quinquies vomuit, alvus quoque quinquies mota; intensior hinc abdominis dolor. 10 Morbi die a sanguinis unc. V missis, et admoto abdomini cataplasmate fractus paulisper morbus est.

12. Iun. 11. m. d.

Lingua albido-flavescent, vomituro.

Sub

Sub profundiori inspiratione, et
tussi levior infimi thoracis dolor, et
facilior in latus dextrum decubitus.

Per totam regionem epigastricam,
maxime tamen in sinistro hypocon-
drio 'dolor attactu externo auctus.

Pulsus acceleratus, durus, vibrans.

Vrinae biliosae cum sedimento
mucofo. Alvus 2 mota.

Color faciei dilutissime flavescens.
Genae rubentes.

Venae sectio unc. VIII.

Cataplasma emolliens.

Potus emolliens, nitrosus,
tepidus.

13. *Iunii.*

Mane biliosam vomuit. Oppressio-
nis ad cardiam sensus. Hypocon-
drium

drium finistrum minus dolens. Eadem pulsum celeritas, minor tamen durities. Alvus ab enemate semel mota. Urinae biliosae cum sedimento imperfecte deposito. Sanguis e vena missus crusta rheumatica tectus.

Emollientia continuantur.

14. Jun.

Heri a meridie biliosa vomuit.

Inspiratio profundior tussi interveniente interrupta: inaequalis, superiori thoracis parte citius, altiusque elevata. Tussis rara. Dolor in regione hepatis fere profligatus, levior in sinistro hypocondrio superstes.

Modica pulsum celeritas, durities aliqua.

Alvus quinquies mota, urinae biliosae. Cutis imperspirabilis.

Venae

Venae sectio unc. VIII.
Emollientium continuatio.

15. *Iun.*

Inspiratio paulo liberior, attamen inaequalis. Tussis rara, eaque pectoralis. Sputa glutinosa, sanguine striata. Levissimus hypocondrii finistri dolor. Pulsus celer, plenus, subdurus. Sanguis e vena missus, crustam rheumaticam exhibuit. Urinae turbidae.

Venae sectio unc. VIII.

16. *Iun.*

Quater heri biliosa vomuit. Noctu largus sudor. Caput stupidum. Lingua intense flavescens, sapor pituitosus.

Thoracis per vices oppressio. Tussis frequens, pectoralis, sputa puriformia.

riformia. Inspiratio profundior tussi intercepta, inaequalis. Regio hepatica rudioris attactus impatiens, sinistrum hypocondrium leviter dolens. Pulsus celer, subdurus, vibrans. In sanguine e vena missio crusta rheumatica. Alvus quater posita, urinae minus biliosae absque contentis. Dilutior corporis flavedo.

Emollientia.

17. *Iun.*

Heri iterum biliosorum vomitus. Lingua albida flavescens.

Affidua thoracis oppressio. Eadem inspirationis inaequalitas, tussis rarior. Sputa sanguine hinc inde striata. Vix ullus in hypocondriis dolor. Pulsus celerior, plenus, subdurus. Sanguinis e vena missi crusta rheumatica.

Alvus

Alvus quater posita, liquida. Vrinae coloratiores.

Venae sectio unc. VI.

Emollientia.

18. *Iun.*

Minor thoracis oppressio. Inspiratio liberior, altior, adhuc tamen inaequalis, et interveniente tussi praepedita. Tussis rarior, sputa puriformia. Hypochondria levissime dolentia. Pulsus modice celerior, subdurus. Sanguis e vena missus crusta tectus.

Alvus ter mota, urinae coloratiores.

Eadem remedia.

19. *Iun.*

Nox inquieta. Magna animi indiffere-

differentia, et tarda ad interrogata responſio. Lingua ficceſcens.

Affidua thoracis oppreſſio. Profunda inſpiratio inaequalis, dextra thoracis parte fere immota. Tuſſis frequens, catarrhoſorum ad inſtar, ſputa quaedam puriformia.

Abdomen molle, indolens. Alvus quater poſita, urinae coloratiores naturalibus.

Naturalis fere pulſuum conditio.

Sambucina cum nitro.

20. *Iun.*

Hefterna vefpera, cum maior eſſet virium lanquor, grana VI camphorae in emulſo data. Noctu ſomnus.

Mane

Mane capitis stupor, lingua glutine obducta. Nulla thoracis oppressio, tussis rara, sputa mucosa.

Abdomen molle, indolens, alvus ter mota infcio aegro in lectum deiecta. Urinae coloratiores.

Pulsus naturali modice celerior.

Emulsum camphoratum

et

Mixtura sambuc. cum spiritu Minder. dr. iij. alternatim.

21. *Iun.*

Maxima animi indifferentia, soporis aemula. Lingua tenaci glutine obducta. Leve respirationis impedimentum. Tussicula. Sputa tenacia in filum ductilia; quaedam puriformia.

nia. Pulsus ferme naturalis. Alvus infcio aegro posita.

Eadem remedia.

22. *Iunii.*

Mitiora noctu phantasmata.

Inspiratio profundior inaequalis, et doloris sub ea sensus. Sputa glutinosa. Pulsus paulo celerior. Alvus iterum aegro infcio deiecta. Vrinae cum sedimento mucoso.

Decoctum salap.

23. *Iun.*

A media nocte maior quies. Mane miliaria in abdomine apparuere. Caput temulentum, responsio tarda. Lingua fissa, arida.

Inspiratio profunda inaequalis, inferiori thoracis parte potius retracta,
quam

quam sursum mota. Levior in hypocondrio dextro durities. Pulsus naturali vix celerior, at subdurus, vibransque.

Alvus quater posita, urinae fere naturales.

Idem remedium.

24. *Iun.*

Tussicula, sputa sanguine tincta, inspiratio inaequalis. Eadem fere reliquorum conditio.

Venae sectio unc. VIII.

Cataplasma emolliens thoraci applicatum.

Decoctum salap.

25. *Iun.*

Impedita adhuc tussi profundior inspiratio, et inaequalis. Tussicula frequens, sputa sanguine tincta. Pulsus

fus celerior, subdurus, fortis. In sanguine e vena misso crusta inchoans. Alvus bis mota.

Emollientia continuantur.

26 — 29. *Iun.*

Non multum his diebus emendata est respiratio. Pauca itidem in sputis sanguinis vestigia. At maior in dies in languor virium vitalium, quas mixtura sambucina, et pauxillo denique camphorae erigere tentabamus.

29. *Iun.*

Ab hesternâ vespera maior observata est inspirationis libertas. Sputa tamen hinc irde crocea, et frequens tussis. At maior nunc virium vitalium ruina.

Rad. salap. drachm. una et
dimidia cum cort. peruv.
unc. I. et dimidia decoct.

30.

30. *Iun.*

Multa noctu inquires. Crebra tussis. Sputa aliqua crocea. Thorax inferior sub profundiori inspiratione fere immobilis. Pulsuum debilitas.

Decoctum salap.

1. *Iul.*

Paulo liberior thoracis elevatio. Tussis frequens. Sputa noctu crocea, nunc glutinosa. Modica pulsuum erectio.

Eadem continuantur.

2 — 9. *Iul.*

Continuo usu cataplasmatidis emollientis, et decocti salap. lente at evidenter secuta est morbi emendatio.

Tussis in dies rarior, sputa puriformia absque striis sanguineis tandem

dem glutinosa, denique mucosa. Profundior sensim et liberior inspiratio, costis latius a se invicem diductis. Rediit pari passu vivacitas animi, et pulsuum vigor, tenuissima tandem superstitite febricula.

9 — 19. *Iul.*

Cum apparens linguae fordities erroris in diaeta comissi suspicionem suppeditaret, aeger per triduum sambucinis cum drachma una salis mirab. Glaub. utebatur. Soluta inde alvo lingua iterum emendata, et naturalis pulsuum celeritas rediit. Solo decocti altheae usu cura ad finem perducta est, et aeger 29 Iulii, 61 m. d. e nosocomio discessit.

Epicripsis.

Longus, atque gravis morbus, quamvis in initio non magna symptomatum atrocitas exstitisset. Pulmo

Syll. V.

E

enim

enim et hepar subdole fuerunt inflammata, magis tamen pulmones. Accessit huic validae pulmonum inflammationi pituitosa simul diathesis cum virium potius languore, quam exorbitantia coniuncta; unde difficilior curandi methodus reddebatur, ne generosis antiphlogisticis maior fieret virium ruina, aut addito stimulo intensior phlogosis pulmones perderet. Et parum abfuit, quin et emollientissima methodo adhibita in suppurationem abiret inflammatio. Haec pulmonum latens inflammatio ex sola fere respirationis et sputorum conditione erat diiudicanda, et illam admodum gravem fuisse vel exinde colligitur, quod a cortice peruviano, quamvis eius roborans vis emollientibus obvolveretur, aeger peius se habuerit.

VI.

Inflammatorius Hepatis infarctus.

Operarius 60 annorum, miles quondam, ab anno, postquam cadens ex alto trabs in caput impingeret, vertiginosus saepe factus, subita praecipue tempestatum mutatione. Ante sex menses ex pleuritide per septem septimanas decubuit. Hucusque sanus.

Praegressa per aliquot dies cephalalgia, ultima Iun. vino largius hausto in febrim continuam incidit. Pressionis simul sensus circa cardiam, et dolor ad ultimas costas spurias, tussi, inspiratione et decubitu auctus.

Secunda die alvus diarrhaeica; eadem die tertia persistente bis biliosa vomuit.

3. *Iul.* 4. *m. d.*

Caput temulentum. Lingua ex albo flavescens. Thorax liber.

In hypocondrio dextro tumor, et dolor auctus tussi, inspiratione, et decubitu.

Pulsus celer, plenus, fortis, durus, vibransque in dextro praecipue carpo.

Alvus octies posita, urinae coloratiores. Color oculorum et faciei circa nares et labia flavescens, genae rubentes.

Venae sectio unc. X.

Mixtura salina.

4. *Iul.*

Placidus noctu somnus. Lingua alba versus radicem flavescens. Nulla thoracis

thoracis oppressio, sputa mucosa, paucillo sanguine striata. Dolor in regione hepatis plurimum imminutus.

Pulsus celer, parum mollior. Sanguis e vena missus crusta pleuritica tectus; serum flavescens.

Alvus quater posita, urinae biliosae.

Decoctum salap. cum nitro.

5. Jul.

Heri sera vespera, cum pulsuum durities augetur, vena secta est ad unc. VIII. Nox tranquilla.

Profundior inspiratio et impedita, et inaequalis, costis sinistris citius altiusque diductis. In dextro hypochondrio tussis irritamentum. Sputa flavescencia, pauca crocea. Hypochondrium dextrum indolens ac molle.

Pul-

Pulsus plenus, fortis, durus, modice celerior. Sanguis e vena missus crusta tectus pleuritica, flavescente: ferum viridescens.

Vrinae biliosae, alvus ter mota.

Venae sectio unc. VII.

Decoctum salap.

6. Jul.

Eadem inspirationis profundioris conditio. Tussis rara, pauciores in sputis sanguinis striae. Maior pulsuum mollities. Abdomen indolens. Sanguinis e vena missi crusta iterum pleuritica.

Vrinae intense flavae cum sedimento mucoso imperfecte deposito, alvus bis posita.

Emollient. contin.

7. *Iul.*

Nox somnū inter et largos sudores peracta. Liberior inspiratio leviori doloris vestigio sub infimo sterno superstita. Pulsus celerior, fortis, durus.

Vrinae multa bile tinctae, alvus semel mota.

Eadem remedia.

8 — 23. *Iulii.*

Liberior de die in diem ab emollientium usu respiratio. Thorax et hypocondria indolentia reddita. Pulsuum tandem mollities et naturalis celeritas. Cum flavescens continuo, alvo tamen bis terve intra diem posita, lingua obsideret, mixtura salina aeger per aliquot dies utebatur, ut omnis biliosa materies educeretur. Primis diebus convalescens cum e lecto

lecto surgeret, tempestate humida et frigidiuscula obambulans sub fenestra aeri se exposuit. - Sequenti nocte erysipelas faciem occupabat, nulla tamen suborta febre. Sambucinis intra paucos die erysipelas profligatum est.

At 24 Iul. aeger denuo obambulando refrigeratus spirandi iterum difficultatem adscivit lecto coercendus. Quiete et sambucinorum usu altera iam die liberior atque aequalior inspiratio, brevi omnino naturalis. Sanus 1 Augusti d. m. 30 e nosocomio discessit.

VII.

Hemoptoe inflammatoria letalis.

Ancilla 19 annorum menstruis ab anno fere inordinate fluentibus, a duobus autem ultimis mensibus omnino suppressis secunda Iulii febre, thoracis oppressione et tussi frequenti corripitur, copioso mox ac sanguinis sputo subsequente. Tertia die thoracis oppressione iterum aucta vena secabatur aliquo cum levamine. Sputa assiduo cruenta et continua febris.

6. Iul. 5. m. d.

Lingua albida. Assidua thoracis, sinistri praecipue oppressio, per vices aucta. Inspiratio profunda inaequalis, thorace sinistro segnius, et minus alte elevato. Tussis frequens, sputa sanguine tincta. Difficilis in latum sinistrum decubitus. Pulsus acceleratus, plenus, fortis, durus.

Abdo-

Abdomen indolens, alvus semel
ab enemate mota.

Calor corporis subflavescent. Ge-
narum rubor.

Venae sectio unc. VIII.

Decoctum salap. cum nitro
tepide.

7. Jul.

Noctu minor thoracis oppressio.

Mane tussis frequens. Largum
sanguinis spumantis sputum. Inferior
thorax sub profunda inspiratione in-
trorsum tractus. Pulsus celer, ple-
nus, vibrans. Sanguis e vena missus
crusta pleuritica tectus. Alvus se-
mel mota ab enemate. Urinae fere
naturales cum sedimento mucoso.

Venae

Venae sectio unc. VII.

Cataplasma emolliens thoraci applicat.

Enema emolliens omni bihorio.

8. Iul.

Frequentior iterum mane tussis, et copiosa sanguinis sputa. Inspiratio profunda inaequalis.

Pulsus celer, plenus, subdurus. In sanguine e vena misso crusta inchoans.

Alvus ab enemate bis mota. Urinae iumentosae cum sedimento.

Solutio mannae cum cremore tartari.

Emollientium continuat.

9. Iul.

Sub profundiori inspiratione thorax

rax sinister fere immobilis. Tussis
rara, sputa nulla. Pulsus naturali
vix celerior.

Alvus nonies mota.

Venae sectio unc. V.
Emollientia.

10. *Iul.*

Frequens noctu tussis. At minor
thoracis oppressio. Aliqua inspira-
tionis emendatio. Sputa pauca, mu-
cosa, incruenta. Pulsus naturali vix
celerior. In sanguine e vena misso
crusta pleuritica.

Venae sectio unc. VII.
Emollientia.

11 — 24. *Iul.*

Continuato emollientium usu pa-
rum emendata est respiratio. Inae-
qualis enim, et in profunda inspira-
tione

tione tussi intercepta. Sputa interim mucosa, et aliqua semper pulsum durities.

24. Iulii, cum maior esset pulsum vibratio et durities venae sectio unc. VII. instituta. Crusta sanguinis pleuritica. Eaque ob eandem rationem, levamine nullo subsequente 28 Iul. repetita. Eadem sanguinis conditio.

Nulla, neque ab hac venae sectione respirationis facta est emendatio. Sputa tamen rara, et tenuis febricula, persistente pulsum modica duritie.

5. Aug. 35. m. d.

Maior thoracis oppressio. Profundior inspiratio tussi interrupta. Frequens pectoralis tussis. Sputa sanguine tincta. Decubitus in latere sinistro, qui antea facilis fuerat, nunc primum difficilis. Sinistrum thoracis
latus

latus manu percussum sonitum nullum reddens. Pulsus naturali modice celerior, subdurus.

Alvus bis mota: urinae naturales. Faciei leuco-phlegmatica circa oculos praecipue intumescencia: color terreus.

Decoct. alth. cum liquor.
terr. fol. tart.

6. *August.*

Aucta continuo oppressione thoracis aegra a meridie suffocata periit.


Sectio Cadaveris.

Pulmo sinister pleurae costisque membrana spuria intermedia firmissime adnexa.

Idem

Idem pulmo partim adhuc crude inflammatus, partim vomicis pus fundentibus obfitus.

Dexter pulmo in superiori tantummodo parte inflammatus.



OBSERVATIONES

M E D I C A E

V A R I I A R G V M E N T I.

E D I D I T.

I O S E P H V S E Y E R E L.

S T L L O G E V I.

V I E N N A E E T L I P S I A E,

A P V D. G E O R G P H I L I P P W V C H E R E R.

M D C C L X X V I.

1871-1872

1872-1873

1873-1874

1874-1875

1875-1876

1876-1877

1877-1878

1878-1879

1879-1880

1880-1881

1881-1882

1882-1883

1883-1884

I.

*Hepatitis et Enteritis inflammatoria
cum labe biliosa.*

Vidua lotrix 52 annorum ante decem circiter dies doloribus dentium vexabatur. Iis cessantibus per triduum commodè se habuit. Ante 5 dies, cum ab opera domum redux vinum cum pane assumpsisset, sequenti nocte circa matutina tempora vomitu corripitur sæpius per diem suborto, copiosa bile eiecta. Accessit dolor per totum abdomen diffusus, intensior tamen in dextro hypocondrio. Sequentibus diebus rarior sensim vomitus. Febris per hos quinque dies

continua. Heri e vena sanguinis unciae X educitae.

3. *Iul*, 5. *m. d.*

Totum abdomen, dextrum praecipue hypocondrium acute dolens, a tactus externi impatientissimum. Abdomen tumidum.

Vomitus ab ultimis 24 horis nullus. Assiduus amaror oris. Lingua alba.

Pulsus celer, plenus, fortis, durus, subinde intermittens.

Alvus ter noctu posita. Urinae paulo coloratiores absque contentis.

Color corporis et faciei biliosus, genis rubentibus.

Sanguis heri e vena missus crusta
pleu-

pleuritica tectus, cum multo flavescente fero.

Venae sectio unc. X.

Decoctum alth. cum nitro.

Emulsum ordinarium omni
bihorio pro enemate.

Cataplasma emolliens.

4. *Iul.*

Cum alvus heri antimeridiano tempore nulla poneretur, cochlear unum olei Ricini americani exhibebatur. Alvus inde bis mota.

Pulsuum etiam duritie hesternae vespera fere aucta, sanguinis missio repetebatur ad unc. V.

Mane mitior abdominis dolor, rudiores attactus ferens.

In dextro hypocondrio intensus
dolor,

dolor, per vices exacerbatus, et ad femur usque descendens.

Respiratio ob hypocondrii dextri et abdominis dolores impedita.

Pulsus modice celerior, minus vibrans, subinde adhuc intermittens.

Sanguis binis vicibus detractus crusta pleuritica, flavescens tectus, serum flavescens.

Vrinae biliosae: alvus bis mota.

Os amarum, lingua albida.

Decoct. alth. cum nitro.

Olei Ricini in oxymel. simplici solutum 3 de die cochlear.

5. Iul.

Heri circa vesperam maior dolorum

rum in abdomine saevities, persistente
pulsuum duritie. Instituta est venae
sectio unc. VI. Non magis tran-
quille peracta.

Mane et abdomen, et dextrum hy-
pocondrium intense, imo et sinistrum,
leviter tamen doluit, dolore subinde
ad femur vagante.

Pulsus celerior, plenus, durus, in-
certa adhuc lege intermittens,

Sanguis e vena missus crustam
pleuriticam exhibens.

Alvus oleo Ricini sollicitata ter
mota, copiosa. Urinae paulo colora-
tiores cum paucio mucoso sedimento,

Amaror oris, et albida lingua.

Eadem continuantur.

6. *Iul.*

Heri circa secundam a meridie horam levior et dolorum et febris exacerbatio. Tranquilla tamen infecuta est nox.

Mane intensus iterum abdominis, dextri praecipue hypocondrii dolor, vel levissimi attactus impatiens.

Pulsus celer, plenus, fortis, durus, intermittens.

Alvus bis posita copiosa, biliosa.

Sapor amarus, lingua purior.

Venae sectio unc. VI.

Mannae unc. ij cum crem.

tart. unc. dimidia in decoct.

alth. Libr. ij solut.

omni bihorio vasculum.

7. *Iul.*

Heri a meridie bis vomuit biliosa.
Noctu somnus.

Mane abdominis vix ullus, dextri
autem hypocondrii mitior dolor, ru-
diorem etiam attactum ferens.

Pulsus modice celerior, at fortis,
subdurus, rarius intermittens. San-
guis e vena missus pleuriticorum.

Alvus 10 mota, biliosa, copiosa.
Vrinae coloratiores.

Os minus amarescens.

Decoctum salap. cum nitro.

8. *Iul.*

Dolor hypocondrii sensim mites-
cens. Thoracis plena libertas.

Natura

Naturalis fere pulsum celeritas;
aliqua tamen durities.

Alvus semel posita. Biliosum in
urinis sedimentum.

Sapor oris pituitosus.

Eadem continuantur.

9. *Iul.*

Mitis admodum abdominis dolor.
Hypocondrium dextrum magis dolens,
at rudior tamen attactum ferens.

Pulsus naturali, celeritate, at sub-
durus, intermittens.

Alvus bis mota. Urinae sanorum.

Venae sectio unc. V.

Emollient, continuatio.

10. *Iul.*

Ab aliquot iam diebus vespertina, levior tamen, doloris exacerbatio. At hesternæ vespere ea fuerat saevities, ut vel levissimum attactum non ferret. Secta vena est unc. X. Antelucano primum tempore modica doloris remissio.

Mane mitior hypocondrii dextri dolor, ad femur usque errabundus, abdomen vix non indolens.

Pulsus celerior, subdurus. Sanguis e vena missus pleuriticorum.

Alvus semel posita.

Vesicans hypocondrio dextro applicatum: cataplasmate emolliente superimposito.

Decoctum salap.

11. *Iul.*

II. *Iul.*

Heri vesperi biliosa vomuit, modica quantitate. At nulla vespertina doloris exacerbatio. Placida noctu quies.

Dolor hypocondrii dextri plurimum mitigatus, rudiores ferens attactum.

Pulsus naturali celeritate, minus durus, intermittens tamen.

Mucosum in urina sedimentum. Alvus soluta.

Sambucina.

Cataplasma emolliens.

12 — 19. *Iul.*

Vesicans dolenti lateri iam per biduum impositum nullas excitaverat vesicas. Insigne tamen subsecutum est levamen.

Dolor

Dolor hypocondrii rudiores etiam
attactus ferebat.

Naturalis ferme pulsuum conditio.
Alvus tamen segnior.

Aegra nunc utebatur per aliquot
dies mixtura salina, solutione postmo-
dum mannata, alvum blande, et cum
aegrae levamine ducente.

19. *Iul.*

Dolor in dextro hypocondrio re-
crudit, attactus summe impatiens.
Oppressionis etiam ad cardiam assiduus.

Pulsus acceleratus, subdurus.

Venae sectio unc. VI.

Decoctum salap.

Cataplasma emoll.

20. *Iul.*

Mitior et oppressio, et dolor. Va-
gus

gus nunc dolor, et thoracis latera, et brachium potissimum occupans.

Exigua pulsuum celeritas. Sanguis e vena missus pleuriticus.

Emollient. continuat.

21. *Iul.* — 5. *Aug.*

Plurimum sensim mitescebat dolor hypocondrii. Rediit abdomini molities, et tenuis tandem febricula.

At vagi dolores nunc femur, nunc thoracis latera, tandem et ipsam faciem in dextro latere pone tempora et maxillam inferiorem, tumore ibi levi suborto, dire vexabant.

Vtebatur aegra sambucinis, addito ultimis binis diebus grano uno tartari emetici.

5. *Aug.*

5. *Aug. 38. m. d.*

Hesternæ vespere manifesta et doloris iterum in hypocondrio dextro; itemque oppressiōnis ad cardiā sensus et febris exacerbatio.

Recrudescens ad cardiā dolor, vomitus assumptorum; os amarum; alvus quater posita.

Pulsus ferme naturalis.

Vagi artuum superiorum dolores.

Sambucina cum tartaro emet.

Vesicans doloris regioni applic.

6. *Aug.*

Doloris relicto abdomine ad thoracem migratio. Spiritus difficultas, et oppressio.

Abdo-

Abdomen molle, indolens. Alvus
oëties mota. Brachii etiam dextri
vexatio.

Pulsuum naturalis celeritas.

Sambucina cum spiritu Min-
dereri.

7 — 8. Aug.

Vomitus assumptorum. Assidua
thoracis oppressio. Nullus artuum
dolor. Alvus femel mota. Febris
nulla.

Vesicans ad nucham.
Mixtura falina.

Altera die minor oppressio, ut
aegra e lecto interdiu surgebat.

At circa vesperam manifesta ite-
rum febris et oppressionis exacerba-
tio. Artuum etiam superiorum do-
lores.

lores. Hinc 7 Aug. Vesicans denuo ad nucham applicatum.

Mixtura salina continuata per aliquot dies, alvo inde 8 — 10 mota, dolores artuum sensim evanuerunt. Perstabat tamen thoracis oppressio, et difficilior spiratio.

Propinabatur tunc Mixtura: aqua petroselinii cum liquore terrae foliatae tartari, et oxymelle squillituo.

Largum inde urinarum profluvium, et levior de die in diem respirationis difficultas. Continuato remedii huius usu aegra tandem sanata. 25. Aug. 58. m. d. e nosocomio discessit.

Epicrisis.

Rheumatico-inflammatoria fuit hepatis et intestinorum affectio. Saepius recrudit dolor, quamvis gene-

Syll. VI.

B

rosam

rosam antiphlogisticam methodum opposuimus. Inflammatione vero iam fracta rheumatica materies in corpore huc illucque oberrabat. Vesicans prima vice applicatum nullas excitabat vesicas; at postea, cum strigosa anilis cutis emollienti cataplasmate continuo fota, mollescere incipiebat, optimum ad eliminandam acrem materiam remedium fuere epispastica.

In fine metus erat, ne ob morbi diuturnitatem aquae colligerentur in thorace. Lenioribus diureticis urinam movendo, incipiens serosa coluvies dissipabatur.

II.

Latens pulmonum, et hepatis inflammatio cum metu imminentis phthysios.

Vir 64 annorum, potator strenuus iam a longo tempore haemorrhoidibus caecis vexatus, ante 3 septimanas exigua febricula catarrhosa corripitur, sputis copiosis tussi frequenti eiectionis. Remediis variis utebatur absque morbi levamine.

2. Aug. 20. circiter m. d.

Thorax in profundiori inspiratione non omni modo libere elevatus; tussis pectoralis, sputa puriformia, pauxillo sanguine tincta. Tussis nunc rarior; rauco.

Levior oppressionis ad cardiacam sensus, actu externo rudiori auctus.

Pulsus celerior, fortis, durus.

Lingua albido - flavescens.

Decoct. falap. tepide.

3. *Aug.*

Inaequalis profundior inspiratio.
Tussis pectoralis. Sputa puriformia,
quaedam purulenta. Doloris ad car-
diam sensus.

Pulsuum celeritas et durities.

Alvus 10 mota, copiosa. Urinae
ferme naturales.

Emollient. continuatio.

4. *Aug.*

Tussis rarior, sputa quaedam pu-
rulenta. Inferior sinistri thoracis pars
minus alte elevata.

Pulsus celerior subdurus.

Alvus

Alvus quinquies mota.

Lingua alba, levissime flavescens.

Emollientia,

4 — 19. *Aug.*

Maior noctu incalescentia. Oppressio ad cardiam sensim evanuit, sputorum conditio quoque emendabatur, et pulsuum naturalis rediit conditio sub continuato emollientium tepidorum usu. Alvus tamen omni die 4 — 5 movebatur.

17 — 19 Aug. levior vespertina observata est exacerbatio. Sudatiunculae insuper nocturnae, virium debilitas, et carniū consumptio, et aliqua iterum pulsuum acceleratio. Rara interim tussis, et liberior thoracis elevatio. Hinc decoctum corticis peruviani aegro exhibebatur, cuius
usu.

usu vespertinae exacerbationes sistebantur, et vegetior reddebatur pulsus.

24. Aug. tempestate frigidiori diutius e lecto degens noctu itetum tussi frequenti vexabatur. Celerior altera die pulsus, et sputa quaedam purulenta. Solo tunc emollientium usu continuato aeger 4. Septemb. ad suos rediit.

III.

Colica Pictorum rheumatico - inflammatoria.

Pictor 32 annorum ante novem menses ex colica Pictorum decumbens sanabatur. Ante sex septimanas dolor iterum abdomen vexabat, alvo suppressa, frigore caloreque alternantibus. 29 Iulii summa dolorum saevities, vomitus frequens biliosus, et continua in hanc usque diem febris.

2. Aug. 5. m. d.

Vomitibus a binis diebus nullus. Lingua albedo - flavescens. Thoracis libertas.

Abdomen, in regione praesertim umbilicali, acutissime dolens, attactus impatientissimum.

Alvus

Alvus noctu, ut praegressis diebus, non nisi enemate mota.

Pulsus celer, plenus, durus, vibrans.

Vagi artuum dolores.

Venae sectio unc. VIII.

Cataplasma emoll.

Enema emoll.

Decoctum alth.

3. *Aug.*

Dolor heri a meridie mitescens, noctu iterum plurimum exacerbatus. Mane iterum remissior factus, paulo rudiores attactus ferens.

Pulsus naturali modice celerior, minus durus. Sanguis e vena missus crassa pleuritica tectus.

Alvus

Alyus bis mota. Vrinae ferme naturales. Vagus artuum dolor,

4 — 10. *Aug.*

Evanuit sensim abdominis dolor, febre tandem exigua, spontanea alvo, vago tantum artuum dolore superstite, ut convalescere aegrum dixeris.

At 10 *Aug.* fera nocte ob eiulatum parturientis, in contiguo conclavi, foeminae, aeger expergefactus repente saevis abdominis doloribus corripitur, cum pulsu accelerato, pleno subduro.

Emolliens dabatur, tepidusque potus; abdomen etiam emolliente cataplasmate fovebatur. Iis remediis per biduum continuatis, dolore tamen exacerbato die 12. *Aug.* Venae sectio instituebatur unc. VII. Sanguis crustam pleuriticam exhibuit.

Mites-

Mitescebat dolor, at morosior perstabat alvus non nisi enemate movenda. Vagi etiam artuum dolores.

Olei Ricini per aliquot dies, ter de die cochleari uno, exhibito, spontanea facta est alvus. Dolor omnis evanuit, mollities abdominis rediit, et aeger 23 Augusti, 26 morbi die, sanus discessit.

IV.

Febris continua remittens in intermittentem desinens.

Observatio I.

Mulier 38 annorum, multarum prolium mater, per annum ferme rheumaticis doloribus vexata, ante novem menses febre continua corripitur, omni altera die manifestius exacerbata. Comitabantur febrim cephalalgia, amaror oris, dolores artuum rheumatici, doloris quoque ad cardiacam sensus, attactu externo auctus. Remediis aegra utebatur nullis.

1. Aug. 9. m. d.

Dolor per totum caput diffusus, attactu externo auctus.

Affiduus amaror oris. Lingua ex albo flavescens. Urinae coloratiores, alvus

alvus semel mota. Color corporis et faciei flavescent.

Pulsus celerior, subdurus, idque magis in sinistro carpo.

Thorax liber; abdomen molle.

Mixtura salina,

2. Aug.

Helterna vespera circa septimam, manifestior febris exacerbatio. Noctu somnus.

Caput minus affectum. Os amarum, flavescent lingua.

Alvus quinquies mota; urinae colorationes.

Modica pulsuum celeritas.

Eadem mixtura.

3. Aug.

3. *Aug.*

Heri totam diem aegra sine omni febre transegit. Circa nonam vespertinam paroxysmus febrilis rediit, consuetis intermittentium febrium stadiis absolutus. Reliqua nox somno peracta.

Alvis bis mota.

Pulsuum naturalis ferme celeritas.

Decoctum solvens, cum sale
mir. Gl.

4. *Aug.*

Circa mediam noctem intensa fitis, calore magno et largis sudoribus obortis.

Lingua alba, os minus amarum.

Alvus

Alvus bis mota. Vrinae iumentosae, cum sedimento lateritio.

Solventia.

5. *Aug.*

Nullus heri paroxysmus rediit.

Lingua levissime albida; naturalis pulsuum celeritas. Alvus semel mota.

Solventium continuatio.

6 — 18. *Aug.*

Neque nocte vel levis rediit paroxysmus. Exhibebatur electuarium antifebrile.

Sub usu huius remedii omni altera die, quo redire debuisset febris, magna aegram invasit in somnum prodivitas. Hac etiam sensim evanescente, cortex in pulvere dabatur.

19. *Aug.*

Cephalalgia. Os amarum. Lingua leviter flavescens.

Vrina coloratior, alvus 2 mota.

Pulsuum celeritas

Mixtura falina.

20. *Aug.*

Oppressionis ad cardiacum sensus.

Levis amaror oris. Urinae biliosae. Alvus 9 mota.

Pulsus celerior.

Vagi artuum dolores.

Mixtura falina.

21 — 24. *Aug.*

Continua ad cardiacam oppressio.

Vrinae intense flavae. Alvus bis posita.

Tenuis febricula. Artuum dolores.

Cutis in abdomine insignis scabrities.

Sambucina.

Eadem fere sequenti biduo rerum conditio.

24 — 30. *Aug.*

Hac nocte copiosa in abdomine miliaria apparuere.

Mane nulla ad cardiacam oppressio.
Vix ulla pulsuum celeritas.

Vrinae

Vrinae minus biliosae. Alvus
bis mota.

Sambucina cum spiritu Min-
dereri.

Sequenti nocte maior adhuc mi-
liarium copia apparuit, cum insigni
aegrae levamine. Eodem quoque re-
medio continuato aegra sana discessit.

Observatio II.

Scriniarius 26 annorum 18 Iul.
 hausta mane cerevisia, mox frigore,
 et dolore ad cardiam corripitur. Sec-
 ta ea die vena, et assumptis diapho-
 reticis valida noctu incalescentia.
 Continua hucusque febris omni altera
 die manifestius exacerbata.

26. Iul. 9. m. d.

Circa quartam matutinam frigus
 aegrum corripuit.

Affiduus in regione ventriculi,
 versus dextrum hypocondrium dolor,
 acutus, attactum non ferens.

Pulsus celer, plenus, fortis, durus.

Lingua albida, os amarefcens. Tuf-
 ficula, visceralis. Alvus diarrhaei-
 ca. Urinae naturales,

Color

Color faciei dilute flavescens. Genae rubentes.

Venae sectio unc. X.

Decoctum salap.

27. *Iul.*

Hypocondrium indolens, levis ad cardiam oppressio, rudior ferens attactum.

Pulsus ferme naturali celeritate, minus fortis, subdurus. Sanguis e vena missus sine crusta, compactus.

Alvus quater mota.

Decoctum salap.

28. *Iul.*

Levior circa 5 matutinam febris exacerbatio.

Abdomen indolens; alvus ter posita.

Mixtura salina.

29. Jul.

Lingua levissime albescens.

Alvus ter mota; lateritium in urina sedimentum.

Pulsus naturalis.

Eadem continuantur.

30. Jul.

Levissima mane febris accessio.

Continuatis solventibus plena apyrexia sequebatur, et febris mox ipsa intermittens peritus emanfit.

Epicripsis.

Epicrisis.

Saepius in huius anni decursu remittentes febres, non tamen ea frequentia, ut prioribus annis, vidimus, eo quod universim minor fuerat biliosarum febrium extensio. In febribus remittentibus, dum continuae feбри medemur, id fieri solet, ut aut intermittens tota dispareat, superstita continua; aut continua sanetur, sola intermittente relicta; subinde utraque simul subagitur. Rarius id contingit, ut remittens febris in continuam alterius indolis, quam quae ab initio sociata fuerat, transitum faciat.

Huius transitus exemplum in prima observatione habuimus, febre in initio intermittente cum biliosa continua coniuncta. Disparuerat continua, remanserat intermittens, quae tandem cortici peruviano cesserat.

At inopinate aegra, quin aliquis in diaeta commissus error potuerat detegi, in febrium iterum continuam incidit, biliosae ab initio indolis, ac si natura materiam morbosam partitis vicibus expellere tentaret. Neque id adeo mirum est, cum biliosam epidemiam observarit *Praeceptor*, quae durante ferme omnes aegri, accuratissimo etiam servato regimine, recidivas patiebantur.

Hoc etiam in nostra aegra, ut videtur, contigit. At materia, maxima parte, expulsa, febris continua in febriculam desiit miliaribus subortis iudicatam.

In secunda observatione intermittenti continua inflammatoria febris iuncta fuit. Absterfa, antiphlogistica generosa methodo phlogosi, intermittens superstes solis cessit solventibus.

V.

Arthritis anomala.

Medicinae studiosus 23 annorum a pluribus annis stranguria vexabatur, urina turbida, iumentosa missa. In puerili aetate a diuturna opthalmia male curata monocus factus. Ante 9 menses ex febre decubuit vario spasmodum genere stipata. Postea in diarrhaeam incidit, quae ipsa tandem in dysenteriam abiit. Praeterea ab aliquot annis validissimis saepe cordis palpitationibus corripiebatur, seu quietum, seu in motu positum corpus haberet. Noctes praesertim fuerunt inquietae ob gravia insomnia. Per multas septimanas gravius iterum urgebant symptomata, et aeger iam de cordis polypo sibi fecerat hypothefin.

14. *Martii.*

Dolor per totum caput diffusus.
Vagi artuum dolores.

Tho-

Thorax liber, abdomen molle.

Pulsus celer, plenus, vibrans, subinde naturali prorsus celeritate.

Cutis perspirabilis.

Venae sectio unc. VIII.

Decoct. alth. cum nitro et syrupo e baccis sambuci.

15. *Martii.*

Tranquilla nox.

Dolor capitis. Lingua modice flavescens.

Thoracis oppressio, profunda tamen, et aequalis inspiratio. Cordis palpitaciones.

Alvus inter colicos dolores bis posita. Urinae naturales.

Eadem

Eadem ac heri pulsuum remissio.
Sanguis e vena missus crusta rheumati-
tica tectus.

Idem decoctum.

16. *Martii.*

Deglutitio impedita; minor tho-
racis oppressio.

Vagi artuum superiorum dolores.

Eadem ac heri pulsuum conditio.

Sambucina.

17 — 18. *Martii.*

Caput minus dolens. Levior tho-
racis oppressio; et rariores cordis pal-
pitationes. Nullus artuum dolor. li-
dem remittentes pulsus.

Eadem remedia.

19 — 20. *Martii.*

Diffusus iterum intensus per caput dolor. Vagi artuum dolores. Oppressio thoracis cum profunda inspiratione. Cordis subinde palpitationes. Pulsuum eadem conditio.

Sambucina.

21. *Mart.*

Thoracis oppressio. Diffusus in dextra thoracis regione dolor. Palpitatio cordis frequens. Dolores artuum inferiorum.

Pulsus celer, plenus, fortis, subdurus.

Alvus ter mota.

Venae sectio unc. VIII.
Decoct. Salap.

22. *Mart.*

Minor thoracis oppressio. Cordis rarior palpitatio. Levior etiam in thoracis latere dolor.

Antiphlogistica sambucinis iuncta.

23. *Mart.*

Noctu materies arthritica fauces occupabat.

Palpitatio cordis per vices, at rarius.

Vagi artuum dolores. Pulsuum vibratio.

Iisdem remediis continuatis, et palpitationes, et artuum dolores rariores evasere. Aeger cum insigni levamine 27 Martii domum rediit, admonitus,

monitus, ut horum remediorum ufui per aliquod tempus infisteret.

Epicripsis.

Mobilissima haec arthritica materia, per annos iam et urinarias vias, et cordis quoque nervos irritabat, ut pro polypo, et aegro, et medicis imponeret.

In eiusmodi anomala arthritide cura omnis in fequentium observatione versatur.

I. Curandum est, ne febris, quae hanc morbi anomaliam comitatur, exorbitet, aut plus iusto depressa sit; illam enim deprimere, hanc autem erigere oportet. In primo casu methodus antiphlogistica, plus minusve generosa, in altero leniora excitantia conveniunt.

II. Viae omnes apertae fervari debent, ut materies morbosa evacuari commode possit. Vrina movetur potu largo, sambucinis etc. Alvus lenioribus eccoproticis sollicitanda; perspiratio autem potu calido, sambucinis etc. promovenda. Materia autem morbosa, si ad partem quandam deponi incipiat, pars illa fovenda et ad materiae illius susceptionem, praeparanda est.

III. Motus erronei reducendi sunt, et urgentioribus symptomatibus est prospiciendum.

Positiones practicae.

In omni febre indeterminata, indirecta medendi methodus adhibenda est, quae in iusto febris, excretionum, et symptomatum urgentium moderamine consistit.

Parca urinae et alvi, aut etiam involuntaria excretio; pervigilium, delirium, tendinum saltus, manuum ad contactum medici retractatio incio aegro, masticatio assidua, musculorum faciei et colli ex alterutra parte quasi paralyxis, mala sunt in febribus signa; omnium autem pessimum est diductis narium pinnis spiritum trahere: depositionem enim ad encephalum instare, aut iam factam esse notant.

In morbis pectoris inflammatorio de respirationis negotio maxime nos

follicitos nos esse oportet; saepe enim sola inspirationis inaequalitate, et sputorum conditione de latente pulmonum inflammatione admonemur.

Neglecta catarrhi inflammatorii medela frequentissima peripneumoniae latentis origo.

Nocent in hac pulmonum affectione roborantia, equitatio, et spes omnis in continuato diu emollientium potuum usu, et in summa corporis, animique tranquillitate ponenda est.

Febris puerperarum non est febris suis generis, sed in castra epidemica transit. Hinc medicorum dissensus

fus de varia huic feбри medendi methodo explicari potest.

Febres remittentes in continuam, et in intermittentem, quasi in elementa sua, resolvuntur. Vtriusque febris curam habere debet medicus.

Dum continuae feбри medemur, saepe intermittens sola remanet, cortice peruviano tunc profliganda.

Hinc et inflammatoriae, et biliosae, et pituitosae cum intermittentibus connubia intelliguntur.

Pessima autem sunt peripneumoniae et intermittentis febris connubia.

bia. Dum enim febrim intermittentem suppressere animus est, phlogosis augetur. Generosa vero antiphlogistica methodo inflammationi opposita; ipsi intermittentis paroxysmi, pulmonibus exitium afferunt.

In colica Pictonum et involvens, et evacuans, et narcotica methodus suam habent in medendo opportunitatem; et plerumque omnium harum connubio opus est.

In omni colica pictonum, si diutius duraverit, intestinorum inflammatio accedit.

In viscerum abdominalium inflammationibus frequens pulsuum fallacitas;
Syll. VI. D

tas; fictitiae enim debiles post factas demum sanguinis evacuationes assurgunt.

Ambigua saepissima sunt saburrae turgentis signa; hepar enim affectum, stimulus inflammatorius abdominis visceribus inhaerens, secundum non raro mentiuntur febris biliosae stadium.

Inflammatoria febris si biliosae iungitur, inflammatoriae prima habenda est ratio. Duplex est febrium biliosarum stadium: unum materiae morbosae sanguini permixtae, ad exitum nondum praeparatae: alterum materiae ad exitum praeparatae, et ad primas vias depositae, atque sursum, vel deorsum turgentis. Quo turget, eo est ducenda.

Raro hepar inflammatorie est affectum, quin et in pulmone illius lateris inflammatorius infarctus adsit.

Morbus in initio neglectus, et varia febrium complicatio, acutorum curationem difficillimam reddunt.

Febris pituitosae optimum signum pathognomonicum est, ipsius febris lenis ad speciem decursus.

Et haec ipsa febris subinde cum inflammatoria febre iungitur, et inflammatoriam quoque in hanc pituitosam transiisse vidimus.

Huic febre solemne est miliaribus
iudicari.

Tussicula catarrhorum, frequens,
absque noto pulmonum vitio, fidissima
miliarium exanthematum praenun-
tia est.

Vniversim apparentibus in cute
exanthematibus ad febrim principem
omnis cura dirigenda est, eaque per-
sanata, exanthemata quoque disparent.

Qui febre morbillosa laborant, no-
stris in terris potissimum peripneu-
monicorum instar antiphlogistica me-
thodo sanandi sunt.

Varia datur febrium in eodem aegro successio, ut attentus medicus morbi vestigiis, non autem, formatae in initio febris notioni insistere debeat.

Declinante constitutione annua, illiusque in aliam transitu, duplex habetur febrium genus, unum antiquae constitutionis, alterum ingredientis novae.

Febris quaecunque cardinalis si in corpus nimium irritabile inciderit, ex quacunque demum causa aucta fuerit irritabilitas, varias ludit traegedias; *status* hic *nervosus* dici poterit, ut ergo *febris nervosa acuta* quorundam, non sit sui generis febris, sed potius concomitans alterius febris symptoma. Eaque febre sanata, turbatur

turbæ quoque ab aucta irritabilitate oriundæ optime sedantur.

In febribus inflammatorio rheumaticis, inflammatorio adhuc stimulo prævalente, a medicamentis stimulantibus abstinendum est. Fracta inflammatione vesicantibus, et tartaro emetico, scopo alterante, ad eliminandas rheumatis reliquias utimur.

Infauſta in morbis acutis criſis per parotides. Magna, in utroque latere parotis, et irritando, humorum ad encephalum raptum accelerant, et mole ſua, premendo, apopleccas mortes inducunt. Spes omnis in emollientiſſimis remediis poſita eſt.

Depositiones ad encephalum saepe omnino non praevideri, aut praevisae etiam, raro averti possunt.

Latens pulmonum inflammatio ob morbi lenitatem, sive febrim, sive oppressionis sensum respicias, et aegros, et medicos saepe fallit. In longo emollientium potuum, parvis et iteratis venae sectionibus, animi corporisque quiete, salus.

Convalescentium cura, protracta ut plurimum medendi methodus esse debet, quam in initio, inventa ad artis regulas morbi *notione practica*, indicatam esse iudicavimus.

In febribus inflammatoriis precipue, cum topica alicuius visceris inflammatione, longior emollientium antiphlogisticorum usus adeo est necessarius, ut ob eam cautelam neglectam, frequentissimi et pessimi relapsus observentur.

In febribus biliosis subinde nulla in secundo stadio aut sursum aut deorsum turgescencia observatur. Fieri id solet, cum materia partitis vicibus, aut sponte, aut arte, per alvum eliminatur.

Omnium ultimo in febribus lingua emendatur.

Qui ex colica Pictonum aliquando decubuerunt, sanati etiam, si dein acuto morbo corripuntur, in spasticas omnis generis, nervosi systematis, affectiones proclives sunt.

Ad expellendam vermena Taeniam, efficacissimum est methodi involventis, olei praesertim Ricini americani, et methodi evacuantis, specifici Noufferiani, connubium.

At expulsa etiam verme, id fieri oportet, ut, restauratis viribus coëtricibus, *verminosa dispositio* tollatur.

Hae sunt potissimum practicae positiones, quarum veritatem repetitis vicibus

vicibus in schola clinica, hoc anno, fuimus edocti. Minus equidem ferax fuit hic annus, morborum si spectes varietatem et insolentiam. Longum enim iam a pluribus annis *stationariae febris*, quae rheumatico-inflammatoriae indolis erat, imperium, tot aegros obtulit, omnes rheumate, at modo hoc, modo illud viscus occupante, vexatos. Hinc antiphlogisticae methodi, generosae ut plurimum, amplissimus fuit usus. Frequentissima crisis per miliaria observabatur, quae vix non semper catarrhosam tussiculam praenuntiam habuerunt. Praeterea in omnibus ferme aegris sedimentum in urina mucosum conspiciebatur.

Complicatio huius febris rheumatico-inflammatoriae, multiplex fuit;
cum

cum biliosa plerumque, sed etiam,
quod rarius contingit, cum pituitosa,
imo in eam transiit.

Epilogus.

Habetis hic, artis clinicae cultores aestumatissimi, observationum medicarum fylloges, quibus ea potissimum continentur, quae ad aegrorum lectos, in hoc anni scholastici curriculo, in schola clinica acta sunt, atque vobis ipsis, una mecum, intueri licuit. Ad febrium doctrinam, quae et amplissima est, et maximae ad chronicos etiam sanandos morbos utilitatis, hae observationes potissimum pertinent. Iuvabit vos quondam meminisse, si vestrae curae aegrorum vita salusque traditur, quo *Duce* utebamur

mur

mur in eruenda ex ipsis aegris februm historia; et quanta fuerit *Praeceptoris Optimi* in clinicis suis institutionibus, et animi contentio, et in explananda morborum doctrina perspicuitas, ut medicos vos efficeret, quam optimos. Vos potissimum alloquor, praestantes et ingenio, et animorum integritate Iuvenes, qui in artis nostrae incrementa nati, *Praeceptoris* doctrinam, ea attentione excipere, tantoque studio perscrutari solebatis, ut in vestra quondam peritia et humanitate, firmissima habeantur adversae valetudinis praesidia. Quod eo magis exoptandum est, cum nostra potissimum aetate, et docti et indocti,

de

de Medicinae dignitate, et de metho-
do illam addiscendi, tenuiter admo-
dum sentiant: ut enim omnia prae-
clara, rara sunt; ita Medici quoque,
qui non ex auri fame sapiunt, sed ex
artis, quam perficere student, prae-
stantia, rarissimi.

Synopsis.

Sylloge I.

Praemittitur methodus examinandi
aegros.

I. Indirecta febribus medendi me-
thodus.

II. Peripneumonia letalis. Pulmo-
num inflammationum conditio.

III. Status in febribus nervosus a de-
positione ad encephalum facta.

IV. Variarum inflammationum thoracis
formae.

Syllo-

Sylloge II.

- I. Medicorum dissensus de indole febris puerperarum.
- II. Infausta peripneumoniae, et febris intermittens connubia.
- III. Varia colicae Pictonum medendi methodus.
- IV. Inflammatoria febris cum serosa colluvie ex praegressa intermittente tertiana.
- V. Rheuma ad hepar et intestina conversum.
- VI. Enteritis cum hepatitide et peripneumonia.
- VII. Subdola pleuritidis latentis origo.
- VIII. Peripneumonia sub specie febris biliosae in initio delitescens.
- IX. Graves quaedam in curandis febribus difficultates.

Sylloge III.

- I. Ambigua faburrae turgescientis signa.
- II. Sectio cadaveris peripneumonia defuncti.
- III. Diversa genii epidemici facies.
- IV. Februm in eodem aegro successio.
- V. Mors improvisa a vero cordis polypo.
- VI. Status nervosus in febribus acutis.
- VII. Nonnulla de verme Taenia.

Sylloge IV.

- I. Quaedam in variolarum insitionem animadversiones.

Et naturales quoque variolae insitae sunt.

Commoda insitionis.

Syll. VI.

E

Nulla

Nulla praeparatio, optima
est praeparatio.

Modus inoculandi.

Diversa stadia variolarum
infitarum.

Stadium ebullitionis.

Febris variolosa primaria.

Stadium eruptionis.

Stadium maturationis.

Stadium exarescentiae.

Stadium desquamationis.

II. Febris bilioso-putrida, accedente
pulmonum inflammatione.

III. Haemorrhagia uteri, a rheumate
illic deposito.

IV. Vomitus ab infarctu lento hepatis.

V.

V. Infausta crisis per parotides.

VI. Commendatio olei Ricini americani in colica Pictonum.

Sylloge V.

I. Febris pituitosa febri inflammatoriae succedens.

II. Peripneumonia cum febre biliofo-putrida complicata letalis.

III. Exanthema urticatum.

IV. Inflammatoria viscerum affectio, cum labe biliosa.

V. Latens pulmonum inflammatio.

VI. Inflammatorius hepatis infarctus.

VII. Haemoptoe inflammatoria letalis.

Sylloge VI.

- I. Hepatitis et Enteritis inflammatoria cum labe biliosa.
- II. Latens pulmonum et hepatis inflammatio, cum metu imminentis phthysos.
- III. Colica Pictonum rheumatico-inflammatoria.
- IV. Febris continua remittens in intermittentem desinens.
- V. Arthritis anomala.

Positiones practicae.

Epilogus.

Synopsis.
